




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
300/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
300/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
300/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
300/A


Autrice


300/A

N vi. 8
7

K







75062

CIVIS

CHRISTIA-
NUS,
SIVE

PEREGRINI QUON-
dam errantis restitu-
tiones.

Lucæ 15. v. 7.

*Scitote maiorem fore in cœlo letitiam ob
unum fontem, qui redeat ad frugem; quam
ob nonaginta novem insontes, qui vitæ cor-
rectione non egeant.*




ARGENTORATI.

Sumptibus hæredum LAZARI ZETZNERII

ANNO M. DC. XIX.





*Viro Christiana nobilitate emi-
nentissimo,*

D. WILHELMO
à Remchingen, &c.

Illustr. Pr. Wirt. Consiliario; supremi
judicij præfidi; Uracensium præ-
fecto superiori meri-
tissimo,

Patrono suo colendissimo,

S. P. C.



*Virutum Tuarum Chri-
stianarum publica fama,
& laborum Patriæ tot
annos impensorum præ-
clara merita, me jusse-
runt hoc quicquid est sacri conaminis
ad arbitrium Tuum exactissimum de-
ferre. Nam cum rarissima pietate Chri-
stum amplectaris, & incorrupto judicio
præpolleas, hac Christiana causa Sapien-*

A 2

4 PRÆFATIO
tiæ & prudentiæ Tuæ debebatur, ut qua
summa laude quondam Magnus Curie
magister; nunc supremi Dicastrii Præses
integerrimus audis, eadem à me, cujus-
cunq; sortis homine Catonis Christiani
nomen feras. Oro itaq; quam possum re-
verenter, censuram Tuam mihi negare
nolis, qua si forte stem, omnes bonos in
sententiam & consensum movebo. Deum
precor, ut cum nihil terrenum Tuas pro
patria seniles curas adæquet, mercedem
& præmium in Cœlis accipias, abundan-
tissimum. Vale in Christo, decus
nostræ nobilitatis.

A. E. E. T.

omni obsequio & ob-
servantiâ cultor

Joh. Valent. Andrææ.

JE-



J E S U S.

I.

Civis.



IN FINITIS errorum
ambagibus & vicissitu-
dinibus circumactus &
fatigatus miser Peregri-
nus, cum jam extrema
quæque minaretur Labyrinthi Mun-
dani Princeps Satan, propitio Deo mi-
hi, à quo exieram, restitutus sum. Nam
cum me alibi quam apud me quære-
rem, & extra me quod intra erat multis
divagationibus investigarem, à Deo,
cujus unius hoc est, in Cordis mei pe-
n-tralia revocatus, jam me domi esse,
jam in Patria civem haud ultra pere-
grinum, liquido, & cum infinito meo
gaudio prehendi. Hic enim liquebat
generis origo ex Dei afflatu, corporis
fabrica ex Dei manu, nova adoptio ex
Dei misericordia, nova disciplina ex.

A. 3.

Dei præsentia, scilicet Dei me esse, non
hujus Mundi, innotuit. Itaque non o-
pus erat Deū & divina alia alibi, quam
in pectoris sacrario quærere, interro-
gare atque audire, qui minutum no-
strum mundum ea sapientiâ disposuit
& ditavit, ut Maximum illum ad un-
guem representet, neque admirando-
rum minus possideat. Hic namque Dei
opificium in breviarium aliquod con-
tractum Cœli terræque motiones, vi-
res, vices, maximè vero concertatio-
nes, & CHRISTI conciliatoris inter-
ventum exprimit, ac hominem qui SÆ-
NOVIT infinita rerum pulcherrima-
rum contemplatione adimplet, ut in
centro suo omnium rerum cōcursum,
omnem etiam egressum intueatur, ut
omnino dolendum sit tantam humani
generis multitudinem sui ignaram ob-
ambulare, & non tam occultatam tam
pretiosam machinam, quam obrutam,
impeditam, inquinatam & ærugino-
sam circumferre, cui nescio an admo-
nitor desit, certè ea multorum surditas
& cœcitas est, quæ nullis clamoribus,
nullis

nullis demonstrationibus superari possit. quidquid ejus est, ego quid viderim & audiverim verè & simpliciter recitādo, quod in me recepi, bona & Christiana fide exoluam.

Dum etiamnum à Satanæ minis tremo & totus stupeo, vox à tergo, inclamat penetrantior, & vitalior SURGE, quæ me simul in pedes velut erexit, & novo robore animavit: cumq; circumspicerem iterum inclamat VENI, ac mox cum hæsitarem RETRO ait, ac me totum invertit & avertit, sive veriùs introvertit. Hic sub dubia luce angustissimum aliquod sacrarium apparet, humilis formæ, ostiolo arcto, non nisi perimas exiguum, atq; tenebricosum lumen admittens, quo cum penetrassem, primum oculi caligarunt, postea paulatim visu emergente, varia virtutum simulacra semi-exesa, rudis picturæ & sculpturæ apparebant, sapientiæ puta, justitiæ, temperantiæ, fortitudinis, prudentiæ, & similiū, quæ membris plerumq; mutilata, & vastatione aliqua barbara, confRACTA erant. Vi-

debam etiam machinæ cujusdā spha-
 ricæ dissolutas rotas & circulos, varia-
 rumque armillarum congeriem, & a-
 xium, denticulorumq; dispersionem,
 ingeniosi quondam operis reliquias &
 fragmenta, quæ nemo artifex iterum
 restitueret. Sed etiam alas deplumatas,
 scalas comminutas, trochleas diffusas
 intuebar, insignis alicujus sed irriti co-
 natus vestigia, quæ omnia sine inter-
 prete plurimum confusionis adfere-
 bant. Ita ego velut in scrutario foro tot-
 rerum inutilium & corruptarum spe-
 cies & formas admirabar, nescius o-
 mnino quo fine hæc absurda conge-
 ries coaluisset. Nectamen hic locus ut
 Mundi nuper camera fœtebat, sed sua-
 ve quid & gratum redolebat, nec hor-
 rebat etiam, sed animabat potius, & be-
 ne sperare jubebat, ita nulla mea solici-
 tudine securus varias picturas contem-
 plor, & quid me monitor meus
 porro velit, maxima con-
 fidentia expe-
 cto.

Chri-

II.

Christus.

O ineffabilem lucem, quæ subito apparuit! demittebat enim se quidam per sacrarij fornicem humana quidem figura, carne, membrisque nobis undique similis, claritate tamen planissime Deus, qui cum totus resplenderet, sacrarium longe alio lumine illustravit, & quæ me hætenus latebant aperuit, & revelavit. Hic virtutum imagines velut purissima crystal- lus relucebant, & admirabili artificio nitebant, imo & moveri, ac vivere incipiebant, nec mutilum quid erat reliqui, omnia integerrima conspiciebantur. Ita & sphaerici circuli in augustissimum horologium redibant, cujus motiones hoc universum stupenda æmulatione exprimebant, & regiminis Divini ideam referebant, neq; supererat quicquam cujus non perfectio, & evidentissimus usus prostaret, ut adesse omnia, deesse nihil fatendum fuerit. Ipse verò Theanthropus candente stola ami-

A s

ctus, librum secum adferebat, & crucem quibus sciendi, agendique regulam sanciret, quæ tanto facilius homini allubesceret, quanto minùs ille mole Mundi legum volumina, hæc pondere Mundi onerum trabes adæquabant, sed pueri manu utraque tractabilia erant. Facies utat lucidissima, humanos tamen oculos admittebat, nec terrebat sed recreabat, atque omnino MERUM AMOREM spirabat, & nunquam in Mundo visam facilitatem, exhibebat, ut tum demum erubescens deprehenderim, hunc illum Mundi contrarium, hunc Mundo oppositum esse, quem hic mihi tot injuriis gravatum, exosum reddere, tot ineptiarum accusatum, ridiculum facere, tantæ austeritatis insimulatum, fugiendum & vitandum persuadere nequiter voluerit. Is igitur lenitas ipsa, mansuetudo ipsa, clementia ipsa sic me alloquebatur:

Venisti tandem mi Fili, & Frater, ut quæ ex me dudum audivisti, aliquando faceres. nam cū infiniti nomen meum agnoscant, & profiteantur, paucissimi admo-

admodum exprimunt. Christiani multi sunt, Christoferi pauci, Evangelio-
phori multi, crucigeri pauci, quod ita
Mundo persuasum est, satis esse scire
quid voluerim. Itaque te amplector, &
exosculor, atq; mihi devincio, ut post-
hac & apparentem videas & loquen-
tem audias: & docentem excipias & fa-
cientem imiteris: & monstrantem at-
tendas, & praeuntem imiteris: & sua-
dentem observes, & imperantem se-
quaris: & agentem intuearis & patien-
tem æmuleris: & facilem ames, & du-
rum feras: scilicet nec librum meum
sine cruce, nec crucem meam sine li-
bro, sive doctrinam meam sine exem-
plo & vita possideas, ac insolubili *Cha-
ritatis* vinculo mihi alligeris, cujus tibi
hic immensus erit fructus, ut post infamiam honores, post dolorem gaudia,
post labores quietem, post indigen-
tiam sempiternos thesauros æviternū
possideas. Simulque *Christus* dexte-
ram suam porrigit, ac arreptā meā divi-
no rore me totum irrigat, ablutumque,
& cœlicā mannā refectionem suam esse,

nominari, & manere jubet, cui ego non ut in Mundo quondam trepidans, sed filiali fiducia lætus: Sume me tibi *Iesu rex meus*, & Mundo eripe. dic quid velis, & da ut possim: jube quod velis, & da ut paream: impone quod velis, & da ut feram, exerce ut velis, & da ut sufficiam, da quod jubes, & jube quod vis; nihil ego ero, ut tu omnia sis. dum hæc loquor, quod angustum hucusque erat facellum, in augustissimū se templum multis atriis distinctum dilatat & hujus universi amplissimam imaginem exhibet.

III.

Philantropia.

AB uno esse, & ad unum omnia templi hujus redire, facile fuit intelligere: nam ut ab Herculis ore quondam pependisse ingentem multitudinem ajunt, ita minutis catenis universum genus humanum cordi Divino connexum hic conspiciebatur. Hoc enim illud Misericordiæ centrum est, quod ab omnibus seculis Agnum Pascha-

Paschalem expiandis Adami delictis destinavit, hoc clementissimum consilium, quod fideles omnes in gratiam recipit, hoc charitatis fastigium, quod sese sponte ad nos demittit, & accommodat, hoc sapientissimum iudicium, quod inter dignos & indignos discriminat. Itaque pectus Dei infinitæ virtutis Magnes mihi visus est, qui Christi sacros omnes fidei acubus superimpositos ad se trahebat ea parte, qua sese sacro lapidi affricarunt, & propellebat, quod à Mundi contactu & contagione erat. Unde & omnium eadem directio, idem ejusdē plagæ intuitus, quod non singuli capitis sui delirium sequerentur, sed arcano motore regerentur omnes, & ad unum finem obverterentur. ita etiam nō naturaliter movebantur, alioquin deorsum lapsuri, quod in Mundo quotidianum est, sed supernaturaliter, ut jam aliud vellent quam volunt, aliudque possent, quam possunt, dilectionis scilicet Divinæ beneficio. Nam quem amoris sacri affectus trahit, vix seipsum capit tantum abest, ut

vel sibi, vel aliis possit factorum suorum rationem reddere, sed potius obsequio eo ascendit, ubi ratiocinationem omnem superet. Ita nihil habet caro quod jubeat, suadeat, petat, nihil etiam quod gloriatur, omnia ejus sunt, qui incomprehensibili ardore humanum genus dilexit, & ad se revocavit.

Dum hæc intueor, video multorum catenulas disrumpi, atq; summo Philantropiæ dolore id fieri. Nam si quis cunctantius ibat, aut hamis mundanis implicabatur, aut omnino detrectabat obsequium, solvebantur Unionis Christianæ articuli. itaque aut in profundum præcipitabantur, aut hærebant aliquandiu in luto, aut magno intervallo relinquebantur, sed omnino aliqui denuo connectebantur. Ea enim Dei natura est, ut neminem negligat, neminem abijciat, nisi ipse sese, ac succurrendi, revocantique pertinaciter recalcitret. hoc enim unum à nobis exigit, ut *Sequamur*, cætera ipse curabit, & vel ignaros viæ in portum optimus Nauclerus deducet. Facile itaque sit nos cæcos,

cos, surdos, & mutos Mundo videri, cum nec Deus nos nimis oculatos, auritos, & loquaculos velit, sed salutis iter humili potius obsequio, quam curioso examine constet. Id etiam longe tutius Deo quam Mundo præstatum, ut qui status arcana nulla habet, quibus ignari & aliud agentes serviremus, sed uno Charitatis arcano omnia complectitur, ut nos aliquando nobis ereptos, sibi fervet & tradat, ac è Mundo eductos in cælum colligat. Quod immensum beneficium, mirum est pauciores Christianos æstimare, ac scopos alios, alios fines quam Cælum dum temporis huius usura suppetit sive potius captivitatis dimensum, respicere, cum potius relicto mundanis mundo, terrenis terris, vanis vanitate, mortalibus morte, ad nostram vocationem, quæ ad cælos invitat, trahit, & stimulat, à primis annis ad ultimum usque delirium, omninifusu & sudore elaborandum

foret atque elu-
ctandum.

Divina

Divina inhabitatio.

Nihil felicius infelicitate, nihil ignorantia sapientius, nihil paupertate opulentiùs esse hic reperi. nam quibus Fortuna favet, & Mercurius ac Pluto propitij sunt; miserrimè habent, quod opinione opplentur, veri nihil omnino habent. Itaque is demum Deo accommodus est, qui ab omni terreno vacuus, cœlum capit. Nesciendum quippe est, ut Deum sciamus, desipiendum ut Deum sapiamus, indigendum ut Deum possideamus. Mirum est nos tanto molimine ea quærere, ac tueri, quæ à Deo arceant & impediant: quod quia Mundus non fatetur, imò potius ad cœlum proficua blaterat, nequior est. Hic aliter mihi monstratum, nam cum innumeram turbam cōspexissem ad Cœlum peregrinantium, acerrimum examen ad Portam institutum vidi, quod subeundum singulis erat. non enim vestes tantum excutiebantur, ne quid Vanitatis involutum latitaret, & sarcinulae disqui-

disquirebantur, ne quid prohibiti inesset, sed quod planè insolitum, ipsa intestina; caput ipsum & cor evacuabantur, ne quid purulenti Deo sedem suam inquinaret. Quod etsi sine dolore non fiebat, tamen cœlicis medicamentis ita dextrè expediebatur, ut vitam potius auxisse, quam minuisse visum sit. At tam in locum olentis liquoris sacra flamma subibat, quæ momento hominem in alium mutabat. qui jam ipse mirari incipiebat, quî potuerit hûc factorem ferre, ne dum æstimar, ridereq; suam insaniam, qui inutilibus sarcinis corpus oneravit. iocundissimum utiq; spectaculum fieri momento quod nullum seculum hîc impetraret, & rude subjectum in nobilissimum quodque organon mutari. balbos superare eloquentiam, opiliones præsidere sapientibus, piscatores convincere philosophos, idiotas erudire sophistas, scilicet sapere insipientiam pugnare imbecillitatem, abundare paupertatem.

Operæ pretium est audire quam jactabundi sint qui Deû possident: nam
cum

cum se homines extollant ob commo-
datas hujus terræ sordes, opinionem,
nomen, fabulas, ritus, formulas & simi-
lia crepundia, Theophori merito ha-
bent, quod de inseparabilibus suis &
æternum duraturis opibus glorientur.
Itaque qui Deum habet, facile Mundo,
universo caret, qui Deum scit, facile
mundū universum ignorat, qui Deum
gustat, facile mundum universum nau-
seat, qui Deū opponit, facile mundum
universum spernit, qui Deum experi-
tur, facile mundum universum ridet,
qui Deum amat, facile mundum uni-
versum odit, qui Deum sequitur, facile
mundum universum derelinquit, qui
Deum adhibet, facile mūdum univer-
sum superat: quod sane tanto magis in-
solitum videri debet, quod nihil ejus-
modi, cujus mundus æstimationem
habet, apparet, sed simplicia, humilia
egentia, obscura, debiliaq; omnia pro-
stant, & risum movere potius, quam
minari mundo posse, condolentiam
quam invidiam mereri potius credan-
tur. Solet enim Mundus non minus ja-
ctare

tare Deum, cœlum, Christum, Evangelium, sed quæ absque mundo, id est vanitatis appendiculis esse non possunt. ut omnino constet larvas esse, idola, simulacra, quæ externa figura Divini aliquid representent, interna massa vanitatem impuritatemque prodant. majoris enim opulentia est habere Deum, & expectare cœlum, quam ut caerimoniarum, consuetudinum, alimentorum, titulorumque Mundi indigeat: majoris securitatis est, quam cui addere aliquid, demereve Orbis universus possit: majoris vitalitatis est, quam hujus universi periodus affligat, enecet, terminet: majoris amplitudinis quam ut hæc omnis ac prægrandis machina capiat.

V.

Ens.

NEquetamen ita Deus suos hujus mortalitatis legibus eximit, ut nihil habeant, aut debeant, quod agant, quin potius terræ hujus scandala & offendicula esse jubet, ut omni vita propemo-

pemodum omnibus displiceant. Id ergo ne noceat insigni Privilegio munitum est, quod quadratos suos optimus Creator facit, ut quocunque jactati semper sibi insidant. unde quocunque veritas verum Christianum, semper sibi similis est, nec minoris arbitratur paupertatem, quam opes, aut majoris honores quam infamiam, sed æqualiter bona judicat, rectaque, ubicunque Dei manum & voluntatem agnoscit. Nam quæ Mundus fortunæ & infortunij nomina habet, ille penitus ignorat, omnia auspiciata credens, quæ Divino jussu fiunt. Sive igitur imperare velis Christianum, sive parere, sive docere sive discere, Sive abundare sive carere, semper eodem vultu ibit, eodem animi æquilibrio aderit. novit enim non hujus terræ esse, quod in votis habet, in terra vero velut inter captivos aliqua rædij fallendi ergò ex composito institui, in quibus parum inest, quam sortem accipiat, cū omnia ad spes suas collata, minimi sint. Neque certe fieri absque insigni stultitia potest, si felicitatem

atem nostram temporis hujus brevif-
 ima periodo definiamus, cum æterni-
 tas aliquādo hæc omnia absorptura sit,
 nostra infania in exprobrationem
 ipse superstite, qua vitæ nostræ momento
 nimis nos affliximus, nimis defamā &
 præ eminentiā fuimus solliciti. Cui ve-
 ro satis est quod Deus assignat, ac arbi-
 trum divinum abunde honorificum,
 s supra omnem Fortunam elatus secu-
 re Cælum etiam hoc astringerē, & ter-
 ram tempestuosam negligit, certus in-
 vito Deo nihil fieri, volente Deo im-
 pediri nihil posse, atque omnino qui
 hic dicamur, videamur, penitissimè ni-
 hil, quid revera in Deo futuri aliquan-
 do simus, plurimum referre.

Vidi tamen, dum accuratius cubos
 Christianos intueor, varias notas im-
 pressas, ac inter eas coronas etiam ac
 sceptras, quas maximi in rem Christia-
 nam momenti esse monitus sum. Nam
 cum societate inter nos & re aliqua cō-
 muni carere neutiquam possimus, per-
 magni interest, ut non tantum interno
 Dei consensu, uniamur, sed etiam sub
 præ-

præclaro aliquo capite , cuius divina dona emineant , jungamur , cuius imperio rectissimus Dei cultus , integerrimi mores , & ingenij nobiliores foeturae curentur , ac selectissimis quibusque administris propagentur. Hic unus optimus mille bonis prodest , & ad Deum promovet , ac Christianam societatem infinitis beneficiis beat. nā cum non omnibus , imò paucissimis Deus dederit , bene imperare , bene obedire pluribus , hoc sapientissimo vinculo : quod nunquam non coelitus ornatum evidentissime est , optima quæque eliciuntur , disponuntur , & in rem communem conferuntur , quæ alioquin perpetuo latitarent. Quo etiam nomine tot diversa donaria Deus disperfit , ut miranda varietate & multiplicitate domus sacra , sive Civitas coelestis ornaretur , omnibusque civibus communis fructus atque usus cederet. Atheu Mundo , qui consilium Dei ut plurimum mutavit , & imperia format , quæ Coelici nihil redolent , quæ optima quæque corrumpunt , vel conculcant;

stant; quæ libertatem Christianam sub-
 ugant, nec nisi maxima & inexcusabi-
 li licentia, fastu, & libidine constant.
 Unde mirum non est optimum quem-
 que à Reipublicæ tractatione abstine-
 re, quæ in hac seculi impuritate pluri-
 mum carni, minimum spiritui, pluri-
 mum verbis, minimum operibus, plu-
 rimum inanitati, minimum soliditati,
 plurimum Satanæ minimum Deo in-
 egrè & sincerè servit.

VI.

Angelorum custodia.

ET si verò nihil æque nudum & o-
 mnibus periculis expositum vide-
 tur quam piorum cœtus, ego tamen
 longe munitissimum sum intuitus. cin-
 gebatur enim muro igneo, quem cum
 propius contemplarer, vivere vidi, &
 multis angelorum myriadibus consta-
 re. Nam quæ Satanæ virulentissima
 potentia est, nunquam res Christiano-
 rum intuto esse possent, nisi hoc sacro
 vallo excluderetur, & in suum illud
 malignitatis regnum detruderetur. Ne-
 que

que tamen quisquam explicabit, quibus dolis & infidiis hic urbem piorum obsideat, quam inde fesso studio omnibus, quotquot mœnia egrediuntur, inhiet. Itaque propitio Deo additi sunt singulis, singuli custodes, quos monitores vocant, quorum fidelitate simpliciores periculorum, laqueorum, fossarum, & insidiarum cunctarum admonentur. Horum candore nihil candidius, integritate integrius nihil est. Cum enim in amoris Centro Christo conspirent, Christianos omnes ardentissime complectuntur, & commodis eorum afficiuntur maxime. Unde etiam de immenso decore generis humani gratulantur, quod summus Deus homo factus, sive *Verbum caro* factum fit. Sed cavendum ne sordibus offendantur, sunt enim puritatis & suaveolentiæ studiosissimi Spiritus. itaque vitiorum inquinamēta adeo abhorrent, ut societatem & comitatum talibus omnem denegent. quis etiam dubitet, conversationem inter valde dissimiles esse non posse, & cum ille laudare, honorare,

orare, audire, sequi, amare, assueve-
 rint, inter eos qui Deo injuri sunt esse
 velle. quæ opinio multos fefellit, cum
 Divinam custodiam inter media iniqui-
 tamenta sibi pollicentur nescij tum
 lemum nos Satanæ patere, cum flagi-
 tiorum fœditate Angelorum contu-
 ernium fugavimus.

Non reticendum est aliud nobile
 hujus sacræ societatis beneficium. Vidi
 nim eam non à malis tantum avoca-
 re, sed ad bona quæq; invitare, ea sug-
 gerere, & in optimis atque adeo recon-
 ditis Dei mysteriis erudire. nam cum
 elamen carnis nihil sacros genios im-
 mediat, & Dei faciem intueantur, nihil
 eorum latere eos quit, quæ homo de-
 votus, & veritatis avidus expetiscere
 potest. Et hæc schola omnibus hujus
 terræ præstat, quæ nisi à posteriore ad
 priora fodicare, nec conjecturis feli-
 cius judicare potest, quam de Solis lu-
 mine cæcus. illi verò quæ coram in-
 ventur, & in ipso Deo legunt, homi-
 nibus si per supremum Numen liceat
 communicant, & futura etiam Dei

B

mandato revelant. Hoc illud est, quod
omnem humanam sapientiam stupe-
facit, cum videt simplici homuncione
Orbis terreni motiones patere, ac mu-
torum seculorum rotationes jam in-
notuisse. Videre jam, & nominare fu-
turos reges, & mundi capita, Ecclesi-
luctas, Antichristi virus, lucis tenebra-
rumque vices, quæ nulla astrorum po-
ritia, aut divinationum sagacitas inda-
gare potuisset. Sed etiam Naturæ secre-
tiora his præceptoribus retinentur,
quæ nunquam humanam industriam
admisissent, & artificiosæ inventionis
suppeditantur, quibus homo sæpius
se ipsum transcendit, & cœlis insi-
nuat, quæ ceterè cuncta sunt ejusmodi,
ut nunquam satis grates referre De-
i humanum genus possit, quod tot sub-
sidiis ex hoc cœno sublevatum, tot
præfidiis tectum, tot immunitatibus
& ornamentiis donatum sit, quæ quis
quis negligit vel spernit, hoc ipso se De-
i muneribus & beneficiis exuit, ac a
lululentam bestiarum communitatem
iterum præcipitat.

Verum

VII.

Verum.

Ed jam tempus erat, ut sacræ universitatis particularia intuerer: ubi omnium occurrit *arx veritas*, ex solidissimo juxta & lucidissimo amante constructa, forma rectanguli undique sibi correspondente. Turris in medio invicta erat, cum inscriptione: *Ipse dixit*, portæ arcis tres, cumculis, *præsens, præteritum, futurum*, rebus quæ admiranda quis enarret omnia? Debant autem plus millies impugnam, nunquam læsam esse, sed numerosissimos quosque exercitus fregisse. que tamen apparebat ejus roboris, præter *simplex, rectumq;* ars omnis elegantia aberat. Obstupui cum viquam inviolabili fide omnia hic agenda sint, quam simplicissimis verbis omnia constent, quanta brevitate omnia expediantur. Unde magis forte cœpit, quæ se in mundo jactat veritas, cum tricæ ejus, ambages & lubri-

B 2

tas in mentem venere, nihil opus est
tantis hiatibus, nuda veritas satis tuta
est: cui quisquis fidei nullum hostem
habet, quicquid hostile is tentet qui a-
rundine murum aheneum impetit.
Cujuscunque pectus enim vero obfir-
matum est, hunc omnium hominum
contradictiones, & persuasiones loco
non moverint. quin etiam mors frustra
ei intentatur, qui à vero doctus se no-
vit immortalem. gaudet enim hoc mo-
do superare, & moriendo vivere. Dum
itaque Mundus & fallens & falsus sin-
gula verba trutinat, examinat, explo-
rat, committit, confundit, tandemque
reijcit: Christianus Dei vocem audit,
imbibit, concoquit, & in succum con-
vertit, cujus eam dulcedinem, nutritio-
nem & roborationem experitur, ut
merito doleat insipidum Mundi pala-
tum tale quid nec gustare quidem, ne
dum ferre posse, sed vano præjudicio id
dedignari quod piorum linguæ sapidif-
simum, & omnibus terræ deliciis præ-
ferendum testantur.

Quotquot in hac arce sunt uni Deo
sub-

unt, quod frustra olim à Philosophis
 effectatum, unis Christianis datum est.
 am cum omnia hominis constringi,
 bligari, & subiici possint, præter unū
 ectus ausi quidem sunt Mundi sapien-
 es id solum servare, sed turpi errore
 met opinioni subicere, quæ non mi-
 us illiberaliter habuit. At Christiani,
 qui cætera serviunt, ut cor liberum es-
 et Deo tradiderunt, cuius beneficio in-
 eritatis propugnaculo verissima li-
 bertate gaudent, & nisi Deum, superio-
 rem nullum agnoscunt. Hinc est, quod
 mundi minas rident, imperium detre-
 tant, blanditias subaudiunt: Hinc est
 quod parvi externa omnia faciunt, cū
 æterna eripi non posse, sciant: Hinc est
 quod ubique faciles & tractabiles, in-
 mo cordis privilegio immobiles sunt.
 O beatum servitium quo liberius ex-
 ogitari nihil potest, ubi *Homo* tantum
 Deo servit, de reliquo solutissimus! O
 infelicem libertatem, qua servilius ex-
 ogitari nihil potest, ubi *Homo* tantum
 Deum reiicit, de reliquo devinctissi-
 mus! scilicet ubi creaturis servimus

quibus imperandum erat, & Deo repugnamus, cui parendum erat. quo infelicitatis sive insanix humanæ punctum eo formidabilius est, quo occultius nobis insidiatur, & sub specie libertatis veram illam cordis immunitatem intereptum. itaque nunquam extrinsecus *Veritatis* claustra pedem efferamus, quæ una dolos omnes puer facit, eius omnia mandata unice audiamus, qui verè nobis imperare & debet, & potest, nec tamen vult, sed liberali potius conversatione, & charitate mutua nos libertos suos fovere, evidentissimis documentis demonstravit: cumq; præstet esse mancipium Dei, quam orbis terrarum Monarcham, quis Dei familiaris & amicus esse renuat?

VIII.

Evangelium.

Videre est in hac arce tabulam ex purpurea gemma, digitis Dei scriptam, & cœlitus demissam, quam *Evangelium* nominant, sive *Misericordia* testimoniū. Ea duobus titulis summa

CHRISTIANUS. M

nam omnem exponit, uno, *Crede*, al-
 tero, *Dilige*. Ac prior quidem mali no-
 ri infinitatem nobis exprobrat, cui
 nisi per immensum succurri non po-
 terit. Hic missus ad nos novo fœ-
 dere sive testam^{to}, quod gratiam
 promittat, atque adeo exhibeat, omni-
 bus qui v. ro dolore morbi sui tangun-
 tur, & remedium universale fideliter
 applicant. Cujus fidem coram sum in-
 vitus, cum ingens multitudo afflicto-
 rum, & sub variis morborum specie-
 bus gementium accederet, & infelici-
 tatem suam serio depioraret. Vidi hic
 lacrimarum imbres, & serium demis-
 sumque pudorem, ac profundam & in-
 pectore natam pœnitentiam. non lin-
 gua hic obiter aliquid deproperabat,
 sed imis suspiriis & singultibus corpo-
 rius quàm os loquebatur. Id tamen
 præ reliquis notabile erat, quod maxi-
 ma fiducia omnes accelerarent, nec
 quisquam vel desperatissimo morbo
 de medicina dubitaret. cumque in spe-
 ciem amarior esset panacea, quàm mul-
 torum debilitas admittere possit vide-

retur, neminem tamen extinguebat, sed purgato corpore alacriorem animam paulo post erigebat. Ita nempe supremus Medicus myrrhopotirion ex se ipso confectum temperavit, ut cuiusvis naturæ conveniret, omnibus tamen carnis voluptates amarescerent. quibus è corpore evacuatis, mirum quam sub *Fidei* confortamine omnia in integrum restituantur: ut abjectis Adami exuviis, detorsâ cutis leprâ, siccato Mundi hydrope, membrorumq; agilitate reddita, novus homo, five sanatus Christianus emergat, vigeat, vivat.

Hinc novus dilectionis ordo exoritur, qui non tantum Deo se plurimum debere, sed ob hunc etiam cuiusvis homini obligatû agnoscit. quid nî enim, qui supra omnium hominum sortem elevati sunt, supra communem mortaliū morem aliquid exhibeant, & cū Philosophorum singulorum dogmata suos ab aliis singulari aliquo charactere distinxerint, Christo non liceat, inusitatum quid, mitissimum tamen & facili-

cili-

tilimum imponere. id *Charitas* est, omnium quod ab homine exigi potest iucundissimum, & tranquillitati animæ convenientissimum. Nam quæ odij & invidiæ molestia, qui cruciatus sint, nemo nisi expertus explicabit, quæ dilectionis voluptas, unis Christianis cognitum est. Itaque in Dei contubernio, quotquot Christo nomen dederunt *amoris* tesseram habent, quo non tantum amicos, sed inimicos, sed hostes, sed implacabiles suos complectuntur. Cum enim infelicius terra nihil, & miserius homine impio & damnando viderit, decet omnino Christianam mansuetudinem condolere fratri, ac quoquo modo malitiam ejus, quæ facilè irritatur, minuere. Interim sub hoc exercitio Christianus proficit, nec tam turpitudinis exemplo deterretur à malo, quam patientiâ humeros bono assuefacit, ac supra hæc cuncta Dei iudicium expectat. Contra bonorum mutuo amore nihil hîc habet iucundius; nam qui eundem Christum inter se possident, ac ejusdem donariis

B J

perfruuntur, facile reliqua etiam mundi hujus honoraria, sive munuscula communicant, atque vitæ hujus usum ita instituunt, ut quæ omnibus adsunt bona, singulos afficiant: quæ singulis mala sunt, inter omnes distributa minus onerent, atque ita alter alterius onus sublevando *Legi* Christi satisfiat, qui id unice quærit, ut (quod ipsis nobis affectandum erat) quam pacifice & commodissimè inter nos vivamus, & habeamus.

IX.

Bonum.

AT cum ea sit nostri mali fecunditas, & undique etiam vel non cultum vitiorum germina protrudat, omnia Deo debemus, qui ut nos salvet, totam peccati arborem diffecat, & nos plane bonitatis surculos stipiti inserit. Hoc est quod vidi auferri cor lapideum, & dari carneum, abscindi malitiæ stolones, foveri novarum virtutum propagines. Hæc illa novi fœderis
cir-

circumcisio est, cum non quid caro dicitur, sed quid spiritus jubeat, non quid Mundus velit, sed quid Christus præcipiat controvertitur. Frustra itaque Mundus bonitatem affectat, cujus radix, & quicquid inde, pessima: frustra Christianus sibi metuit, cum alieni succi non sui sit, quicquid boni propullulat: ita etiam nec mundus bonum se esse probabit, nec Christianus gloriabitur: sufficiat nihil à Mundo velle discere, nihil docenti Christo detrectare, cujus unius est pangere plantas, & exigere fructus. Viderint autem qui hodie omnem peccandi licentiam, imbecillitate sua excusant, an nihil monenti & ad meliora ducenti Christo debeant, viderint qui alieno merito redempti verè sunt, an ad omnia simul scelera sint admissi. viderint qui imperfectionem humanam accusant, an restitutione Christi nulla modestia, nullum temperamentum morum nobis injunctum sit: viderint qui Mundi legibus parent, an Christi regula nullum mereatur obsequium. Eheu opprobrium Christia-

morum, qui verbis saluberrimis se obtegunt, & factis nefandis se produnt, & ut paganis moribus vivere liceat, Christianæ prærogativæ renunciant: ut malitiam excusent, bonitatem expellunt: ut virtutibus nihil debeant, vites etiam novas, etiam à Christo submissas, etiam bonorum societate suffultas negant. Ita vivunt multi ut tædeat Christianos esse, Ecclesiam pudeat, Christum misereatur: ita vivunt multi Christiani, ut ab iis quam procul abesse expediat.

Sed nisi fallor causam reperi, cur illis minus libeat esse bonis. nam dum curiosius omnia collustro, quotquot bonitatis nomen profitebantur, moriorum cucullos, jubente ita supremo rectori, subibant, quod Mundi status ita ferret, ut quisquis hîc saperet, malum non effugeret. cumque mihi per multi præclarissimorum donorum possessores agnoscerentur, usque tamen ad ò mundo desipere videbantur, ut effusissimum risum ferrent. Hoc quia non omnes æquo animo admittunt, & simulatione quadam imponere Mundo

tem-

entant, se ipsos turpiter decipiunt. Vult enim Deus hanc suorum infamiam, cum ipsos satis honorum aliquando expectet, & mundi ludibrium in horrendas lamentationes sit desitutum. Sunt autem nomina, atque conficta nomina, quæ bonis Christianis sine re imponuntur, ut deliri, turbatores, & intolerabiles audiant, usque dum ad Christi tribunal vanitas & iniquitas elucescat, autoresque turpiter convincat. Id si quis operiri nolit, ac injuriam nullam ferre, nã ille delicatus nimis Christianus est, & Christi signaculum minus æstimans. Nam quis credat Martyrum Chorum ex aliis hominibus, quàm, si Mundo credimus, meris maleficis constare, cum Christus ipse velut maximè sors & perniciēs populi, extremo supplicio sit affectus. Ita nos, quotquot Dei negotium tractamus, *Hoc agamus*, parum curantes quam stultescamus & sordescamus Mundo, quam invisos nos, noxios, & sceleratos in oculis eius iniquissimis reddamus. Satiùs namque sit ita desipere, ut perdendo viliora lu-

cremur optima, quàm quisquiliis huius Mundi ditati, rem omnium pretiosissimam & inestimabilem, coronam gloriæ perdamus.

X.

Decalogus.

Liberos utique liberos suos Deus habet, sed minus licentiosos, itaque limitibus quibusdam sacrum septum terminavit, quorum decem annotavi. Ij tantæ sunt æquitaris, tantique cum Natura consensus, ut nihil dari poterit rationabilius, cum interim Mundi leges indigna quæque & absurdissima exigant. Cautum itaque est, ne quisquam Christianorum, nisi Deum suum unum admittat, cum hic omnium loco esse possit, ac clementer velit: ne quisquam lingua sua Deum impetat, aut impugnet: ne animæ quietem assignatam neget aut interturbet: ne Parentum merita defraudet: ne sanguinem humanum fundat: ne conjugij vinculum solvat vel puritatem polluat: ne alie-

alienum possideat: ne veritati obsit, falsitate noceat: ne tectum alterius appetat: ne suppellectili proximi infidietur.

His terminis conclusum est bonorum contubernium, quorum brevissimus complexus est *Coniungi Deo, & optimè velle fratri*, quo Religio omnis & Politia constat, ac felicissimè administratur. Neque enim qui Deum toto corde, tota anima, totisque viribus diligit, opus habet, ut instruatur, quomodo ac quoties Deum honoret, adoret, colat, sed hæc ipsa unio, & paratissimum obsequium Deo gratissimum holocaustum est, hæc ipsa animæ resignatio sacrum est sacrificium: Ita qui fratrem velut semetipsum diligit, nihil Politicorum præceptis indiget, quomodo non lædat, & jus suum tribuat, sed animi pro- pensio, & amoris dictamen sponte omnia ac supra cuncta honestatis requisita suggerit, quid boni in singulos conferendum. Maligni hominis est legem quærere, & quid deceat, velle ex tabulis scire, cum nos Dei in pectore degiti

giti convincant, quod expetimus nobis, idem deberi aliis.

Non finit autem Deus in regno suum omnibus imperare, sed pluribus hoc arduum negotium commisit: nam cum omnium hominum optimum, & perfectissimum esse oporteat, qui omnibus præsit qualem nemo unquam nisi *Christum* vidit, aut visurus est, Monarchæ nomen uni Christo relinquatur, nos veto in membra distincti publicæ rei optimâ fide provideamus. Mundus sanè sua sibi capita habeat, cuiusunque magnitudinis velit & vastitatis; hic in miuto hoc imperio tale quid nihil reperi, cum quia unus homo tot rerum curæ non sufficit, tum quia ægerrimè ab excessu abstinet. Satiùs autem sit, dum carnem humanam nondum exuimus, alterum alterius auctoritate cohiberi, viribus adjuvari, consiliis regi, laboribus succedaneis suffulciri, quam supra conscientiam vires, vigiliisque jactitare: Nisi credamus, posse Christianum credere, se huic oneri quod mille laboriosissimos fatiga-

CHRISTIANUS. 47

atigare potest, parem esse, ac non potius sponte laboris socios requirere. Enimverò res nostræ ita habent, ut quocunque excellentiæ humanæ loco, defectus nostros accusare, & pro imperfecto, minus imperfectum admittere, habeamus necesse. Itaque per multum interest ne vel nos nostraque omnia uni credamus & submittamus, vel unus omnium in se curam & protectionem suscipere auit. Christum potius adoremus, ut is nos verbo suo regat, atque præclara membra suppeditet, quæ in Christianæ rei incrementa ipse dirigat, nosque tractabiles faciat, ne dum duram frontem & rigidam cervicem obicimus è medio nostri excitemus exactores & publica flagella Dei, quarum immanitate nostra inhumanitas frangatur, & nodus malus, malo diffindatur cuneo.

Vnum

EST ea Dei unius voluntas, ut dum
Mundus varietate ingeniorum ad
opinionum delectatur, ac omnino cō-
trarietate constat; ipse Unitatis regu-
lam suis proponat, & ad unam normam
omnes componat. Vidi itaque homi-
nes Deo sacros ad mensuram aliquam
exigi, ut quod abundaret vel deesset
singulis, demi addive posset. Usque
adeo Deus unitate gaudet, ut idem sen-
tiant, idem velint, idem credant, idem
loquantur sui omnes, quoniam ab *Uno*
spiritu edocti sunt omnes, mirandum-
que est, homines nunquam inter se vi-
sos auditosque ad unguem alterum re-
ferre alterum, ac utrumque idem sona-
re, idem redolere, ac si gemelli nati
fuissent. Quod *unionis* Christianæ ma-
ximum mysterium est, atque omnino
æternitatis, ubi uno, consonoque spiri-
tu omnia peraguntur, præludium. Ita
unum est ac idem, quod Deus in utroq;
fœdere suo voluit, ac inter se exactissi-
mè

mè conveniens: Unus Messias omnibus salvandis vitam & cœli hæreditatem impetravit: Unus Doctor spiritus idem semper urget, ac inculcat Ecclesiæ, *Fidem vivam*. Una etiam eadem orbis huius actio est, quæ utut personas & scenam variè mutet, semper redit, ac quod mireris facie triplici. Habet tamen hoc Deus proprium, ut velut Solis lumen nascendere & descendere jubet, ita obscuriore & claiore lumine lucere res suas, oriri & occidere vult, quas vices ut nemo impedire potest, ita vix quisquam, nisi à Deo eductus, introspicit. Unde multi & dispellere tenebras, multi etiam impedire iubar frustra conantur, & ausis suis immoriuntur. Illi demum sapiunt, qui res suas cum Deo unitas habent, cui uni licet educere & reducere suos, nobis ad nutum sequi expeditissimum est.

Mirari oportuit, cur minus hic fiat veritatis concertatio, quàm in Mundo: ita enim omnino persuasum est multis, plurimum Deo dari, si de eo inter nos fortiter contendamus, & multa ratiocinatione

natione res ipsius astruamus. Neque
certè non necesse est ob Satanæ loqua-
citatē, qua Divina oracula in dubium
vocat. Sed omnino modus desiderari
posset, quo pro unitate non nosmet
in tot partes divideremus, & qui in
plures particulas scindere nos potest
haud haberemus miraculo. Certè
qui plurimum disputando fervent, o-
pere tepent ut plurimum, & qui ver-
bis rem Christianam rigidissimè tene-
tur, re ipsā frigidissimè haud raro per-
dunt. Expedire itaque vidi rem Divi-
nam satis jam firmatam, religiosè af-
fervari, & omni conatu ita defendi, ut
in nobis facta, tecta que eluceat. Ita nos
electos testabimur, si optima eliga-
mus, ita baptizatos, si fœderis remini-
scamur: ita sub fide salvandos, si simus
Christo fideles, ita à Christo pastos, po-
tosque si ab eo saturamur, ita ab Anti-
christo liberos, si jugum non recipia-
mus, aut inter nos novis oneribus de-
primamur. Est enim præpostera di-
sputandi ratio si id evincamus, quod
ab omni nostra vita est alienissimum;
& con-

& confligendo fugemus, quos adducere decebat, & Veritatis evidentia allicere; & maledicendo simplicium superstitionem corrigamus, quæ rectæ vitæ regula, & mitissimi Christi æmulatione ad verum Dei cultum reflectenda foret. Ita vanissimè multi incalescimus, semper quidem Dei causam obtendentes, sed revera carnis vel ambitioni, vel impatientiæ vel deliciis etiam sub intemperato Zelo serviennes, rectius facturi, si quod bonum agimus, verumque credimus ipsi, aliis persuadeamus.

XII.

Harmonia.

Nemo jam dubitabit, quam suaviter inter se vivant, qui in Deo unum sunt, sed magis id fateantur, si Harmoniam quæ inde exoritur, detur exaudire. Nihil enim hic orbis terrarum habet consonantius, quam ubi Sacer spiritus Organa sua pulsat, & variorum dono.

donorum mixtura, Divinum melos concinere jubet. nam ut Mundus ille rusticus dum bachatur quot ora habet, tot ululatus, ruditus, boatus & confimiles ingratas voces edit, ita bonorum Musa quotquot habet fauces, ad unum sacrum Hymnum contemperat, & suavissima melodia Dei aures permulcet. Nempe ita est, ut quotquot hanc terram incolimus Christiani, velut unius corporis membra omnium fanitati, saturitati, & curæ nostra debeamus neque unquam tolerabile, ut pauci abundant, plurimi contabescant; pauci emineant, plurimi conculcentur; pauci sapiant, plurimi desipere; pauci otientur, plurimi laborare cogantur. Quæ hæc inter Christianos proportio est, quæ rationabilitas? hunc nasci ad omnes delicias, & his sine publico usu vitam conterere: alium ne per merita quidem & labores emergere posse! Huic licere omnia mala; illi ne bona quidem facere licere? Nunquid non barbaries hæc est, haud Christianissimus, qui suadet ita dispensare terrena bona

bona, ut iis res publica magis, quàm
 nos ipsi, perfruatur. Oeconomus nos
 Deus vult, qui, quo plura accepimus, eo
 difficiliorem rationem debere agno-
 scamus, ut qui nobilis virtuosior, qui
 dives liberalior, qui eruditus docendi,
 qui ingeniosus laborandi peritior &
 paratior sit, omnes in eo conspiremus,
 ut minoribus depositis ad maiora Chri-
 stianæ rei lucra utamur, ac vel minimis
 donis maximum quid in cœlis scœne-
 remur.

Non possum dissimulare, quid hic
 etiam insoliti animadverterim. Nam
 etiam si Christianorum unus est Deus,
 unus baptismus, una fides, & hinc in-
 ter se insolubiliter omnes coaluerunt,
 tamen privato fœdere quosdam in u-
 num quasi conflatos deprehendi, non
 Antichristiano aliquo glutine, aut mū-
 danâ conspiratione, sed animorum in-
 ter se similitudine, & ejusdem consilij
 consonantiâ. Id vocabant *amicitiam*
Christianâ, quasi Christo paratio idem
 volentes, idem ambientes convene-
 rint, atque pium aliquid animæque ex-
 pediens

pediens unanimiter meditentur. Itaque in commune conferebant, quicquid Deus singulis distribuisset, & omnium erat, quod singulorum: quod singulorum, omnium. Et id omne eâ fiebat tum liberalitate, tum libertate, ut imperare omnes, ut ut sibi mutuo fervirent, dixeris. Æqualitas cum superioritate; superioritas cum æqualitate honor undique voluntarius, voluntas honorifica. Et sanè multum compendij rebus suis attulisse mihi visi sunt, cū nemo unus omnibus, imò vix multis rebus sufficiat, nisi cum pluribus unus sit. Hæc unitas eruditissima potest esse, opulentissima, fortissima. Nam quamvis hic Mundus magna corpora jactitet, tamen ubicunque intimus consensus, quem unus dare Christus potest, abest, arena sunt sine calce, & palearum potius acervus, quam solida moles. Hic Christus centrum est, res Christiana circumferentia, ipsi radij, qui in uno conveniunt, & ad eandem se explicant, ut quicquid Christus docuerit, rei communi cōmunicetur, quicquid
res

s communis habet amplitudinis, ad
hristum principem referatur.

XIII.

Beatitudo.

TEmpus monet, ut ipsum sacri fa-
ni penetrale explicemus, id *sum-
um bonum* est; non philosophicum il-
ud somnium, quod tamen quis meritò
humanæ rationis fastigium dixerit, sed
ratia Divinæ complexus, & *beatitu-
inis* internæ possessio. Hoc Regnum
Cœlorum Christus sapientissimus in-
terpres dixit, cum humanum pectus
infinitos thesauros Divinæ bonitatis
pud se conclusos & depositos gerit,
uos indagare & explicare ineffabilis
oluptatis est. Concredidit enim Deus
cordi devoto Cœli epitomen quæ de-
num vera *Autarcia* est, cuius possessio-
es in solidum *acquiescunt*, nec indige-
e unquam possunt. Unde alij res suas
omnes in hanc margaritam prodege-
unt, daturi eadem facilitate Mundi
monarchiam si Deus exigeret: alij hoc
unionem divites corpus suum etiam ab-

C

icerunt, mille mortes eadem promptitudine subituri si Mundus inferat: alij hac gemma beati sui ipsius obliti, in *nihilum* redierunt, & Divinitati semet immerferunt. Hæc illa dulcedo est, quam quisquis degustat, nulla voluptate affici, nulla tristitia deijci, nullis blanditiis capi, nullis minis terreri, nullis honoribus attolli, nullis suppliciis affligi, nulla vita delectari, nulla morte angipoteſt; ſed undique intra ſe ſatis habet, de nulla re alia ſolicitus. Eat Mundus ſuſum, deorſumve, vel in ſeipſum collabatur, hic nihil ad ſe pertinere ait, cum cœlo ſalvo omnia ſalva habeat. Feliciffima utique opulencia quam vis nulla ſuperare, dolus intervertere nullus poteſt; quæ admirabili viciffitudine res Univerſi omnes in punctum contrahit, & ex puncto in immenſum diducit, ut nemo minus *ſolus* quam Chriſtianus cum ſolus eſt, verius dici poſſit, ſcilicet cœlo comitatus.

Haud abſurde quondam Plato opinatus eſt, *res omnes in homine latere;*
quæ

quæ si monitor accedat paulatim se ex-
stant: Sic enim omnino est, nisi quod
effluvia quæque in hac mali scaturigi-
ne sepulta sunt, quæ facili motu eruun-
tur, meliora nisi à Divina irroratione
aspiciam apparent. Cæterum ubi Chri-
stus cor reformavit, & informationi
capabile fecit, nihil tam varium habet,
ut ingeniosum orbis bibliotheca, quod
sic cordis puteus non contineat, ex
quo artium, scientiarum, inventionum,
meditationumque aquas inexhaustas
haurire, & rem Christianam largi-
tur perfundere. Hic fons vitalis Mun-
di matronam facit, cum videat alia
que alia mysteria, & magnalia Dei
profluere, nec siccari tam divitem ve-
ram, cui tamen inanitatum suarum
haurire nihil conferat. Est enim revera
indigentia aliqua species omnia ab ex-
terno intuitu & circumstrepente voce
autuare, nihil ex cordis sui thesauro
promovere, licet hac pauperie in Mun-
do nihil sit frequentius. Videas emen-
data exempla, consuta verba audias,
quæ multum præstiterunt, alienum est,

nihil suum. Nondum quippe didicerū
ex quolibet cibo succum facere, unde
minus concocta fercula, egerunt. Sec
ita Mundus suos assuefacit, ut nisi præ
mansa nihil edant, & fridula rerum
suarum reciprocatione vitam trahant
At filij Dei quicquid contingunt in spi
ritum cōvertunt, ut jam planè novum
& inusitatum appareat. Est enim De
cohabitatio verus ille benedictus & ad
mirabilis *lapis*, qui non tam omnia im
puriora in purissima transmutat, sed et
iam in infinitum multiplicat.

XIV.

Paracletus.

ISta tamen altioris scholæ sunt, &
sublimiorem Præceptorem exigū
qui Sacer spiritus se amica voce *conso*
latorem nominat, ut illusori illi immū
do spiritui oppositus appareat. Non
hic ambages sunt, & ludibria, quæ cu
riositatem ut digna est, excipiant, sed
rectissimæ lineæ, sive *indices* religio
sis desiderijs concessi: non hic conje
cturæ sunt aut divinationes, sed axio
mat

nata & demonstrationes: non minuti
techni hic sunt, sed sacra flamma, quæ
omnia collustrat: non infecta perspicu-
la hic sunt, sed oculi solis radios feren-
tes, & solida quæque penetrantes. Hic
hic opus est rasa tabula, quæ nullos
Mundi characteres, nullas terræ lituras
& literas, nulla Satanæ stigmata ha-
beat, sed sacra deterfione lustrata, & di-
vino candore dealbata summi *Dictato-*
ris verba excipiat, & quotiescunq; opus
est referat. Hic *Pentecostes* scholæ *Mu-*
ndus penitissimè ignorat, nec minus ta-
men spiritualia quævis jactitat, & o-
mnium Dei reconditorum interpreta-
tionem in se recipit. quam dextrè ipse
viderit. Certè quisquis non nisi in Mū-
di ludo est edoctus, nimis frigida ver-
ba, hebetes sensus, & debiles rationes
adfert, quam ut Deum explicent. *Focu-*
ille sacer adsit necesse est, quo homo
calescat, & insolita, atque adeò ab ara
Dei cādentes carbones adferat, si quid
supra vulgi commenta Ecclesiæ com-
municandum est. Id quia paucorum
est, non miremur minus nos fatidici.

plurima promiscuæ vocalitatis exaudire. Erit tamen, ac ô videmus, cū Deus ipse semet explicabit, semet revelabit, semet interpretabitur, & velamen oculorum amovebit, ut cujus umbram jam tangimus, clarum lumen intueamur, sciamusque perf. Etē quid Deus singulis apicibus voluerit seipso, & nō alio *Magistro*.

Huius doctoris discipula, nostra *Conscientia* est, quæ tacito consensu, instat mille testium prostat. Hanc cum reliqui homines negligenter habeāt, Christianus tenerime observat, & vel musfrantem audit. Sunt autem omnia nostra talia, quæ se magna ingenuitate nobis produnt, quicquid id externa fronte, & mentis voce dissimulemus. liquet nobis nostra imbecillitas, inscientia, egestas, inanitas, sive uno verbo *Vanitas*, & tamen id non tam aliis, quam nobis negare audemus. Imo & impietatem sui pudet, dum conscientia exprobrat quæ hac una arte sibi infelicitate consulit, ut latrantem conscientiam sopiat. Itaque tum demum nobis
beate

CHRISTIANUS. §

beate prospectum est, cum spiritus, conscientiam docilem habet, quæ evidenter & videat, & fateatur, Dei præcepta exoptata esse, & animæ proficua; quicquid omnia adversa lingua coganniat: indeque animum sumat Deo parendi, nec quicquam carne sese opponente. Nempe *audendum* est, quod spiritus jam apud te evicit, neque cunctandum, dum variis tergiversationibus illud internum verum, bonique testimonium languescat. Tentandum est, quod præeunte spiritu anima cōcepit, ne sub corporis membranis computrescat. Expreiundum est, quod divinis præceptis & cœlestibus rationibus cōstat, ne sub nostra deliberatione & examine, temporis oportunitas evanescat. Nam si uspiam occasionem perdere noxam habuit & culpam: si unquam stultum fuit cunctando rem optatam perdere, in rebus Divinis ab ipsa nostra Conscientia jam admissis & approbatis, omnis procrastinatio vitiosissima est, & stultissima.

Justitia.

Nemo unquam gratis Deo serviit, omnia præmiorum & munerum cœlestium plena sunt. Et tamen multis persuasum est operam Deo impensam interire, cum ad hujus orbis famam, honores, & salaria nihili faciat. Maximo profecto errore, qui si possent animadvertere, quam liberaliter Deus suos habeat, & singulos singulis propè, ac singularibus donariis beet, mallent Dei secreta, quam Mundi clamosa stipendia accipere. Quis enim non credat eum qui desideriis suis imperare potest, supra nonoris scientem & auri esurgentem esse: & qui sub fide simplici omnia complectitur, curioso dubitatori præstare; & qui benignitate adversantes suos componit, debellatorem & victorem superare; Idem de aliis virtutibus dicere possemus, quarum nulla omnino est, cujus precium non Vitiorum cunctorum apparentiæ, & fictæ voluptati antecellat. *Iustissimo*
Dei

Dei iudicio, qui Mundum sua- met im-
probibate excruciat & punit, suos re-
ctè factorum commoditate sustinet,
ac contentat, ita ut temperanti absti-
nencia, patienti tolerantia, humili tran-
quillitas, continenti acquiescentia sua
sit majoris quam Mundo universi æ-
stus & turbines sui, quibus sese hic cir-
cumagit, ac versat. Mirum autem est
quam Deus suorum neminem præter-
miserit, quem non notabili aliquo be-
neficio affecerit, & ornarit, ut hic qui-
dem honoris, alter infamiæ; hic opum,
alter famis; hic scientiarum, alter sim-
plicitatis patiens sit, omnes autem in sua
stationi, quam Deus assignavit, suffi-
ciant. Nec enim fortuitum est, aut con-
suetudinis, cui libet rei suos accommo-
dos intueri, sed Dei distributio, Dei di-
stinctio, Dei motus internus, ut quic-
quid Deus injunxerit, id non tam de-
beamus coacti, quam *velimus* paratissi-
mi.

Ex hac æquitatis, jurisque Divini
evidentia oritur maxima hominis *con-
fidentia*, ut non tantum per densissima

C 5

quæq; præeuntem sequatur, mandan-
tique pareat, etiam cum nihil verisimi-
le exigit, quam iudicium de se, causaq;
omni, in eundem Deum reiiciat, & sen-
tentiam ultimam, nihil præjudicii
motus, expectet. O felices qui hic de
pure suo cedere didicerunt, & iniquis-
sima quævis admittere, cum de *revisio-*
ne sint certiores certissimis. Quid est
enim quod immortales mortalitatis le-
gibus, omnia decernere, omnia iniqui-
tatis regulis expedire, regulares Chri-
sti volumus? Patiamur potius, ut sit qui
vindictet; non potiamur, ut libidinem
nostriam Christus nobis exprobet. Ita-
ne sordet nobis innocentia publicum
aliquando Christi testimonium, ut id
privatim, ac intra parietes audire, à ho-
muncione malimus. Crudelis est ais,
qui famam suam negligit: certè quis-
quis eam famam, quæ ad tribunal Christi
resonabit, minoris, quam venalis aut
mutabilis iudicis sententiam facit. Nec
tamen omnino à *bona causa* Deus ab-
est, sed ut lente agere videatur, solet
tandem iis comparere, qui suam inte-
grita-

gritatem ipsi concrediderunt. Quo enim Deus vocat, si maximè se scopuli, montes, deserta, imò vel mare ipsum interponant, cedere ad postremum, & vias dare jubentur, ac in triumphum *bonæ causæ* cedere. Quod si nemo obstaret, & rem Divino jussu cœptam nemo minis & calumniis, diris & suppliciis impeteret, possemus credere humanis auspiciis inchoatam, viribus humanis expeditam esse; nunc quo impotentius Mundus sævit, Dei potentia clarius elucescit.

XVI.

Judicium.

UNI hominum Christiani res omnes atq; singulas suo *vero pretio æstimant*, non ex opinione, fama, aut conventionem, sed suâ natura, & usu. cujus ea est ratio, ut plærumque à judicio Mundi non tantum abeat, sed eidem contradicat, utque maxima hujus orbis in minimis numeret, & quæ abjectissimè habentur, inter summa reponat. Nam cum res omnis Divino

consilio metiantur, & ad regnum cœ-
lorum promotione, animique humani
commodis, jam parum curant, quid
hujus seculi filij inter se pacti sint,
quod precium rebus suis imposuerint.
Unde nec à risu abstinere possunt, cum
vident Mundum se in iis magnifice ef-
ferre, quæ non nisi infantia crepundia
& crepitacula sunt, nec adultum homi-
nem delectare possunt. Nam cui inane
nomen, pro numine; inutilis nummus
pro nomo; ridicula numellæ, pro no-
vellis sunt, & suam judicij pueritiam
prodit, & corda ioribus est ludibrio.
Quod si quis tales etiam pro lana ca-
prina digladiari videat, & cœlum ter-
ræ miscere, non potest satis indignari
Satanæ imposturæ, qui cum boni mali-
que dijudicationem nobis suggestis-
set, ad infame hoc judicij delirium, ge-
nus humanum adegit. Christiani vero
à Deo limati, res humanas quidem ad-
mittunt, & scenæ quantum per con-
scientiam licet, serviunt, sed omnia eo
loco relinquunt, quo Natura ea repo-
suit. ut nomine quidem, officij, quod
rei

rei Christianæ debeant, se admoneant,
 nihilque porro se eo efferant, aut oble-
 tent: nummo res varias commutent,
 nihil eo afficiantur: numellas ferant,
 dum *captivitatis* tempus est: nihil vero
 semet Mundo abijciant, aut liberis ho-
 minibus indignum, servili animo com-
 mittant: ita dum mundani rebus subje-
 cti sunt, Christiani res suas possident,
 rebusque imperant.

Cæterum cum præ aliis iudiciura
 Christianis elimatius sit, minus tamen
 quam ulli hominum, de hominibus
judicant, non tam ut modestiam
 suam probent, quam ut iudicij temera-
 rij pericula subterfugiant. Sibi quidem
 sunt rigidissimi, quod ima cordis scru-
 tantes omnia infectionis & corruptio-
 nis plena reperiunt, omnia fucata & in-
 crustata, omnia affectu alicui obnoxia,
 prehendunt. In alios tamen mitissi-
 mi & æquissimi sunt, quoniam nemini
 concessum alieni cordis secreta intro-
 spicere, motus, persuasiones, impetus
 indagare, vel Divinum etiam explora-
 re consilium, aut Sathanæ stratagemæ

deprehendere. Multa inconsideranti
admittit; multa pœnitentia corripit;
multa integritas delinquit; multa sim-
plicitas excusat; quæ in conspectum
nostrum nunquam prodeunt, & tamen
judicium facturum neutiquam latere
debebant. Quid quod Christus nos in
vicem excusare quam accusare, tegere
quam prodere, commiserari quam ri-
dere, erigere quam castigare mavult,
& exemplo suo formulam præscribit,
quid quod nos toties judicium fallit, &
moderationem, si quis frontis pudor,
inculcat, præcipitantiam exprobrat. Er-
remus potius benigniore interpreta-
tione, quam duriore in fratrem, & cœli
cohæredem simus injurijs. Multum
certè profecit, qui *suspendere judicium*
didicit, dum Deus ipse in apicum ab-
scondita proferat. nam' ut æstuantis &
superbi animi est in omnes homines
sibi capere censuram, ita compositæ &
tranquillæ animæ, res omnes emollire
potius quam exasperare, atque omni-
nò Deo oculatissimo judici nihil præ-
ripere.

Motus.

Sicut Mundus suos insanis laboribus excarnificat, ita Deus suos liberalibus *motionibus* exercet. est enim otij ea natura ut alios quidem corrodat, Christianos vero putrefaciat. nam ut primum Christianus, labores à Deo assignatos subterfugit, verminibus & insectis aliis scatet, à quibus scdum in modum consumitur. Itaque jussit supremus imperator, singulos in bono aliquo officio occupari, quod aliis adjunctum rempublicam Christianam constituat. alij ergo doceant, alij regant, alij consulant, alij instituant, alij inveniant, alij dijudicent, omnes tamen laborent, & in eo quod ad Cœlorum iter conducit, conveniant. Nam qui laborare mūdo velit, & operam, & tempus perdidit. neminem is inclementius habet, quam qui vitam omnem in ipsius servitium insumsit. Optimus ille motus, qui è terra ad cœlum sursum tendit, & ad perfectionis originem redit, qui primus.

mus rerum nostrarum omnium esse debet, ac reliquos omnes regere. Nati sumus *cælo*, renati *cælo*, *cælo* etiam uncti, quid igitur nobis potioris curæ esse debet, quam ut cuncta nostra *cælo* accommodentur, ac universa etiam Politia. nō enim audiamus illos, qui aliud quidem terris deberi, aliud reservari *cælis* ajunt, omnia quippe Christianorum, *cælo* convenient, omnia cum eo concordent. Edendum, bibendumque etiam nobis est, ut Christianis, usq; ad eo Christus alienos ritus & mores in suis non probat, aut patitur. quod qui negligit nōdum intra se *cœlestem* motum sensit, qui ut igneum, sua Natura ad superiora vocat, dum terrena gravitate onustus deorsum vergit, & ad ima millies etiam sublatus redit. tantum scilicet interest inter Christianum & Mūdanum, quantum inter emissos, lapidem & avem.

Secundarius motus *Condolentia* est, qua corporis Christianorum, cujusvis membri afflictione tangitur. Unius Christiani dolor universos afficit, & ut

com-

communi sensu, ita auxilij communio-
 ne convocat. E contra, Mundi vera no-
 ta est, alienis malis delectari, alienis er-
 roribus insultare, alienis damnis dite-
 scere. Pessimus quisque bonorum næ-
 vos ridet, & qui omnium corruptissi-
 mus, alios corrigit. Aliter Christianus
 qui fratris sui incommodis intime mo-
 vetur, atque quam potest commodissi-
 me ea declinat, & avertit, quod si omni-
 no impedire Mundi furorem non po-
 test, publico luctu suum consensum te-
 statur. Quicquid enim uspiam Chri-
 stem agnoscit, & ob id patitur, ad nos
 pertinet, & causam publicam contin-
 git, quæ in minutissimo etiam mem-
 bro, laborare creditur. Nemo igitur
 abundare se dicet Christianus, dum
 frater eget; nemo quiescere ausit Chri-
 stianus, dum frater agonizat. Omnium
 res agitur, cum unius, qui in Christo
 una anima esse debent. Vide verò mihi
 fictitios illos Christianos, quam sua an-
 xiè curent, aliena securissime negligant
 nam qua parte Dei plaga suos exercet,
 ab ea illi se avertunt, & quasi muro in-
 terse-

tersecant, suis interim nidulis gloriosi.
 & reculis in tuto occupati. qui si paulò
 post itidem manum Dei experiantur,
 cætum Christiannum inclamant, & au-
 xilium deprecant, justo Deo iudicio,
 neutiquam audiendi. nam si illi cum
 superiore hoste luctantes, nihil ad nos,
 quos *Crux Christiana* commilitones
 fecit, & in eodem contra Mundum ex-
 exercitu conscriptos habet; nec nos ad il-
 los si in velitatione succumbamus, imò
 ad *Christum* ipsum pugnae ducem nihil
 pertinere, turpiter prodimus.

XVIII.

Lucta.

A Nimus Christianus, ut nūquam
 se submittit malo, ita cum quo
 certet, semper habet. infinita namque
 adversa oportet habere eum, qui se o-
 mnibus opponit. Tres tamen hostes
 maximè capitales habet, *Satanam*, *Mū-*
dum & *Carnem*, quorum primus dolis,
 secundus exemplo, tertius hæsitazione
 quam aliis armis, magis noxij sunt. *Sa-*
tanam nemo explicat, qui ob id mille
 arti-

artificis nomen, homini formidabile,
 sortitus, mirum est Christianum exercet,
 nec nisi cruore *Crucifixi* fugatur. Mun-
 dus quem sua contagione non inficit,
 cane mordacissimo impetit quem *Ca-*
lumniam dicimus: is immane quam la-
 tret, quam virulenter bonos & inson-
 tes invadat, quam maledicentiae denti-
 bus, in optima quæque irruat. Huic li-
 cet, quæcunque in buccam venerunt
 eijcere, & candorem alienum impune
 maculare, neque quisquam tam sub-
 ductæ vitæ fuit unquam, qui hujus in-
 jurias effugerit. Una tamen re admodum
 affligitur, *lucē*. cum quod suam turpi-
 tudinem ægerrime intueatur, tum quod
 nihil adferat tantæ rabie, quod alienos
 oculos admittat. Itaque Christianus Di-
 vina luce amictus, in claro veritatis So-
 le obambulat, & calumniæ vitiosos o-
 culos perstringit, quæ ne nihil agat, cor
 suum invidiâ rodit, ac exanimatur. In-
 terim carnis quoque torpor excutien-
 dus, & lethargus dispellendus est: nam
 dum hæc se in omnes partes vertit, de-
 liberat, optat, & trepidè tentat, dum re-
 fici

fici subinde, & vitæ voluptatulas degustare appetit, Christianus arrepta *Crucis* scutica, cuncta bundam carnem diverberat, & infernum cum adversa parte conflictum impellit, ut vel tandem diffidere Sathanæ, negligere mundum & imperare sibi incipiat.

Habet res Christiana suos etiam *athletas*, qui Herculeæ, & inausa aliis subeant: Hi ut numero paucissimi sunt, ita in cœlo Christiano, velut lucidissima astra, rutilant. His vel corruptos seculi mores aggredi, vel hæreseon monstra debellare, vel torrentibus Mundi se opponere, vel rem communem senescentem restituere, vel è vinculis Ecclesiam liberare, vel insolita quævis præstare datum est, admirante, & applaudente piorum cœtu. Horum verbis, ferrum cedit; & calami enses retundunt: horum precibus cœlum paret, minas tartara reformidant. His Tyranni plærique, & orbis domitores prostrati sunt, his magnus ille Antichristus debitus. Nemo tamen tales temerè imitetur, nisi vocantem Deum audiat, alio-

alioquin impar futurus, & sub onere
 periturus. Multa concurrant oportet,
 in Divino heroe, ac imprimis mali ma-
 turitas, pœnæque decretum cum ani-
 mo invicto militare debent. qui nimiū
 festinat, & intempestivè orbis pestes
 aggreditur, potius irritat quam expu-
 gnat. Vidit hæc ætas *illustre facinus*, ac
 cur Deum laudet, habet. utinam vero
 victoria sua uti, & persequi fugientem
 hostem, nec palantes semet perdere di-
 dicissent Christiani. Solent enim reviviscere hæc immania monstra, & à
 Hercule a clava secura, in ovantes, &
 tripudiantes irruere, ac per magnam
 sæpè stragem edere. Ah doleamus,
 nobis potius Pæana canere in animo
 esse, quam vires paulatim *Bestia ma-*
gnæ recrescentes extinctas velle. gau-
 deamus sanè ob profligatos dracones,
 sed ita, ne renascentes serpentes in si-
 nu nostro foveamus, ne *Cerasten* in vi-
 scribus nostris maximè no-
 xium alamus & nu-
 triamus.

Chari-

NAti sumus omnes ea lege, ut ejusdem Patris filij, nos *fraterno amore* complecteremur, sed ut primum nos Peccatum dissipavit & disstraxit. *Charitas* è mundo recessit, nec nisi per Christum nobis à cælo reducta est, quam soli *renati* susceperunt. Charitas, cui debemus quod orbis terrarum nōdū dissolutus est, & tolerabile aliquod commercium relictum. nam si humanis odiis relinqueremur, quis illos effugeret, qui Universi populo unam cervicem sceleratè optant. At Deus multas manus esse, quæ his beluis obniterentur, cum apud rationis compotes omnes, tum eo magis Christianos esse voluit, quod his Charitatis mutuae symbolum injunxerit simul, & concrediderit. Itaque ut quisq; charitatem habet vel non habet, ita se Christianum vel prophanum probat, imò quò charitatis habet amplius, eo se magis Christianum demonstrat. Nam cum facili-

mum

num sit jactare Dei amorem, si id in
 lingua tantum consistat, testem Deus
 cuius rei, proximum voluit, in quem
 quod ipsi debemus, conferremus. Vo-
 luit autem singula sua in nos merita,
 nato animo agnosci, ac in fratres no-
 stros referri, ut summā humanitatem,
 humilitatem, longanimitatem, man-
 suetudinem, reliquasque in nos colla-
 tas Virtutes exprimentes, & mutuæ
 Charitati adhibentes, quocunque tan-
 tem intervallo, laudabili tamen obse-
 quio & æmulatione quasi compensa-
 remus. Quod ut libentius faceremus,
 nova insuper præmia Christus propo-
 nit, idque præ reliquis, fore, ut tam fa-
 cilem nos habeamus Deum precibus
 audiendis, & delictis condonandis,
 quam nos proximus non reperiatur diffi-
 ciles. Beata me Christe fors, cum ob
 condonatos paucissimos denarios, plu-
 rima nobis *talenta* remittuntur.

Charitatis filia *Liberalitas* est, qua
 nihil magis dignum homine Christia-
 no orbis habet, qua Divinæ naturæ ni-
 hil propinquius. Regiam virtutem
 ajunt,

ajunt, qui in Mundo sunt, nobis satis sit
dicere *Christianam*. Cum enim res om-
nes usque ad corpusculum nostrum
commodatas habeamus, turpissima
Satanæ impostura, avaritia, sive tenaci-
tas introducta est, quæ dum heros face-
re & possessores promittit, iniquissima
mancipia efficit, quæ perpetua siti ex-
crucientur, & tã eo quod habent, quam
quod nondũ habent, misere torquean-
tur. Christiani vero, velut in communi
hospitio suppellectilibus Dei quidem
commode utuntur, sed nullas sibi con-
gerunt, aut proximo invident, multo
minus eripiunt, verum paratissimè in
usum publicum porrigunt, ac velut in
eadem mensa vasis communibus utũ-
tur. Quis enim bonorum credat, vo-
luisse aliquos suorum Deum ædes, inu-
tili copia vasorum, vestium, auri, ar-
gentive, aut cujuscunque rei apud di-
vites terræ abundantia est, farcire, alios
non minus Dei amicos vix se tegere
aut alere posse: quis credat aliquibus
ferculorum strues & gulæ delicias om-
nes concessas, alios ad hydrias & pul-
tes

condemnatos. Sed omnino ex inferis emerfit monstrum quod se apud Germanos den Standt/ vocat, cui, in quolibet vitæ genere licet quod non necet, imò cui se accommodare necessum est, secus quam Christus præscripsit. Metuendum tamen est, ut dum ad hunc statum alij superbiunt, alij nudi sunt: alij inebriantur, alij sitiunt; alij prodigunt, alij indigent; alij ludunt; alij genuunt; alij nitent, alij sordent, supersit illius gehennæ status cui illiberalibus huius terræ usurpatoribus sese accommodare sit necesse.

X X.

Fraternitas.

DUM Mundus pompam suam ducit, & Vanitatis ordines producit, Christus *fraternitatis* suæ chorum habet. Invisum hoc terris nomen, & ridiculum, sed quod eo magis gratum, & compense quæsitum Christianis esse debet. Qui enim Cælum aliquando commune nos habituros credimus, nō possumus nihil hic inter nos communica-

D

re: qui cœli paritatem & æquabilitatem agnoscimus, non possumus tanto intervallo & immenso spatio inter nos differre: qui æternam aliquando nostram conversationem speramus, non possumus hujus temporis fastum, ambitionem, & dedignationem approbare. Dicemus igitur Sathanæ ludibrium esse, cum homo se supra homines tanto interstitio effert, ut originis suæ, & cum humano genere *cognitionis* proximæ obliviscatur, ac honores uni Deo debitos, potentiam uni Deo cōcessam, iudicium uni Deo relinquendum, sibi sumat, vel humana socordia oblata, admittat. Est autem omnino nō tam Magnatum, quam nostra culpa, cum in mentem illis venire tam absurdum nihil possit, quod non approbatores, excusatores, admiratores, executores, & annotatores reperiat, ut non inepte ex Mundi sententia Nero dixerit, se unum scivisse quid imperanti liceat. Sumus ergo ad fraternitatem Christi revocandi, quæ ut decentes vitæ ordines non confundit, aut excludit, dum nihil nos extol-

extollant, & inclementes commissis reddant; ita nos frequentissimè ratio-
 nis illius, nostro capiti aliquando red-
 dendæ, admonet; quæ non quid impe-
 rantibus licuerit, sed quid decuerit: nō
 quid subiecti admiserint, sed quid exi-
 gendum ab iis fuerit; non quid regni
 iura permiserint, sed quid cœli leges
 præscripserint; non quid Mundi mori-
 bus probatum, sed quid à D^o ipso gra-
 viter injunctum fuerit, serio *processu*
 dijudicabitur.

Nemo ægre ferat, si quid hic de *titu-
 lis* addamus, nec enim iis quos titillant
 invidemus, imò hanc inanitatem li-
 benter tribuimus, nobis gratulantes
 qui hoc tenui, & facilè comparabili ci-
 bo pasci se patiantur. De Christianis lo-
 quamur, quos sublimius quid sapere
 decebat, quam ut ad grammaticen re-
 dirent, & nominibus ac verbis cape-
 rentur. Non tam barbari sumus, ut o-
 mnia commisceamus, neque velimus
 nos nullis appellacionibus distinctos:
 neque tam insulsi in juventutem su-
 mus, ut per *gradus* ad superiora rectè

incitari & vocari dubitemus. sed quod hoc luxuriante seculo ea est titulorum prodigalitas, ut jam superlativi omnes vilescant, & ad composita, decomposita-que magna anxietate accurrendum sit, id vero *prægrandis vanitatis* est, quã si majores tantum nostri, (ne quid ad Christum adeam, simplicitatis principem) exprobare nobis vellent, quantum indignationis, (nisi fortasse risum potius) ex nobis conciperent. Ecquid verò in Christo tantopere displicet, ut eius formulas penitissimè abhorreamus, & *fratris* nomen in auribus pro-
pmodum sit intolerabile ac hæreticū! car Domini omnes volumus esse, quos *Conservos* Christus fecit; & Magistri, quos *condiscipulos* esse iussit, & ductores, quos *commilitones* conscripsit: non quod alteri alter donis Dei non præstet: non quod jubere, docere, ducere alij alios non debeant, sed ne videamur magis titulos, quã rem ipsam, & Christiani regni incrementa urgere. Quid enim hæ prerogativarum, præsidentiarum, & ut uno verbo complectar *pro-*
nomi-

hominum concertationes aliud volunt,
nisi ut nos Adami propagines, & am-
bitionis filios prodamus, illumque sub-
limem *filiorum Dei* titulum perdamus
penitus.

XXI.

Libertas.

RECTISSIMÈ dictum est, *sua quemq̃
ineptia detineri.* nam cum nos
Deus non tantum *liberos* creavit, sed
liberavit per Filium de nuo, nihil æque
absurdum videri potest, quam quod in
vincula & compedes iterum redimus.
Quæ enim Mundi consuetudines sunt,
& mores, cū nihil aliud faciant, quam
invitent, nos leges, atque adeo *necessi-
tatem* parendi credimus. Unde per-
pauci admodū hæc tenuia fila abrum-
punt, quibus contra mentem suam, cō-
tra conscientiam, contra evidentem et-
iam commoditatem, à genere, condi-
tione, uxore, propinquis, amicis, bonis,
alligati sunt, ut minus se ad Deum, ejus-
que perfectiores regulas conforment,
sed tempus trahant, & occasiones am-

biant, interimque sub fictitio iugo pro-
funde ingemiscant. Sunt etiam, quos
nisi metus Mundani risus, & iniquissi-
mi iudicii, nihil cohibet: Sunt qui de so-
ciis, sunt qui de capite aliquo circum-
spiciunt; omnes certè spontaneis com-
pedibus impediti, quos si vellent, si *nunc*
vellent, nihil detineret. Fallitur enim
quisquis Mundo satisfacere, aut place-
re ullo modo sperat, aut ejus ludibria
effugere contendit: ille demum sapit,
qui vera libertate sua, Mūdi risum pro-
vocat, & quod sub iugo ferendum fuis-
set, magna animi securitate contemnit.
nec minus ultorem Deum habet, qui
suorum contumeliam suam facit; suo-
rum opprobrium ad se revocat, & an-
notat. *Audeamus* ô Christiani, nostri, id
est Christi esse, dissolvamus hæc ara-
nearum tela, fugiamus ex Ægypto, ex-
eamus è Babylone, quoniam nihil est,
quod præcludere viam possit. Tente-
mus, ut aliquando omnia imaginatio-
nis objecta infra fidem fuisse experia-
mur.

Solet hîc Mundus incautis illudere,
& fu-

& fucatam aliquam libertatem vendi-
tare, qua qui *Sui* sunt, alterius esse no-
lunt. At Christiani aliter, qui ut primū
internas suas opes ab omni Mundi cu-
stodia assecurarunt, facili mē reliqua o-
mnia Proximi comodis & utilibus ad-
dicunt. Unde homine Christiano nihil
est in terris servilius, qui ea quæ Mun-
dus alioquin dedignatur tractari, susci-
pit, & infimis etiam rebus operā suam
non denegat. Atque hic permagna se-
curitas est: nam cum Mundus non nisi
gravia, strepera, prolixa, & vasta quæ-
que ambiat, atque humeris suis impo-
nat, sub quibus miserum in modum
premitur, & exagitur, Christianus
non alia appetit, quam quæ minus ful-
geant, minus resonent, minus invi-
denda sint; & ætatem suam procul ab
illis inanitatum & laborum officinis
degit. Mavult enim Christianus unum
hominem sibi commissum, ad cœli
normam recte informare, & efforma-
re, quā integris provinciis præfectus,
iniquitati humanæ impar esse. Eant
qui volunt, & Episcopatus, Rectoratus,

Præfecturas, Oeconomias integras sibi deponant, homo Christianus nihil erubescit, fidem suam in tenui sorte probare, ac in Domini domo abjectus etiam esse, & ad fores stare. Satis sit *Dei servum* esse, quod cuicumque minus est, nihil in terris sufficiet. Regni Dei cura nemini sordeat, cui dum se subducunt, quibus fortuna favet, ac infra se esse optimates hujus terræ judicant, hoc ipso testantur, se qui Dei ministri audiant, indignos à supremo rege habitos. Sed etiam qui ab Ecclesia nutriti, postquam saginati sunt, in famelicos Divina officia superbe rejiciunt, & holocaustorum adipem sibi servant, supremum *numen* non effugient.

XXII.

Resignatio.

ERat cum Terræ huic dominari licebat, & possidere eam jucundum erat, nunc *renunciare* ei, & nihil omnino participare consultissimum est. Ut primum namque *Peccati* sanie infecta est, qui eius minimum habet, beatissimus.

mus est. Solent autem multi non tantum agellos, suam terræ partem petere sed integra climata, & portiones suas Solis diurno itinere terminare. Infelices homines, quos septempedalis fossa recondit, & vel tandem exaturat. Cæterum Christiani qui se totos Christo tradiderunt, omnia quæcunque hic sibi aliquo jure vendicare possent, in salvatoris sui manus *resignant*; satis opulenti, si se sciant nihil extra Deum, & sine Deo possidere. Hinc parum judicant, si externa tantum Domino in manus reddant, nisi etiam intima quæque nutui divino relinquunt. Nihil inexpectatum talibus accidere potest, cum verbera, carceres, supplicia, atq; Mundo horribilia alia inter beneficia numerent. Benè habere æquè formidabile ipsis, ac malè, tutum videtur; & malorum memoria delectantur, plagis & vibicibus gloriâtur unicè. A deo occaluerunt, ut nisi patiantur, nihil se hîc agere, & dies perdere arbitrentur. Rara avis hæc est, sed tamen nonnunquam conspicua. Manū verò abstineat quis-

D s

quis potest: nam quo tergum libentius porrigunt, eo minus securum est verberare: quo sunt stultis similiore, eo minus irridere eos expedit. nam qui iam sui amplius non sunt, sed Dei, eos nemo tangat, nisi qui Deum impunē lēdi posse opinatur. Cujus is est finis, ut manum quidem impietas extendat, ast ad se nunquam retrahat, sed stupefcente ea capitale esse *papillam Dei* offendere reperiatur.

Monet nos occasio, ut *Martyrum* etiam coronam contemplemur, quæ rarò terræ hujus magnatibus, sed reſtamenti imponi solet frequentius. *O* arcana Dei judicia, quæ amicissimis suis pro rectissimis factis, & laudatissimis meritis extrema supplicia decernere solent, eaque infamibus accusationibus onerata & scædata. *S*per mologos, nebulones, seditiosos, veneficos, fanaticos oportet esse, quos Deus martyrij honore habet dignos, ut appareat *Mundi* judicium esse nequissimum. Et sunt qui hanc ignominiam non ferant tantum, sed appetant, atque *Mundi* ir-
ritatio-

ritatione *ambiant* ! O Deus quam longe aliud quid, præter, siue supra terrenum affectare oportet, atque expetere, quibus elementum nullum, nullū mortis genus est formidabile. Quin imò Natura ipsa succumbit, ubi martyrij gratia animat, tantum abest, ut minis terreri, aut avocari à recto sinat. Inviectus est cui vita nihili est, & frustra cōtra hunc pugnatur, qui paratus est sanguine fidem suam obsignare. Quid eripias homini cui omnia terrena cœni instar sunt, nec nisi molestiam adferūt. Exilium ipsi hoc universum est, ut parum intersit ubi exulet. Ne quidquam ægre dimittat, didicit rebus omnibus carere. Ut non evehatur nihil timet, qui se sponte abiicit. Et quid ille tandem inimicitias Mundi vitet, cui carnifex amicus est, atque exoptatus. Da Deus hunc animum, & ab omni metu nos libera, qui quos sincerè amas hic multis testibus, & exactis iudicibus maleficii convinci sinis, ut cum hic fidem tibi fuerint testati, ex te ipso integritatis *testimonium* audiant.

Elevatio.

Æquissimum est hominem hu-
 jus terræ favorem nihili facere,
 quem Deus *inter suos familiares* rece-
 pit. Nam ut omnia Mundus præstet,
 quæ suis pollicetur, quod tamen ex ra-
 rissimè contingentibus est, ad illa quæ
 Deus communicae solet, collata, pa-
 rum valent. Solet mundus suis nomi-
 nis immortalitatem spondere, variis ad
 id fabricis adhibitis, quasi vero mortis
 sit vitam dare, aut temporis, æternita-
 tem promittere. Cum omnia facit, no-
 minis oblivionem in annos aliquot dif-
 fert, idque adeò obscurè, adeò dubiè,
 adeò contractè, adeò cum invidia & re-
 nitentia multorū, ut tanti non sit, tam
 improbis laboribus hanc ineptiam e-
 mere. At Deus quos ex hominibus se-
 ligit, ut *clarissimos* inter fideles suos
 reddat, primum admirandis donis re-
 plet, quo eos Natura ipsa obstupescat;
 dein familiaribus colloquiis de rebus
 omnibus erudit, & excolit, ut jam non
 terræ

terræ tantum, sed & cœli conscij audiant, ac velut terrena Numina colantur. Hi seculorū characteres sunt, quibus Deus ætates distinguit; hi ornamenta temporis sui, atque exinde rariores. Non potest hos famatacere, & deprimere, cum terra ipsa loquatur, & rerum gestarū magnitudo, neminem latere possit. Nam cum maxima quæque, per minimos & simplices homines, Deus peragat, hoc ipsum ad Mundi admirationem, illorumque æternitatem facit. Diverſa namque Christianorum à Mundanis sors est, cum nisi humiles non inclarescant; nisi simplices non sapiant; nisi debiles nihil superent; dum Mundus tumidos, sagaces, & robustos tantum elevet. At quò magis hi attolluntur, eo relabuntur gravius & miseri; uni namque hi securo fastigio insident, qui ad Deum, ab ipso Deo sublati sunt.

Inter alia præclara dona Ecclesiæ Dei concessa, sublime aliquod est, *Propheticum* dictum, quo homo Dei arcanis revelationibus ad infinita admitti-

tur, quæ alioquin universo Mundo ob-
signata & occlusa sunt, ut seculorum
periodos, regnorum ortus & interitus,
hominum decursus, motionum vices,
Ecclesiæ passionēs & eclipses, longe
ante prævideant, & verborum admi-
randorum involucris annuncient, va-
riis imaginibus inumbrent, atque Di-
vinitatis huius speciem, posteritati te-
stentur. Et quis dubitet purissimas
mentes huic mysterio deberi, quæ ni-
hil contaminatæ, radios providentiæ
Divinæ excipiant, & per vaticinia re-
frangant. quod dum Mundus impurus,
impura sua Astrologia, & variis divina-
tionum generibus idem tentat, ridicu-
lus fit, ac ingenti intervallo ab illis *vi-*
dentibus relinquitur. Quod si quis sti-
lum tantum utrorumque conferat, jam
videt, & obstupescit, quam differant.
Prophetarum linguæ simile quid Mū-
dus dare non potest, etiam si Pythago-
ram, aut Platonem, suos conducat. Igni-
ta omnia sunt, & penetrantia, quæ è
cælo dictata & excepta sunt; frigida o-
mnia & superficialia quæ terreno ca-
lamo

Iam operiscribuntur. Idem de auribus humanis iudicium est, nam quæ à spiritu sacro lustratæ non sunt, Divina oracula non capiunt, & ad sublimia hæc verba surdæ planè sunt, vel sanè surdastæ, sinistrè omnia ac ex suis conjecturis accipiunt. Uni illi, qui ad Dei colloquia iam assuefacti, emblemata Divina, figuras & secretam cœli literaturam sapiunt, digni sunt audire consilia & proposita Dei, scrutari abyssos sermonum Dei, præparare animos ad voluntatem Dei, denique etiam Dei operibus in hac terra interesse.

XXIV.

Preces.

HÆc Dei familiaritas etsi ab eius electione & selectione purissimè dependet, tamen multis ac perpetuis *precibus* constat. Una enim ratio est, Deum habere respondentem, interrogare; colloquentem, compellare; comparentem, invitare; consentientem exorare; concurrentem, implorare. Hoc ambitu se amici Dei insinuarunt,

runt, cum Deum sitirent, Deum in-
clamarent, Deum quasi fatigarent pre-
cibus, & impugnarent. Non potest ne-
gare indulgentissimus Pater, quod fili
tanta contentione obsecrant, non po-
test petentibus esse durus, aut pulsanti-
bus se occludere. Hæc arma Christiani
sunt, quibus non tantum hostes profligat
suos, sed etiam amicissimos expu-
gnat. Ea enim est precum ingenuitas
ut nullum delictum, nullum affectum
nullam debilitatem, nullum dolorem
nullam cupiditatem & desiderium
Deum suum celent, omnia in conspectum
expandant, ac Paterno pectore concre-
dant, atque committant. Quam animi
traditionem Deus supra omnem cul-
tum amat, & exigit. Neque fieri potest
ut non maiore propensione respondeat
quam devotione est qua situs. Haud
enim ut mundus, aditu difficilis est, au-
ditu morosus, responsis superbus, pro-
missis tergiversans, consensu inexora-
bilis, sed admittit omnes, admittit se m-
per, admittit ubique: audit benignè, au-
dit patienter, audit opportunè: respon-
det cle

det clementer, respondet frequenter,
respondet largiter: promittit verè, pro-
mittit abundè: consentit libenter, con-
sentit utiliter, consentit constanter.
Quid ni adeamus hunc Deum nostrū!
cum quo conversari tanta est facilitas,
cum quo colloqui tanta est voluptas,
cum quo vivere tanta est majestas.

Nemo unquam perfectius huma-
næ indigentiae breviarium dabit, quam
verissimus inter Deum & homines
internuncius ac interpres *Christus*, qui
id *Oratione dominica* præstat. Hic
enim ad se vocatos filios suos, clemen-
tissimus Pater, & sursum erectos, ad
nominis sui sanctuarium invitat, & ne
polluti accedant vetat. Postea in regni
sui cives admittit, & ad leges novas, san-
ctissimæque adigit: Inde voluntatis
sue observationem insinuat, & coli-
teræque consensum instituit. Mox de
alimentis, cum animæ, tum corporis,
suis prospicit, atque hanc curam quo-
tidie renovat. Delicta etiam carnis, sub
mutuæ charitatis & facilitatis conditio-
ne condonat. Sed & pericula tentatio-
num

num & Satanæ insidias avertit, suisque
 fortissima manu adest: denique malo-
 rum omnium, & duri carceris finem
 libertatisque ævum pollicetur; a quo
 ob hæc cuncta omnem imperij & po-
 tentiæ gloriam æternam sibi uni meri-
 to vindicat. Hoc clementiæ Divinæ se-
 pto conclusi, nihil superest quod petā-
 mus, quo etiam indigere possimus vi-
 deri, & tamen munifice sibi placent, quæ
 concinnis verbis possunt Deo absque
 cordis motu obstrepere. Certè si ad for-
 mulas orandum est, hæc Christi unico
 placeat, postea sanctorum Dei, denique
 qui has proxime accedunt, nec novius
 semper luxuriemur. Christiani vita nisi
 nisi precatio esse debet, qua ad Deum
 semper suspirat, cum eo semper loqui-
 tur. cuius enim dicta, factaque, imò &
 cogitationes, laudes Dei quærunt, & a
Dei aram semper stat, & suavissimi
 incensi odorem, naribus Je-
 hovæ gratum sa-
 crificat.

Roratus

XXV.

Rotunditas.

E Gregiam laudem, & opima spolia
referre Mundus credit, quoties
lecipulam excogitat. nam cum vulpi-
no sui omnes sint ingenio, cui ægerri-
me imponitur, nulla illi major volu-
tas est, quam si quem capit. dum igi-
tur ars artem eludit, Christianus una
rotunditate sua securus est. nam Echini
in morem nulla latibula, aut meatuum
anfractus quærit, sed in se redit, ac quo-
quo volutatus, nihil offenditur. Sunt
etiam Christiano sui aculei, quos tenel-
læ Mundi minus non ferunt, aut canū
ora minus admittunt. Sive igitur Hy-
pocrisis insidietur tyrannidi, sive ty-
rannis subjuget hypocrisim, sive sophi-
stice circumveniat utramque sive am-
bæ sophisticen flagellent; dum alij an-
xie affliguntur, Christianus hunc Sara-
næ lusum contemnit, certus nihil boni
à Mundo expectandum, atque parum
quisquis tandem rerum potiat, re-
ferre. Sunt enim diabolorum inter se
con-

concertationes, quæ utrinque dolis, & violentia constant, neq; unquam cum Christo aliquid verè cōmune habent. Licet enim salutem publicam, religionem, honestatem, libertatem, & ejusmodi speciosa nomina persæpè obtendant, tamen si quis intra cuticulam illos *boni publici* procuratores intueatur, videbit, ipsis, non Christo parari regnum, neque dignos esse, cum quibus vir pius causam suam jungat. Stabit autem domus Dei inconcussa, & ictus adversos omnes retundet, quicquid multi manus subducant, quicquid detrectent defensionem. nec enim humana manu constructa est, nec humana ope in hunc usque diem propugnata, sed rectum in omne ævum Deus rectum esse jussit, & illud sequuntur omnes qui recto sunt corde.

Magni interest scire, quid *rebus turbatis* virum bonum deceat, alij enim nimis temerariè assurgunt, alij nimis timidè diffugiunt. Torsit hæc cura etiam moderata ingenia, cum viderent quid fugerent, quo fugerent non viderent.

ut: nam inter partes raro modus ser-
 vatur, ac multorum importunitas pau-
 rum æquanimiitati prævalet. Jam si
 iam altera pars invalescat, & emineat,
 nihil temperatum sperandum est, nul-
 lum etiam æquilibrij remedium expe-
 ctandum. Documento nobis sunt Ec-
 clesiæ vulnera, quam acerbis odiis di-
 vincta hient. Ecquid agat cui diversa-
 rum partium vehementia displicet, cui
 necus utrinque impetus, imò & a-
 perta dissolutio non probatur! quod si
 subducatur, mollitiei; si lentè etiam
 subsequatur, consensus; si quid impro-
 bet, desertionis reus est. Sed omninò
 Deo dicamus *viro bono, tempore*
valde dissensum suum modestissime te-
 nendum esse, & remedia si potest, apta
 offerenda. Fecit id optimus quisque,
 exigua ad tempus gratia, odio multo,
 sed posteritate id admittente & hono-
 rante. Quotusquisque mussitantium
 illorum in tabulis bonæ memoriæ vi-
 dit, tantum abest, ut in libro vitæ ali-
 quādo legendus sit. quod si beati sunt,
 & honorati in Mundo, qui pro Patria
 mori

mortem fortiter oppetierunt, quid prohibet beatos dicere, quos *Veritatis confessio* interemit. Proponamus bona, suadeamus bona, urgamus bona, inculcemus bona, profiteamur bona, exprimamus bona, si nullo omnino usu, saltem ut animas nostras liberemus, atque per nos non stetisse, quod Ecclesiæ mala invaluerint, bona fide, subsequatur Christianitati probemus.

XXVI.

Tolerantia.

Regia vivendi via est, quæ non possis emendare, *tolerare*, neque facile periculosior de via est, *impatientiâ*; dum enim frustra obnitimur, id quod tolerabile etiamnum foret, amarefcit, ac irritato Mundo amplius exacerbat. Multi qui se conantur exonerare, majora humeris suscipiunt, quibus conteruntur. Supra hos longe sapiunt Christiani, qui Magistri sui paradoxo colaphum in dexteram malam impingenti, obvertunt etiam alteram & auferent tunicam concedunt quoque togam,

rogam, accogentem ad milliare unum,
comitantur vel adduo. Nunquam tam
magnus nobis videatur Mundus, ut
erre eum non possimus, nec tam pre-
iosus unquam, ut carere eo nequea-
mus. Utrum voluerit, sive premat,
ve arc at, Christiano grave non sit,
qui nisi à Christo abesse ubique potest,
& præter iram Dei omnia portare. Mul-
ta displiceant oportet homini bono, sed
nimium ægrum non faciant. Pereant
quæ salutem nullam admittunt. Eant
retro, quæ progredi nolunt, labantur
quæ evahi non possunt, quid inter hæc
Christianus se cruciet, qui Conscien-
tiæ satisfecit, & Christi crucis abunde
habet. Nolunt homines ad nostrum
ingenium vivere; vivamus ad illorum,
si id animi rectitudo sinat. Seculum in
pejus ruit! quid an nos senium Mundi
impediamus, aut differemus delirium.
quin potius ne quid nostri una abripi-
tur id curamus, nam quæ extra potesta-
tem nostram sunt, alieno imperio sta-
bunt vel ibunt. Ne gemisamus qui-
dem cum supremus imperator jubet
sequi,

sequi, & quæ in via molesta occurrunt, Patriæ expectatione leniamus. *nunquam hic bene sit*, quibus jam ante iter præscriptum est, ut per molesta ad honesta; per operosa ad gloriosa, per crucem ad lucem; per angusta ad augusta penetremus.

Qui *litigandi* libidinem in hominibus promouent, & foro unicè ob quæstum seruiunt, næ illi parum Christi habent. Accrevit hæc inter Christianos lues, ut sua mole laboret, & illis etiam, qui Mundo immerfi sunt, displiceat. Nihil certè prohibeat rem dubiam æquis iudicibus & arbitris dissolvere, sed in infinitum altercare, & ex lite litem serere, id Rhadamanthi tribunal, non Christianos cancellos deceat. O rem animæ noxiam, quæ quicquid contra proximum habet, sibi pendente contentione imponit, & infaustis processu armis onerat. Innumera animæ hac injusta juris specie ad iniquitatis Principem depressæ sunt. Certè Christianus hanc æqui obtinendi viâ, quam potest devitat, litigationis vero lubidinem

nem omninò abhorret. nec enim tanti
 facit aliqua incommoda, ut ob ea tran-
 quillitati suæ incommodet, & cum
 patre suo quovis alio modo in gratiam
 edit, quam ut *jure* dimicet. Levicu-
 laplærumque sunt, quæ homines di-
 vidunt, at non levis indignatio quæ
 intervenit, nec levis indignitas, ob
 antilla Christianos inter se turbari.
 Malè tamen sit rabulis illis, qui alic-
 na bile vivunt, & ut reconcilient of-
 fensas partes, utrasque deplumant. Be-
 nè verò integerrimis juris antistitibus,
 quorum moderatione animi iterum
 coeunt, & ab altercandi temeritate a-
 vertuntur. Si sic ageremus, minus
 causarum foret, atque illa Dei contra
 Mundum ageretur serius & felicius.
 Nunc dum nosmet atterimus, & li-
 tem contra Satanam suspendimus,
 dubium non est, contra

contumaces pro-
nunciatum
iri.

E

Misericordia.

REbus nostris sub *Iustitia* conductu compositis, altera semita nobis inspicenda est, quam *Misericordia* meritò vocamus. Cum enim priora spera nimis, nimisq; rigida videri possit, quæ tantam perfectionem exigat hac emollitur, cum videamus Deum etiã debilitati nostræ benè velle. Nam quia nos nō tã inimicos, q̃ hostes suos per Filium, nostrum Christū sibi reconciliavit; non tam soporatos quam mortuos suscitavit; non tam ægros, quam desperatos sanavit; non tam inquinatos quam putridos purgavit; infinitum oportet *Misericordiæ* affectum esse, qui nos etiamnum alienos, oscitantes, languentes, olentesque sustineat, & eleemosynarum alis obtegat. Itaque Ecclesiarum sibi colligit, non ex sapientibus, prudentibus, fortibus, & temperantibus tantum, sed quamplurimos ex peccatorum turba admixtos habet, ut se cunctis inò *Medicum* ostendat, qui epidemicis

nicis Mundi morbis correptos, sanandos sibi sumserit, & magnificam illam terram jactantiam, pudefaciendam proposuerit. Est enim Religio Christiana nil nisi clementiæ summi Patris confessio, qua genus humanum Satanae ablatu, Divinâ imagine exutum, & Paradysi possessione deturbatū, in gratiam iterum sub Filij meritò recepit, & novo fidei fœdera sibi devinxit, ut quotquot hoc salubre medium amplecterentur æternæ salutis & cœlestis hæreditatis essent certissimi. Quod novum pactum, & sincerissimæ apud Deum dilectionis admirandum testimonium peccatores sumit & justos facit; delinquentes vocat, & convertit; impuros admittit, & laudat; mundanos suscipit & Christianos reddit, qui enim sub novo fœdere antiquis velit moribus vivere, ridet Dei misericordiam, & condonatione se indignum reddit.

Itaque officij nostri subinde admonendi sumus, ne Dei facilitatem tentare, & longanimitate ad peccandi licentiam abuti unquam audeamus. Ut ut

enim Christus vel sero advenientes, si serio id fiat, non reiiciat, qui tamen hoc per ludibrium experiri ausit, suâ malitiâ interibit. Cæterum nihil tam est necesse, quod iam quos de re divina error occupavit, siue ductores huius sint, siue ducti, in viam revocentur. In quo pio & frugi negotio, nescio an non multi æquo *duriores* sint, qui rimas Ecclesiæ intempestivo zelo diducunt, & diffissa non nihil, discerpunt. ut quod dolendum est Hæreticus facilius fiat, quam sit, & dicatur, quam res ipsa testetur. Periculosum est, prolixam & argutam effingere religionem, contra quam vel optimus quisque per incogitantiam peccare possit: temerarium, ultra Christi regulas plures exceptiones, distinctiones, ratiocinationesque affluere, quas nescire piaculum sit: infame, facere suæ opinionis maximas, quas negare Cælo simul, & bonorum conversatione excludat. O beatas Ecclesiæ primitias, quibus sub Apostolis contractius, & breviori compendio licuit credere, ac anathemata minus frequenter

CHRISTIANUS. 101

reformidare. Sed omnino occurrendum est *lupis*, quos hæc ætas, in ruina præceps, & plures habet, & immaturores, non tamen nisi utraque manu. Scilicet ut tam fidei veritatem optimis verbis astringamus, quam veris operibus construamus, & tam velimus esse *vita* laudabili, quam *charta* probabili hæreticis superiores.

XXVIII.

Remissio.

E Cce homo, quid debeas Deo tuo, cum quo inenarrabili modo es *reconciliatus*, cujus miseratione sunt supra omnia opera eius. Animant te publicani, meretrices, & latrones, qui è faucibus hostis momentaneè eruti, finibus excipiuntur pastoris. Irritasti Deum, ille te placat; furorem provocasti, ille te componit; peccasti, ille passus est; deliquisti, ille adhuc sustinet. Si pœnites parcat, si reverteris suscipit, si differs, præstolatur. Revocat errantem, invitat repugnantem, expectat torpentem, amplexatur redeuntem. Docet

E 3

ignorantem, moerentem mulcet, à ruina suscitatur, post lapsum reparatur, petenti largitur, querenti invenitur, pulsanti aperit. Hæc planè abripiunt animam ut nisi Deus dixisset, nisi Deus fecisset, fidem sibi nullam haberet, optimum Deum posse ferre pessimos homines, imò delectari *peccatoribus*, ut bonitatis suæ immensitatem testetur. Furiosos quoque cicuravit, fecitque ex rapacissimis lupis, non tam mitissimas oves, quam pastores. Impuros & libidinosos homines, castitatis præceptores & exempla effecit: Mammonæ mancipia, thesauris suis liberales & integerrimos dispensatores præfecit. Ambitiosos iussit humilitatem docere, ac infamiam morte contestari. quid dicamus! admiranda sunt consilia Dei, qui peccatores præfert sanctulis, ut nihil habeas ô homo, quod præjudices. Ille ipse quem hodie peccatis oppletum abominaris, cras tibi virtutum doctor erit: ille ipse quem hodie mensurato passu, & candida stola incedentem æstimas, cras in sterquilinio se volutabit. Multis nempe pec-

de peccasse profuit, quos intus pul-
lor, & ferius dolor, posthac ab omni
secuta confidentia cohibuit.

Habet tamen Ecclesia suam decorè
vivendi disciplinam & oberrantes cor-
rigendi humanissimas *regulas*, in refra-
ctarios verò omni morte acerbior m
exclusionem. Sancivit pia quondam
& recti custos antiquitas, ut qui Sata-
næ aures præbuissem, delicti pœniten-
tia revocati, primum deprecarentur
Deum, dein Ecclesiæ offensæ *reconci-
liarentur*, qui mos laudatissimus non
prius evanuit, quam peccandi licentia
irrupit. Hic publicis precibus homo
reddebatur piorum communioni, qui
nunc uno alterove nummulo redem-
tus non tacitè subrepat Eccl. siæ, sed su-
perbè se ingerit & insert. O maculam
nostram, & tinctores infames! Voluit
etiam sacra olim simplicitas, & æquitas
vult, inique *ablata restitui*, quod vana
esset, inter mali possessiones, resipi-
scentia. Sic vulpecula lugeat anserem,
& devoret: sic crocodilus morti homi-
nis illacrimetur. At ô nimis illos feli-

ces, quibus hodie salva præda licet innoxios esse, & à delicto, non itidem spoliis, absolui. Dijudicent hæc, quibus id datum est, nobis in hoc argumento disputare non vacat. Valde egeant oportet multi, si reddant quod injusto titulo habent, sed huic rei gnaviter prospectum est, nemo hūc titulum agnoscit. Christianus paratus est non tantum ab universa Ecclesia, errorum, delictorumque veniam petere, sed etiam corpus ipsum si id iniquè possideat, restituere. Quid enim erubescat fratribus suis fateri, quod in cōspectu quondam omnis carnis, viventium & mortuorum, publicè prostabit: quid ni exiguum aliquid reddat, cum omnia possit, nisi oneratae conscientiae sarcinam, relinquenda sciat, & exactissime sciat.

XXIX.

Quies.

Natura quod homini negavit, gratia supplet, atque largissimè, sed diversa planè est utrorumq; ratio nam cum laboranti sese Natura pandat, hæc

quis-

quiescendo impetratur: cum agentibus illa faveat, hæc vult patientes. Nihil movendo, currendoq; homo promovet in divino lumine, sed sedendo ad pedes Domini & auscultando. Sedet autem qui Deum expectat, nec Mundi turbis inquietatur. Deus quid velit, & quando velit, non semper communicat, neque quo ducat suis aperit sed per obliqua, & ambages cum dilectis ambulat. Hic obticescat nostra curiositas oportet, & ad nulla viarum compendia circumspiciat, cū spirales etiam lineæ, Deo satis rectæ sint. Videmur nobis persæpè errare, & rectissimè pergitur; impediri, & promovemus; stare, & properamus; retrogredi, & appropinquamus. Multi per carceres ad Regna eunt, insolito itinere; per injurias ad famam. *Quiesce* ô homo, & rem omnem Deo committe, qui supra omnem captum tuum, res suas jam ante disposuit, & optimo ordine progredi jubet. Itaque Christianus hoc unum agit, ut columnam ignis in oculis semper habeat, quam quoque eat, nihil de

cetero sollicitus sequatur. neque eò impatientiæ unquam pervenit, ut putet malè secum, aut duriter agi, vel haberi à Deo ludibrio. novit enim occulta esse judicia Dei multa, injusta nulla. Audit igitur cum loquitur; attendit, dum tacet; loquitur, cum jubet; it, cum vocat; manet, cum subsistit; paret, cū præcipit; sumit, cum porrigit; abstinet, cum prohibet; pugnat, cum incitat; fugit, cum monet; vivit, dum finit; moritur, cum evocat: ita dum ad nuntium omnia facit, nusquam impingit, delinquit etiam nusquam.

Qui hodie omnes nugas suas, & innocentum offendicula Reipublicæ communicant, de Christianorum cœtu pessime meriti sunt, neque certè has ipsas chartas eximerim, si quis meliora substituat. Dolendum est impietatem, injurias, libidinem, adulationes, & similem hominum perniciem publicè præstare, nec Christianorū, quàm Gentilium fora esse purgatiora. Ea nunc est pestilentissimorum librorū colluvies, ut diluvium suffocandis optimis, & re-
ctis.

Difficilis ingenii efficere queat. Nihil
 exprobrems Mundo, quem & loqui,
 & scribere malè, necesse est. Utinam
 saltem Christiani sibi temperarent, ne
 calamos suos ethnico atramento intin-
 gerent, & chartas repurgatæ literaturæ
 macularent. Sed quis prohibeat, cum
 se nūdinali catalogo inferere tanti pro-
 pe fiat, quanti sanctorum indici. itaque
 ex idolorum lacunis haurienda sunt,
 quæ Israëlites fontes non suppeditant; &
 ubi S. spiritus oleum deest, ad vanitatis
 fictiles lucernas lucubrandum. Pessi-
 ma metrix, & qua vix ulla tyronibus
 Christi periculosior: nam cum videant
 etiam antecessores suos, nihil ab hoc
 luto abhorrere, paulatim ad æquè in-
 quinandas manus accinguntur, & idem
 cœnum pertractant. Christianus ex
 multis pauca, ex paucis minima colli-
 git, nec nisi ea, quæ cum Verbo Dei
 conjungi & compingi possint. novit
 enim hos mundi labores ad quietem
 nihil conferre, sed mentis operas alias
 exigere, quæ à tranquillitate serena, ad

turbidam distractionem impellant, & beata obsequij Divini sede, eijciant.

XXX.

Silentium.

BEata bonorum Dei sub *silentio* custodia est, quod contrario huiusmodi modo possessorem ditat. Mundus namque, nisi id multi sciant, nihil se scire opinatur; Christianus, si id alij sciant, thesauros suos proditos arbitratur. Est autem revera Dei voluntas, ut quam castigatissimæ simus linguæ, neque sua secreta temerè effuriamus: non potest enim ferre streperam animam, sed quæ taciturnitatis sacra devotè & fideliter peragat. Haud quidem reticenda sunt magnalia Dei, nec quæ juvare Christianitatem possunt, occultanda: sed alia supersunt quæ Deus in *silente anima* agit; alia sunt familiaritatis Divinæ arcana, quæ propalare ambitionis potius sit, & levitatis, quam in usum communem studij. quin imò ea hominem loquaculum confestim deserunt, ubi primum oris sigillum solvit;

rit; ut appareat Deum amicitia læsæ
injuria irritatum. Sanctos Dei videas,
quam moderatè de se senserint; quam
temperatè de se sint locuti; quam amo-
ris divini obsignationem religiosè cu-
stodiverint. Nemo illis nescire plus
creditus est, cum plurima scirent; ne-
mo minus posse, cum omnia præsta-
rent; & nos miramur Deum nobis mi-
nus communicare, minusque concre-
dere, cum undique diffluamus. nem-
pe beati non erimus conscio Deo, nisi
id in mulierculæ aures effundamus.
Pudeat Deo fidem servare non posse,
cum rimarum plenum, & secretorum
incontinentem nemo mundanus ami-
cum ferat. discamusque prima tacitur-
nitatis nostræ pericula Deo probare, ut
cum nos *arcanis servandis* pares repe-
rerit, alia atque alia revelare & com-
municare, dignari possit.

Quid etiam vetet, bonos inter se ali-
quos *secretos*, atque sub jurejurando
fideles esse, non liquet. Certè habere,
in cujus sinu omnia tua, etiam peccata
securè & liberè effundas, nescio quam

mirificè exonerat. Multa nos tacitè a-
fligunt, & mordent, quæ amico dete-
cta mitescunt, quasi Deus ipse noli
nos solos mala nostra cõcoquere. quis
quis hunc amorem, sive arctissimam
amicitiam abrumpit, aut corrumpit
detestabilis est, nec minus humane
quam Christiano nomine indignus.
Multæ pravæ cogitationes, vana confi-
lia, temeraria proposita, frivola de fide-
ria, impuri amores, maligna odia, ine-
pti metus, & consimilia mentis nuga
mina dispelluntur, si quis pectoris sui
conscium, & consiliarium fidum ha-
beat. Ut omninò persuadendum sit
Christianis, de talibus sibi curiosè cir-
cumspiciant, quos cordis intimi socio
habere possint. Difficilis utique res, &
quæ aliquot experimenta eludet, sed
tamen quæ Dei conductu nunquam
bono fine carebit, & præmonstrante
Deo in optimum aliquem *Jonathan* in-
cidit. Neque certior indagandi ratio
quam si quos idem sacer spiritus ad vi-
tandam Mundi intemperiem, & repe-
tiendam animæ quietem urget. Hic
enim

CHRISTIANUS. LII

animos complanat, affectus se-
 lat, corda calefacit, ut facilimè coale-
 cant, dissolvantur verò difficilimè.
 Unus Mundi contemptus & cœli desi-
 derium infinita aufert, quæ dissociare
 animos solent; additq; plurima, ob quæ
 alter alterius amore capi, delectarive
 & debeat, & velit, & possit, unicè ac li-
 bentissimè. ubi enim Christus *conne-*
ctit, Satan separare non potest.

XXXI.

Fides.

Ecclesiæ thesaurus *Fides* est, si-
 certa & singularis in Christum fi-
 ducia in cordibus nostris, sanctis polli-
 citationibus accensa, ac ab ipso S. Spiri-
 tu, & sacris signaculis ob signata, & ro-
 borata, cui vel inferorum portæ resi-
 stere, aut Mundi corruptelæ imperare,
 vel carnis etiam imbecillitates obesse
 in Christiani damnum, non possunt.
 Hæc illa bonitatis omnis *radix* est, quæ
 per verbum Dei implantata, non po-
 test nisi fructus bonos ferre. Hic sacer
 ille *ignis* est, qui à S. Spiritu accensus,
 non

non potest non hominem calefacere. Hic ille æthereus *motus* est, qui à supremo mobili impulsus, non potest non sursum efferre, etsi hoc non velle, & aliud agere videatur. Nec enim Deus opera, sed fidem æstimat, etsi illa nunquam nisi invita, & impedita aberunt. Unde Christiani pietas, probitas, & quæcunque aliæ virtutes, à Mundanæ integritate distinguuntur, quod nisi *Fidem*, principium aliud nullum habendum Mundus aliis, ac plærunque ambitiosis causis agitur. In eo tamen hodiè turpiter erratur, quod multi, ne laudabili vita aliquid apud Deum promereri velle videantur, ab ea sollicitè abstinunt; & quam nihil bonis operibus tribuant, quotidianis malefactis testantur. Fortè id disputatoribus illis tribuunt qui anxie curant, ne quæ rectè, & inculpate vivendi regulæ, hominibus inculcentur, simulque sanctimoniam aliqujus error introducatur. Quos tamen securos esse Mundus jubere potest tam ad bonorum operum exercitia difficilis, quam illi sunt in iis serendis, planandis.

andis, rigandis, tandemque exigendis
ardi. Christianus omnino indignita-
em suam agnoscit, & serio deplorat, ac
ini, solique fidei innuitur, nec minus
amen quibusvis Christianis officiis, &
gratitudinis suæ declarandæ testimo-
niis, sedulus est, paratus & laboriosissi-
mus.

Quæ fidei majestas sit, satis id sacræ
antiquitatis exemplis constat, ea hodie;
quod dolendum, vix satis apparet. O-
lim fidei parebant mare, petra, mœ-
nia, beluæ, ignis, aër, imò Sol ipse & in-
tegrum cœlum; & Christus montes
cessuros affirmavit, si quis hujus gra-
num habeat. Quid ergò an d. fecit ho-
die fides, an nos deficimus, posteaquâ à
rebus ad verba delapsi sumus. Omnia
nostra speciosis titulis prostant, quod si
quis vires etiam ac effectus exigat, ar-
gutis excusatiunculis eludimus & ele-
vamus. Usque adeò impudentes su-
mus, ut in nostri seculi felicitate nu-
meremus, nihil *Fidei miraculis* indige-
re. Nam quia res certa est, ajunt, non
opus habet his admirandorum testi-
moniis.

monii. Equidem haud satisfit Christiano, cui Fides evidentioris creditu
efficaciae, & augustioris praesentiae, qui
ut sub ea vitae dissolutione deliteat, &
situ quasi squaleat: neque ejus torpori
inter fratres, & apud Deum neglectu
habetur, ut ibi nihil agat, hic nihil im
petret praecleari. dolum igitur arbitra
tur, ne fidem habere Deo cogaris, fide
etiam insolitis operationibus velle ca
rere; scilicet ut Satanam profliges, Na
turae imperes, proximo consulas, teme
debiliorem conqueri! cum id Christo
fidei concesserit. Enimvero ita est
Mundo toto corde, tota anima, totis vi
ribus servimus, & fidimus Christo ex
quam aliquam nostri partem concedi
mus, quam quicquid foveat & accen
dat fidei flamma, contra glaciei massam
reliquam parum valet, ne dum, ut pra
valeat. Itaque credimus si nihil obstat
fidimus, si pericula absint; amamus si
nemo offendat, damus si nihil nobis
decedat, patimur si sit necesse, commu
nicamus si lucrispes sit, consentimus si
omnia placeant, relinquimus cum de
serimur

CHRISTIANUS. II

rimur, morimur cum vivere ultra
non datur, *neq; fideles ab infidelibus dif-*
rimus.

XXXII.

Verbum.

Regula fidei, *Dei verbum* est, quod
sacrâ paginâ, nobis expressum, ac
clementissimo consilio communica-
tum est. In eo se Deus homini explicat
et revelat, ut de voluntate ejus & affe-
ctu in nos liquidissime constet. Ejus
summa, *Messias* sive *Christus* est, qui
hoc verborum involucri cor nostrum
intrat, occupat, sacrat, regit, tuctur, atq;
ad coelestem Sapientiam elevat. Ejus
verus *interpres* ac *Doctor* s. *Sanctus*
est, qui vitam, nervos, vires, mysteria,
lucemque ejus nobis insinuat, ac admi-
rabili igne illustrat. Ejus verissima si-
gnacula sunt, *sacrum lavacrum*, quo
coelesti lympa ab originis sordibus
abluimur, & *Sacro Sanctæ Triados* au-
spicio, in novum misericordiæ fœdus,
& charitatis ordinem adoptamur. Et
sacra synaxis, quâ Christi corpore &
sanguine

sanguine verissime pascimur & potamus, ac servatorem nostrum cum cunctis omnibus beneficiis induimus. Ejus religiosa custos est *Ecclesia*, quæ hoc depositum, supra omnes Mundi thesaurorum, supra totius orbis bibliothecam asseruat, & ab omni contaminatione ac corruptione studiosè asseruat. Ejus legati & ministri, *servi Dei* sunt, qui voluntatem Dei hominibus proponunt, ad Evangelij professionem singulos vocant, benignitatem Dei offerunt, fideles sacris sigillis obsignant, infideles ab Ecclesie præsepibus arcent, afflictos solantur, contumaces increpant, virtutes excolunt, vitia evellunt, cunctum commendant, Mundum exaggerant, judicium inculcant, gehennam exaggerant, atque consimili ratione Dei regno inserviunt. At ô dolendum nec Christum hodiè satis observari, nec spiritum audiri, nec Sacramentum adhiberi, nec Ecclesie credi, nec fidei passim ministros dari, sed præaqualectione, scriptione, declamatione, concertatione, commentationeque constare.

are, atq, *devoto Christiano* nihil pro-
esse reliqui, quam ut verbum Dei
in puro pectore gerat, & Deum suum
rectissimo sensu, humili implora-
tione consulat.

Monet nos temporis hujus calami-
s, ut de *Vocatione* Ecclesiastica ali-
quid candide quæramus, an dum ho-
minem idoneum vocare, sacrorum an-
stites; confirmare, magistratum; ap-
robare, plebem antiquis legibus &
moribus decet, uno, alteróve, neglecto,
& nefandis mediis conculcato, Eccle-
sia satis prospectum sit! Displicere id
Deo vehementer; onerare mercena-
rium; affligere domum Dei, nemo du-
ditat, sed an Deus per hoc impurum or-
ganum agat, non inter omnes conve-
nit. qui affirmant, esse aliquam, sive nõ
nullam vocationem, quæ uno, duobús-
ve membris mutila sit ajunt, eamque
quavis erubescendam: sed tamen, quæ
Deum nõ arceat, & verbum Dei haud
inutiliter porrigat. Divina enim mune-
ra à nostra indignitate non pendere, a-
loquin nunquam habitura satis ido-
neos.

neos. Ac omnino ita esse oportet; & quis dubitet *hominis* *pij* vocē præstare impij, quis etiam non metuat Ecclesiam ab eo graviter offendi, qui oblique ingressus est, ut rectè doceret; & malè egit, ut bona diceret; ac famelicus accessit, ut alios pascat; perfoditque septum, ut lupum arceat. Certè his instrumentis olim Judæorū, postea Christianorum Ecclesia coarctata est, cum illa Deum jactarent, Deus vero nec in ore, nec in corde, nec in opere illorum appareret. Id si hodie nondum est, ne gloriemur, *gradibus* *itur* ad interitum. Nulla Dei voce vocari, sed per ambitum, ne quid durius audiamus, admitti janua est ad intromittendos reliquos Religionis exactores, & exagitatores. Ubi Ecclesia lucello æstimatur & pinguior aliqua, turbam religiosorum irritat & convocat, credulū oportet esse, qui negotio Dei hos tangi credat, aut teneri. Lugeamus ô lugeamus nostram sortem, cum viderimus Deum bonos vix velle posthac vocare, sed rem reliquisse filiis hominum, ut aliter

CHRISTIANUS. 119

er, quam cum vitio neminem admit-
ant. Christianus tamen etiam hæc ma-
no animo ac patienter fert, cum sciat
ipsum Christum velle suis ministrare,
eos pascere, suis esse super intentum,
naque virga, & pedo consolari effica-
cissime.

XXXIII.

Contemplatio.

Gratias ingentes Deo nostro de-
bemus, qui cum ad Satanae pedes
nosmet turpi abdicatione divina ima-
ginis abjecissemus, non etiam *rationis*
humanæ donarium eripuit, sed in sola-
rium calamitatis reliquit. Ea licet plu-
rimum abutamur, & plus quam irra-
tionabiliter, multi utantur, tamen qui
a Christo reformati sunt, nihil seducū-
tur, sed sub Christiano obsequio magis
ornantur. Admittit enim Deus homi-
nem rationabilem ad operum suorum
mirabilium contemplationem, ut in
hoc amplissimo theatro totus oculus
obambulet, & magnalia Dei perlustret.
Cum Mundus se lynceum somniet, in-
credi-

credibile dictu est; quam hic oberret
quam palpet, quam quā cæspitet. Nam
cum in omnibus rebus scrupuletur, &
scirpi nodos scrutetur, in unis Dei ope-
ribus supinus est, quasi nihil iis infi-
notabilis Christianus verò divinis ob-
servationibus, & *clave Davidica* in-
structus, quoquo respicit, habet quoc-
annotet, quo Deum observet & vesti-
gia eius deprehendat: quoquo ambu-
lat, patentes habet operum Dei januas,
quæ maxima animi voluptate ingredi-
tur. Utenim in navi, qui ad remos se-
dent, plurimum ab eo qui in specula
cæli indicia per instrumenta exquiri-
differunt: ita qui in hoc mundi oceano
navigant, plurimum quidem laboribus
insudant, ut onerarias suas impellant,
sed cæli directiones, & Dei afflatus pe-
nitissimè ignorant. Justissimo profe-
cto Dei iudicio, cum cæcos facit, qui se
oculatissimos credunt: ut nec quid ha-
beant, videant; nec quid agant, sciant;
nec quo ferantur, animadvertant; non
minus tamen quibus Deus in hac terra
visum dedit, & oculos aperuit, absurdis-
simè tideant. Si

Siquid in hoc inferiore mundo ho-
 mine Christiano dignum est, *Mathe-
 os & Physices* elegantiae id sunt. De
 prioribus hic aliquid videamus. Deum
numero, pondere & mensura affabrè o-
 nia fecisse, & ipse nobis aperuit, &
 res ipsa clamat. Quin maxima Sapien-
 tia, & imperscrutabili artificio singula-
 rum rerum multitudo & terminus.
 quantitas & æquilibrium, dimensio &
 symmetria consent, nemo nisi insa-
 nus hæsitabit. Et tamen hæc cuncta
 Mundo neglectui adeò sunt, ut malit
 numerare nummos, ponderare onera,
 metiri metas suas & terrarum claustra,
 quam Divinas harmonias inquirere.
 mò ut se barbarum monstret, acutissi-
 mas has disciplinas in quibusdã acro-
 tibus ingeniis tolerat potius, quam lau-
 dat & fovet. Vilissima munia maximo
 opere constant, ingeniosissima minimo
 conducuntur, ac fame plærumque si-
 non fama saginantur. usque adeò desi-
 nit Mundus, ut nec sua bona bene diju-
 licet, & meliora postremo loco habeat.
 Christianus optima quæque & inge-

F

niosissima sibi deberi arbitratur, non ut iis se submittat aut tradat, sed agnoscat se hominem, cui Deus rationis usum crediderit, quæ, annè evidentius alibi, quàm numerando, ponderando & dimetiendo animalibus præstat? Sed etiam machinæ huius structura magis se per hæc instrumenta pandit, quam nunquam intueri, nunquam studiosè intueri beluæ sit non hominis, imò lapidis non beluæ. Quod si adhuc superior mathesis, devoto contemplatori illucescat, quæ illam inferiorem plenius exprimat; & concentus Divini *abaci*; divinæ *stateræ*; divini *baculi* se homini pandant, tum demum mortalitatis caligo dispellitur, & carceris nostri tenebræ discutuntur, neque accidere homini divinius quid in terris potest.

XXXIV.

Creatura.

EX inde *Creaturarum* inspectio succedit, quæ homini, nobilissimo Dei opificio, subjugatæ, *Officiorum Christianorum* liber sunt, quo tam decoris, quam

nam debiti sui admonetur. Lux, cœ-
 lum, terra, astra, mare, animalia; atque
 particularius, dies, Sol, Luna, meteora,
 metalla, vegetabilia, pisces, aves, pecu-
 es, Dei characteres sunt, quibus nos
 sua claritate, ordine, potestate, libe-
 ritate, immensitate erudit, atque ad se
 vocat, ut exemplo à creaturis capto,
 longe quid præclarius & nostra præro-
 gativa dignum præstemus & exhibea-
 mus. Hos stimulos qui non sentit, & la-
 è stupet; qui nihil creaturarum obse-
 quio ad Dei sequelam irritatur, plane
 insipies est; qui promptitudine earum nō
 accenditur, immortalis est. Christia-
 nus quotiescunque intuetur proprie-
 tates, suum proprium in animum vo-
 cat, quod est *colere Deum*; quoties videt
 animalium metum, suum debitum a-
 noscit, quod est *timere Deum*; quoties
 fecunditate omnium specierum in-
 ducit, toties fructus suos à se exigit, qui
 vult *servire Deo*. Novit enim omnia re-
 qua sibi deberi, se unum Deo; omnia-
 que liberaliter in nos impensa, ut mi-
 nus dubitemus nos Deo reddere.

Amorem nempe Deus suum abundantissimum est per tot specimina estatus, tantum ut redamaremus, & affectum in munifico datorem; sapientissimum rectorem, potentissimum conservatorem; immutabilem propagatorem toti converteremus. Nam si pulchrum delectabile; bonum optabile; commodū amabile est, quid ni pulcherrimum, optimum, felicissimū, ex animo amemus, quæramus, apprehendamus, & in Deo tandem solide acquiescamus.

Huc confert alter hominis, velut terrenus oculus, *Physices* indagatio, humanæ sagacitatis maximum argumentum, siue verius, Divinæ communicationis certissimum testimonium. Creaturarum enim compositiones resolvere; motiones observare; vires inquirere; atq; adeò in humani corporis usum, sub cœli consensu, & conspiratione adhibere, id cujus excellentiæ sub hac mortalitate sit, dici non potest. Et tamen non minus hic, quàm alibi, Mundus iniquissimus est. Solet enim vel impedire, vel turbare, vel ridere industrios

strios Naturæ scrutatores, vel sanè nunquam pro dignitate fovere. Multa debemus *antiquitati*, quæ indefesso labore plurima è terræ penetralibus veluti, maris que profundo eruit, pauca admodum nobis debebit posteritas, cui vix vetera incorrupta relinquimus, novis inventionibus parum augemus. Omnia auri sitis, & terræ luxus contaminat, ut dubitare nō possimus, cur Deus minus faveat. Corpora nostra in malis exercitia, & impuras functiones curantur, ut nihil miremur cur parum *Medicina*, Deus aspiret. Christianus stamen in hoc Dei sui *laboratorio* deliciatur, & incompósitos Mundi clamores ridet. videt Deum, tangit Deum, degustat Deum in creaturis suis, & admirabili superiorum cum inferioribus, divinorum cum humanis consensu afficitur. Ita sub terræ anatomia subinde Cœlum suspicit, & innoxia curiositate in stigmata Dei passim inquirat. Beatus ille, qui non pecudis instar hortos Dei populatur, & flores fragrantissimos juxta, ac elegantissimos calcatur sed

humana lingua gustat, humanis naribus olfacit, humanis oculis intuetur, humano iudicio dijudicat.

XXXV.

Soliditas.

Nullus Ecclesiae hostis ab orbe nato satis capere potuit, qui fiat, ut minuta Christianorum cymba nulli fluctibus & saevissimis tempestatibus demergi, nullis machinis dissolvi & constringi possit; sed persaepe lacerata atque perforata, interdum & undis abrepta, supersit tamen, & resecta navigationem continuet. Nesciverunt enim hanc ejus esse *Soliditatem*, quam divina Omnipotentia ei contulerit, ut adversa omnia superare & frangere, atque adeo Patientiam vincere possit, alioquin plus millies interitura. Itaque cum diu se fatigassent tyranni, & furoris arma absumsissent omnia, tandem immergabilem navem agnoscentes, pudore & taedio desperarunt, neque qui renovarent infastos conatus reliquere feliciores. Semper namque major & melior

ior resurgit Ecclesia, quoties proster-
 nitur, & cum integra imperia ad inter-
 necionem usq; deleri possint, hic exi-
 guus cæus occidione vivit, & interitu
 crescit. Nulla laniena formidabilior est
 quàm securitas, quæ tepe scunt Christia-
 ni, dum sub sanguinis profusione ca-
 lent. nulla pax religiosa optabilior
 quàm quæ Divino consensu sancitur,
 dum terrene infideles sunt, & captio-
 sa. Itaque Christianus hanc ratem con-
 scendit quam novit nullis tormentis
 cōminui, nullis armis expugnari pos-
 se, atque adeò parum int. resse, quo nu-
 mero cum suis mortem subeat. nam
 quod alioqui Naturæ debet, laudabili
 lucro Ecclesiæ impendit, ut sui etiam
 interitus usum ac laudem capiat. San-
 guine enim irrigandus est Ecclesiæ a-
 ger, ut fructus ub. riores ferat, quem
 quisquis fundit verus Antichristus est,
 & ultorem Deum provocat: quisquis
porrigit ex veris Christianis est, & in-
 ultus nunquam erit.

Multis persæpe miraculo fuit *unum*
 homin. m tot periculis & impugnatio-
 nibus superesse, & tam variè petitum,

tanta multitudine circumdatum, ne
tangi nec comprehendi posse; sed uni-
versa potius regna fatigare, & integri-
se exercitibus nulla sui læsione oppo-
nere. Id vero *salvi conductus* cœlesti
opus est, & Divinæ soliditatis specimen
cum Deus organis suis maximi mo-
menti negotia committit, & dum i-
masculè agant, securitatem promittit
ac præstat, ut non nisi re felicissime ex-
pedita cadere possint, sed invictissime
Mundo stare, & nullis sauciari sagittis
debeant. Hæc superna custodia, quam
nō vult Deus appellare possimus, Chri-
stiano instar atheniæ muri est, cum non
quid displiceat Mundo, sed quid pla-
ceat Deo, non quid minetur mundus
sed quid promittat Deus, non quàm
impetatur mundus, sed qui defendat Deus
id curat, ac Dei voluntate arbitrioque
stat & cadit. jubet mundus tacere, ac
non vult Deus; tendit mundus insidias
at non vult Deus, parat mundus infa-
miam, at non vult Deus, decernit mun-
dus mortem, at non vult Deus: itaque
inconsulto & dissentiente Deo vanissi-

mus

mus est mundus. non enim quod libet id potest, alioquin dudum in Christianos acturus triumphum, sed quod per Deum licet: imò quod Deus vult, id quicquid ringatur, debet. nec enim voluntas Dei intra vota subsistit, sed potentissimè urget, imperat, simulque efficit, ut qui se huic securissimè commiserit, non prius à mundo, minimo digitulo tangi, aut extrema parte lædi possit, quam id Deo consultum, & expediens videatur.

XXXVI.

 possessio.

SI illi quondam veriores opes jactare potuerunt, qui omnia sua secum ferre affirmarunt: quanto æquius id Christianus faciet, qui æternas gazas, & incorruptibiles thesauros *intra se gerit*. Omnia nempe reliqua hujus mundi aliena sunt, & nos nunquam possessores faciunt: unum id verè nostrum esse potest, quod Christus donodedit. Hæc certissima possessio adeo amicos Dei ditat, ut quoquo eant, quo

F S

etiam sint loco, nunquam indigeant.
Hanc *Partem optimam* Servator dixit,
quæ auferri nūquam possit, eam quæ
negligit mundus & viliora ligat, infami-
niam prodit. Quid enim sūum poteris
dicere, quod paulò ante ab aliis accep-
tum, in exiguum momentum com-
modatum, mox ad alios transmittas?
Edit hodie ut æternum esuriat, bibit
in omne ævum sui torqueatur, hoc ce-
ne est possidere! quibus singulis mo-
mentis excidere potes, ac in omnia se-
cula carere debes? Non ita Christianus
cujus pars Deus est, cujus portio æter-
nitatis cohæreditas. His sumptibus mun-
dum peragrat, neque unquam prædo-
nes aut piratas metuit, nunquam exa-
rescentes loculos timet. Ubi ubi est, non
hominum, sed Dei vestigia reperit, &
merces suas omnis naufragij securam
exponit, ac cum piis cōmunicat. Et ut
lumen infinitas alias accendit cādelas
ipsum nihil minuitur: ita fortunatus
hic *Mercator* innumeros alios cœlico
igne inflamat, suo nihil demitur, sed
inextinguibili luce, tum cordis sui pe-
netrali

netrale illuminat, tum aliis etiam ita prælucet, ut recte facta ius homines videntes, collaudent nostrum Patrem, qui est in cœlis.

Pudeat Christianos ab Epicteto ser-
vo homine libertatem addiscere, &
quid *in nostra potestate* sit, quidve alie-
næ, audire. Sed omninò supra omnes
gentiles proximè Christianis locutus
est, usque adeò sua nemini subijcit, a-
liena ne utiquam appetit; usque adeo
cordatè omnem suam Philosophiam
in duo verba contraxit Christiana, *su-
stine, & abstine*. Decet autem maximè
nos eam rationem inire, qua hanc vi-
vendi serenitatem nō æmulemur tan-
tum, sed superemus; & in Christo ma-
jorem securitatem, tranquillitatemq;
obtimeamus. Ut opiniones, appetitus,
desideria, aversiones, & quælibet no-
stræ actiones, in nostra manu, & impe-
rio sint, neque alieno arbitrio regan-
tur. utque certò nobis infigamus, nihil
rerum terrenarum ad nos propriè per-
tinere, nec prodesse nec obesse posse,
sed corpori tantum, vel externis rebus,

aliquid addere aut detrahere. Cumque videamus quàm etiam inter Paganos cordatiores nihili fecerint hunc Mundum, & animi libertatem, omnibus coronis prætulervnt; Christiani nunquam commiserimus, ut quibus adhuc præclariora in cœlis reservata sunt, nostrâ nobilitatem hic sponte terreno iugo commaculemus, & dum obtinere in res omnes arbitrium possimus, nullique rei subiecti esse, ab alienis iudiciis pendeamus, & sententiam æstimationemque ineptissimarum rerum, ab ineptiæ Rege mûdo, expectemus. Quin potius cum Philosophus dicat: Me Anytus & Melitus occidere sanè possunt, lædere verò non possunt, nos cû Christo gloriemur. Corpus nostrum Mundus & Satan tentare & affligere sanè possunt: animam verò subijcere, & Christo servatori eripere non possunt.

XXXVII.

Satietas.

Istuc etiam facit Christianorum *sati-
tietas*, quæ non grandia hujus terræ
com-

complectitur, sed in minimis subsistit,
 & paucissimis est contenta, quisquis
 enim Panphagiâ laborat, ei hujus orbis
 cuncta triclinia nentiquam suffecerint;
 at qui saturitate vera, omnia sua termi-
 nat, semper habet ubi subsistat & defi-
 nat. Multis equidem hæc animi huma-
 ni fames imponit, non usque adeò ma-
 lis, qui eruditionis, scientiarum, lectio-
 nis, indagationis, contemplationis, pe-
 regrinationis, librorum, artificiorum,
 supellectiliumque satis habere nun-
 quam possunt, & *plus ultra* semper in-
 geminant, nescij hunc nostrum ardo-
 rem *subtrahendo*, non *addendo*: *divi-*
dendo, non *multiplicando* curari, & re-
 stingui posse. Nam ut ignis non minui-
 tur, si ligna addas, sed subducere ea o-
 pus est, si extinctum velis: ita animum
 tuum nunquam vel videndo, vel au-
 diendo, vel possidendo etiam, fatiga-
 bis, quin alia, atque alia subinde appe-
 tat. sed oculos, auresque obtutando, at-
 que temet *Christo includendo*. Ita fiet
 ut satis nobis sit honor moderatus, exi-
 guus, nullus; satis sint nummi frugales,

pauci, nulli; satis sint amici tres, unus
 nullus; satis sint vires contracti, exiles
 nulli; satis sit fama lenis, susurrans, nulla;
 la; satis sit casa modesta, minuta, nulla;
 sive ut paucissimis rem omnem expen-
 diam, satis sit quicquid assignaverit
 Deus, quocunque loco, tempore, no-
 mine, stipendio, testimonioque stat
 Deus voluerit. Satis sit aliquid esse, sat
 sit parum esse, satis sit nihil esse, si ita
 Deo videatur & nos magnos esse no-
 lit, aut conspicuos. nam si ille præcis
 manibus in prælio invenit, quod part
 bus conferat, qui stat tantum & clamore
 rejuvat; nos, si quos Mundus submo-
 verit, non stemus, & clamore juvemus
 si quis fauces oppresserit, non stemu-
 tamen, & silentio juvemus? *auditis
 enim, visu, vultu, nutu, obstinatione taci-
 ta, incessuq; ipso Christianus prodesse po-
 test.*

Christianus igitur ut se *filium Dei*
 monstret, quovis cibo quem Pater sup-
 peditat lætus, acquiescit, neque fercula
 alia, nullum conclave aliud, nullas ve-
 stes alias, nullum etiam nomen aliud
 qua-

quærit, quàm Patris sui familia fert.
 Imò ne quid nimium corpori tribuat,
 aut ferocire illud, luxuriarique patia-
 tur, multa subtrahit, licitis, placitisque
 abstinet bonis, & moderatis jejuniis se
 cohercet. Mirum foret permultos
 Christianorum hujus rei nihil scire, vel
 tentare, nisi vivendi felicitas, & Mundi
 conformitas jam dudum in hanc Reli-
 gionem essent recepta. Itaque liberius
 interpretanda sunt atque accipienda
 Christi verba, quæ toties ac tam anxie
 nobis jejunia inculcant. Quæ etsi in
 ludibrium Romana Tyrannis conver-
 tit, n. scio tamen an reformatio hanc
 edacitatem, & bibacitatem restitutam
 voluerit, quæ hodie in despectû Qua-
 dragesimarum est in usu. Temperan-
 tia certè Christianos semper deceat, sed
 interdum *abstinentia* non dedeceat.
 Quæ Bacchanaliorum inter Christia-
 nos fœditas & infamia sit, sine horrore
 dici non potest, & optimus quisque ad
 ea meritò contremiscit. Sed non mi-
 nus nostra festa, solennia, gaudiaque
 omnia plurimo vino, ac exinde a sotia
 con-

constant, ut vix videamus cur Christiani nihilo alijs sint compositiores. hæc usque adeò invaluerunt, ut qui commendare velit, videatur Mundi compages velle dissolvere. Dum enim illi omnia mitissime interpretatur, & de facilitate Dei confidit, Religio Christiana patitur. Itaque & sacra sua intercyathos ac lances peragit, & distent ventre ad cœlorum portam titubanteque gressu tendit. Christianus vero extenuato corpore, Spiritu ebrius tam libenter à Mundi dapibus sibi temperat quam cibos Dei famelicus appetit.

XXXVIII.

Acquiescentia.

STultorum omnia plena habet Mundus, & tamen Sapientiam jactitat. Sapientum omnia plena habet Christus, & tamen stultitiã profitetur. Quis autem credat illos desipere, qui hujus terræ regimina, formationem, culturam, anatomiamque sibi sumpserunt, eaque magnis phaleris procurant. Et quis hos sapere putet, qui uxores habentes,

dentes, perinde sunt ac si non habeant:
 qui plorant, ac si non plorent: qui gau-
 dent, ac si non gaudeant: qui emunt ac
 si non teneant: qui ita utuntur hoc
 mundo, ne abutantur. Atqui illos sa-
 pientia sua valicè torquet, & specula-
 tionum ætus miserè exercent, hi suâ
 insipientiâ acquiescunt, & optimè ha-
 bent. Mundus manus oculatas vult,
 nec credit nisi videat, Christianus usq;
 adeò invisibilibus, absentibus, & futu-
 ris innititur, ut ob ea visibilia, præsen-
 tiaque d' dignetur. Mundus rationes
 exigit; Christianus nudis Dei verbis
 confidit. Mundus obligationes, pigno-
 ra, & vadimonia vult; Christianus fi-
 dem Dei instar omnium habet. Mun-
 dus varia experimenta requirit; Chri-
 stianus Divinæ certitudinis conscius
 est. Mundus cæremonias multas adhi-
 bet; Christianus nuda simplicitate de-
 lectatur. ita ut facilius universæ Eccle-
 siæ à Deo satisfiat, quàm Mundani unius
 supercilio, scrupulis, & morositati.
 Christianus enim semper habet cur
 Dei verbis credat, pareat, & se submit-
 tat.

tat, cum Mundo nunquam desit quod
interroget, dubitet, excipiat, disti-
guat, & tergiversetur. Multa sunt quæ
non capimus, quæ non intelligimus,
quæ non bene dijudicamus; sed ob
cum Deo altercari, crimen est. Acutis-
simus ille, cui vox una Dei omnes no-
dos dissolvit, omnes objectiones refu-
tat, omnem hæsitantiam excutit, ut
strepera illa ratio in loquacitas obture-
tur, discatque *in uno acquiescere*.

Nullum majus & turpius monstrum
Sol unquam vidit, quam hominem
blasphemum, qui a diverso aliquo cal-
offensas non tantum irascitur Deo suo
sed eidem etiam immaniter maledicit.
Est hæc publica Christianorum pesti-
a qua etiam Saracenos abhorre re-
runt, & ad quemcunque etiam trist-
& molestum eventum Deum laudare.
Ma naurique infamia nostra est, in
omnia delicta hoc prægrande facinus
hoc impudentissimum scelus castigari
imò vix multis in locis annotari Chri-
stianus certè nunquam ausit Deo suo
obloqui, ne dum os blasphemum opo-
ponere

onere, cū sciat uno se momento posse
 Deo cōteri, sive in barathrum præci-
 pitari. Nullum vitium unquam allube-
 cat, sed ad hoc flagitium extimescat,
 nullum peccatum veniam habeat, sed
 hoc piaculum in mentem non veniat.
 Quid enim id sit, cur Deo succensea-
 nus, qui si omnes perderet jure suo a-
 geret, nūc etiam benefaciens à contu-
 elia per nos tutus non est? quid etiam
 dimittit, quod non prior dederit, quod
 nō largiore modio sit redditurus? quid
 imponit, quod nō è re nostra sit ac pau-
 po post cum scēnore factum esse, appa-
 reat? quid etiam Manus unive, sus ha-
 bet, quod cum Dei injuria possit con-
 ferri? O homo div. rbera os tuum ma-
 lignum, si unquam ausum est in Deum
 probra conijcere. Vapula lingua scele-
 rata, vapula, vapula, quæ non erubuit
 Deum tuum impetere, linge salivam
 tuam qua Deum conspuisti, resorbe &
 degluti venenum, quod in Deum eje-
 cisti. O Christiane circumcide labia
 tua, ne unquam jubenti Creatori aliud
 respondeant, quàm *benedictum sit no-*
men.

men Domini. Hoc demum sit acq
scere, si non tenuiatantum admi
mus, sed etiam duriora è Dei manu su
scipiamus, simusq; tam prompti ad te
ga flagellaturo denudanda & obve
tenda, quam mobiles sumus manu
porrigere ad donaria ejus excipienda

XXXIX.

Potentia.

Vidimus *Iustitia & Misericordia*
vias; superest *Potentia* semita
quam Deus in sacro suo regimine, oc
cultatis licet viribus ostendit. Est au
tem omninò diversissima hujus à M
do ratio, nam cum hic nisi violenter, &
magna impotentia nihil agat; Deus pa
tienter sua instituit, & peragit: mundu
agat cum fastu & tumore; Deus humi
litate omnia tractat: Mundus cogat, &
invitissimis imperet; Deus persuasio
nibus res maximas efficit, & volente
regit. Unde nota veræ Ecclesiæ fact
est, nullâ hic magnitudinis *apparenti*
conspici; nullis legibus, & politicis re
gulis esse *formidabilem*: nulla vi & frau
de an

armatam esse: non enim de hoc Mū-
 ro regnum Christi est, qui nisi fasces,
 ironasque gerat, nisi gladios, & hastas
 habet; nisi carceres, & compedes fabri-
 cat; nisi famā, & opibus niteat; nisi do-
 ctus, & laqueos nectat, nisi licentiosè &
 absolute vivat, nihil egisse, nullumque
 constituisse regnum sibi, aut religio-
 nem instituisse videtur. Christus è con-
 tra *patiendo mundum subjugavit*, non
 tronum catervā, aut militum cohor-
 bus, non Politicorum satellitio stipa-
 tus, sed martyrum strage circumseptus,
 quod nemo unquam nisi homo. Deus
 facere potuit. Ad hanc se potentiam
 Christianus componit, nec unquam
 expectat, ut Christus terrenū aliquod
 imperium constituat, ubi à dextris vel
 sinistris amicus assidere, ac reliquis jus
 dicere valeat, sed crucis regno se no-
 men dedisse, nec aliud quam varia af-
 flictionū genera expectanda, ex Chri-
 stiani imperij tabulis jam ante cogno-
 vit, & didicit.

Multos bonos, jam ab aliquot secu-
 lis, hæc opinio exercuit, fore ut ante
 Mundi

Mundi finem, Christus *regnum aliquod*
Christianum sibi ex optimis colligat, &
impietati terrenæ imperet, fuerunt quæ
aliqui eò progressi, ut annos futuri hu-
jus summi imperij annuntiarent. Ma-
gna utique hujus negotij lubricitas est,
quæ etiam haud paucis illusit: tamen si
qua sub Dei metu conjectura fiat, non
planè ea contemnenda est. Prævide-
runt sanè sub Ecclesiæ onere multi Deo
dilecti liberationis felicitatem, & infam-
is tyrannidis excussione, quod ple-
risque tum ridiculum imò & impium
visum est. Qui tales ridere solent, ajunt
aureum seculum expectare, ubi omnia
sint ex voto futura. Et certè quid pos-
sit, aut velit Satan, Monasterij in West-
phalia impudenter ostendit. Christianus
quæ non capit, non temerè abiicit,
si nihil contra rem Christianam mo-
veant. Multas imagines revelationis
Johanni factæ nemo nobis hucusque
dexterè explicavit, & rebus nostris ad-
aptavit, quas tamen multū etiam num
portendere, credibile est. De judæo-
rum in viam reditu; de impiorum exci-
dio,

de Gogi & Magogi expeditioni-
 s, de Bēstia casu, multa clariora no-
 tūcia annūciata sunt, quā ut omnino
 intelligiā nobis possint, aut ad res prae-
 terites vel praeiteritas pertrahi. Interim
 Christus senescentis Mundi caligines,
 tenebrarum, gelu, terroresque, ac judi-
 cii sui inopinatum interventum prae-
 stavit, quae cum illa ultima felicitate pa-
 ram convenire videntur. Quicquid
 est, *toleremus nos mutuo* Christiani
 quis in unam, alteramve sententiam
 magis inclinet, dum in fidei Christia-
 ne unitate conspiremus. Christianus
 satis benè in Deo semper habet, satis
 valè in mundo, nec aliud in votis prius
 potiusque habet, quam *dissolvi & cum*
Christo esse velle.

XL.

Miracula.

Virium Christianarum evidens
 testimonium est, *miraculorum*
 onum, Orbem conversuris, & Idola-
 tiam destructuris concessum, cujus et-
 immum in devotis Deo, vestigia su-
 persunt.

per sunt. Sed intervenerunt Antichristi
præstigiæ, quæ Mundo jam delirante
efficaces errores intulerunt, cum falsi
portentorum, prodigiorum, miraculo-
rumque generibus omnia impleren-
tur, & errores vis magna orbem occu-
paret. Nectamen hanc gloriam Chri-
stiano quisquam eripiet, suæ religioni
licuisse contra & supra naturam, quod
nemini unquam mortalium cōcessum
fuerit, *Curare verbis*, omnes desperato-
rum morborum species; & quod mor-
talitatem omnem excedit, resuscitare
mortuos, atque expellere Dæmonas
Majoris hæc imperij sunt, quam ullus
Monarcha jubere ausit, aut sperare, ac
omnino conspicuæ Divinitatis, quæ
hanc potentiam communicat. Nulla ideo
Religio in animum inducere ausa, nisi
per illusiones, & imposturas, quæ ta-
men ipsæ Christiani conspectum non
sustinuerunt. Hodie miracula Dei non
minima sunt quæ utut Mundus diffi-
mulet, & elevet, non potest tamen hoc
obtegere, ingenti miraculo *Ecclesiam*
contra tot conatus, insidias, stratage-
mata.

nata, furores, ligas, & Loilolatarum factionem servari & defendi. Sed etiam contra se Christianus miraculosam Dei nanum experitur, quæ nunquam cessat, aut cum gentilium oraculis deficit. Mira Deus quotidie agit, quæ non observamus, nec æstimamus, cum de terrenis commodis, quàm Divino regno & consilio semper simus magis soliti.

Cum in nomine *Iesu* omnia admiranda Sancti Dei perpetrarint, non utique illud nobis prætermittendum est. Adorabile nomen, admirabile nomen, electabile nomen, ad quod omne se genu flectat cœlestium, & terrestrium, & subterraneorum. quod verè mirificum verbū, & in se sapientiam omnem comprehendens. quod omnis consolationis, & divinæ voluptatis est brevium. *Iesu* nomen resonant cœli: *Iesu* nomen tremefacit infernum: *Iesu* nomen ingeminant sancti; *Iesu* nomen horrescunt damnati: *Iesu* nomen contitantur Angeli, *Iesu* nomen fugiunt demones: *Iesu* nomen veneratur Ec-

clesia: *Iesu* nomen vitat Mundus: *Iesu*
 nomen sapit Christiano: *Iesu* nomen
 torquet prophanum: *Iesu* nomen ad
 fert bonum: *Iesu* nomen pellit malum
 quid laboramus! Cœli cœlorum nom
 explicant nominis *Iesu* admiranda, ne
 Majestatem ejus capit hoc universum
 O *Iesu* per suavissimum nomen tuum
 fave Christiano. O *Iesu* per miraculo
 sum nomen tuum sana Christianum
 O *Iesu* per potentissimum nomen tuum
 defende Christianum. O *Iesu* per salu
 berrimum nomen tuum, libera Chri
 stianum. O *Iesu* per missimum no
 men tuum, suscipe Christianum. It
Iesu nomine beatus, integer, fortis, li
 ber, & acceptus Christianus, non tam
 miraculis Dei ovabit, quàm novo Cœ
 li succursu, & creaturarum obsequio
 corpore nullis Sathanæ toxicis obno
 xio, morbisque carnis subjecto: robo
 re ad omnes insultus invicto, & adver
 sis superiore: animo cunctis laqueis ex
 emto, & carceribus subtracto levato
 que: anima denique ad cœli possessio
 nes adoptata, ipse mundo erit miracu
 lum.

Aeter

INter omnia quæ Christianū mundi
hujus negligentem maximè faciūt,
id præ reliquis movet, quod *tempora-*
ria cuncta sunt, & ad exiguum tempo-
ris duratura. Nihil stabilis hæc terra ha-
bet, omnia in motu sunt, & cum ali-
quandiu apparuere, *abeunt, pereunt, &*
evanescent. Ita Orbis imperia nata, de-
nataque sunt, postquam exiguum spa-
tium singula sunt emensa. Quid igitur
homo de se expectet, pugillus terræ
imò pulvisculus, cujus summa ætas in-
fra centenos annos est: quid etiam an-
gatur, cui ad singula momenta, exeun-
di spes data. Sive agendum quid est, si-
ve patiendum, absq; diuturniore mora
id fiet. unus alterque annus, dies, hora,
minutum, omnia terminat. Hinc Chri-
stianus nihil videt aliqua anxietate aut
desiderio dignum, ubicunq; nihil *ater-*
nitatis reperit. Honores, opes, volupta-
tes, fama, & hujusmodi ut somnium
prætereunt, nisi quod plerumq; ama-

ritudinem, & suæ inanitatis pudorem
actædium post se relinquunt. Pudeat
ergo hæc peritoria & transitoria, vel
studiosè appetere, vel ægrè dimittere.
Pudeat unius minuti strepitum tot ani-
mæ corporisq̃ue dispendiis emere. ut
enim ignes missiles, multorum die-
rum labore, & insanis impensis paran-
tat, exiguo momento disparent: Sic
qui suas occupationes in terræ ineptias
confert, quæ dicto citius disploduntur
& in fumum abeunt. *Æternitas* verò,
æternitas, generoso animo digna est,
cui omnia sua tribuat, cujus beatitudi-
nem omni studio & conatu appetat &
ambiat; cujus tormenta quovis precio
effugiat, & evitet. Satiùs quippe est ad
breve tempus egere, ut *æternam* possi-
deas: quam dubia possessione, ad dies
aliquot deliniri, ut in omne ævum in-
digeas. Hunc enim ut meritò mortali-
um insipientissimum dicimus, qui
exigui temporis voluptatulam æternis
cruciatibus emit: ita veræ sapientiæ ag-
noscemus, temporalium jacturâ æ-
terna luctari, imò potius *temporalibus*,
ad æternitatem opportunè uti.

Qui humanæ vitæ brevitatem factis extendere, & memoria templo inscribi volunt, variè se torquent, ut nominis immortalitatem obtineant. Hinc alij pervigilibus lucubrationibus ingenij sui subtilitatem posteritati commendant, alij manuum industriam & artificia relinquunt, alij sumptuosis & magnificis structuris se insinuant: singuli scilicet optimam, quod aiunt, sui partem ad futuram ætatem transmittunt. Christianus nihil tale anxie curat, sed potius *Vale mundus*, in ore cordis quæ semper habet, velletque hinc abierit suam etiam memoriam mundo posse eripi. Ingrata terra, ne nomen quidem meum habebis, ait, atque totus è mundo exit. Sed aliud superest, quo se immortalem reddat, *elemosyna*, non illa certè, quæ tubas vult, tabulas, campanas, regulas, statuta, anniversaria, elogia, & ejusmodi streperæ liberalitatis appendicula & hederas, sed quæ sinistram etiam dantis manum lateat, ac uni Deo conscia sit. quæ in locum tot conviviorum, & symposiorum cedat,

quæ pro ædium & supellectilium luxu
sit: quæ non supervacuis nummulis, sed
Christiani substantia constet, quæ de-
nique non muta potius, quam viva &
vera templa Dei ornet. Sed desine spe-
rare quisquis hoc à nostra ætate expe-
ctas, quæ majorū simplicitatem etiam
hoc correxit, & ejuravit quod à sacratiss-
Deo non manus abstinet, tantum pro-
fecit, ne rursus nimia eleemosyna er-
ret. Leges in pauperes quotidie fiunt;
excogitantur indies novæ invadendi
sacra rationes & occasiones, mutatur
& evertitur majorum pia voluntas: de-
vota fiunt devorata. Quid dicimus, Re-
ligiosissimus factus est Mundus, quia
religiosa depascit. At ô miserum si
quodam ad Christi tribunal neminem
qui se ab eo pastum, potum, vestitum,
susceptum, invisum, consolatumque
fateatur & testetur: plurimos qui se fa-
me si ique enectos, exutos, ejectos,
& derelictos conqueran-
tur, reperiat.

Anima.

Anima.

Ridet Mundus, cum videt Christianum corpori suo usque adeo durum, ut nihil hujus terræ voluptatum degustare sinat, ac velut qui vivere nesciat, despicit. Sed omnino ita fieri necesse est, quisquis *animā* suam salvam vult. Nam cum hæc corpori ea lege cōjuncta sit, ut in illud imperium habeat, corpus è contra animę fideliter sèrviat, nihil est quod corpori magis allubeat, quam animę excutere iugum, ac eidem durissimas leges dare. Cujus is est finis, ut corpore aliquandiu se se inter voluptates volutāte, & tumultuante, anima simul hoc fimo inquinetur, ac gehennæ suppliciis utrinque tandem addicantur. Contra fit, ubi anima corpus cohercet, hoc enim quia fœdæ originis suæ facilè obliviscitur, & in superbiam suā naturā declinat, nunquam vel ad conversationem solutiorem, vel opes largiores, vel victum lautioorem sine fiscella admittendum est, ne sagi-

natum viribus crescat, & animæ recal-
 citret, sed lupato frenandum, & ad de-
 bitos labores adigendum, quo ad Di-
 vinas structuras suum depensum con-
 ferat. Hæc *Christiani schola* est, in qua
 proficere pluris facit, quam vel Regna
 subegisse, vel exhausisse scientias, cor-
 pus scilicet habere ad Divina jussa ob-
 sequens, & in hoc ergastulo suo nihil
 seipso indecorum pati. Hoc ne epule-
 tur, & anima contabescat? Hoc vage-
 tur, & anima in vinculis sit? hoc de vi-
 ctâ & conculcatâ animâ triumphet, ac
 secum ad tartara infelicititer trahat? Nō
 hoc Christus sinat, non hoc Christianus
 audiat: sed libertatis suæ memor, ser-
 vum corpus, & ad metallum hujus ter-
 ræ ob peccata damnatum, servilibus
 operibus exerceat; sudori & algori as-
 suefaciat, à Mundi feriis, commessatio-
 nibus, choreis & excessuum illecebris
 aliis abstrahat, tandemque ad ea, quæ
 Deo placent, & animæ proficua sunt
 facienda, agile & paratum reddat.

Neque tamen *anima* hic nectare
 suo, & ambrosia caret, nam quæ omnis
 terrena

terrena dedignatur, ac nihil se dignum
 reperit, cælitus pascenda & reficienda
 est. Huic divinæ rei se *Christus* ipse de-
 dit, qui *sacro sancta cæna* sua admirabi-
 lem pastum, potumque instituit, dum
 sub pane & vino, *Corpus* suum, quod
 pro nobis passum, sanguinemq; suum,
 qui pro nobis effusus, communicat &
 tradit, ut non tantum in spem futuræ
 beatitudinis erigat, sed etiam reali præ-
 sentia, animam confortet, recreet, ani-
 met, atque sacratissimo hoc convivio
 exhularet. Hoc impij nunquam impu-
 ne vescuntur, pij & fideles infinitâ vo-
 luptate afficiuntur, adeò ut omnes ter-
 ræ epulas facilè abhorreant, ac animæ
 suæ satis prospectum, satis deliciarum
 paratum agnoscant. Heu tamen men-
 tis humanæ caliginem, cum hoc ipsum
 concordia Christianæ symbolum, fra-
 tres distraxit in varias partes, quarum
 pleræque sibi magis credunt quàm
 Christo, & in verbis scrupulari, quam
 sanctissimis & mysterio plenissimis
 speciebus uti volunt. Illi ipsi etiam, qui
 Christo fidem simplicissimè habere ja-

erant, quàm frigidi, quàm rari, quàm
polluti convivæ accedunt, quàm cœli
cas dapes mox iterum eiiciunt. Horre-
scit animus ad tam frequentissimam
perfidiam, quæ in consuetudinē abiit
ut nihil eorum serves, quæ Christo ho-
spiti promiseris. Christianus quoties
hanc mannam, hūc animæ suæ cibum
gustat, facit autem id quàm potest, sa-
pissimè, toties obstupefcit Christi amo-
rem, qui his preciosissimis dapibus hu-
manam indignitatem est dignatus; to-
ties corpori suo gratulatur, quod divi-
num hospitem excipere, admissum sit
toties ad novam fidem, novum obse-
quium, novum amorem, novam con-
stantiam erigitur, stimulatur, accendi-
tur, & firmatur.

XLIII.

Solus.

Theatrum orbis terrarum, quod
populosius est, eò magis sibi pla-
cet, & ludos suos lubentius edit. Unde
qui ad hos strepitus assuefacti sunt, tur-
bæ gaudent, nec unquam nisi tristes
sol

oli esse possunt, aut sodalibus carere. Pendet enim vox illorum à publica voce, ingenium, moresque à publicis consuetudinibus, nec proprium quicquam habent, omnia cum vulgi consensu vel dissensu sunt connexa. Secus facit Christianus, qui *solus* esse potest, imò cum in maxima turba, tum solus est maximè. Pellitur enim tot clamorum, vanitatumque compressione, & collisione intrase, cum fieri non possit, ut quicquam eorum probet, sed ab omnibus dissideat. Nihil enim nos sociat, aut conjungit, nisi eadem opinio, eademque sententia, quæ si aliena sit, jam in integro exercitu, solus es, & separatus. Multos fefellit consilium, cum fugere mundum, & vitare hominum colluviem vellent, non animadvertunt *secum portare* mundum, & cor ipsam, impuritate esse exundans. Qui deserere terram vult, terræ æstimationem deserat, ejusque consensum, & mox in solitudine etiam, ingenti populo stipatus, erit. Nunquam se minus Scipio solum dixit, quam cum solus:

nunquam se magis in concione esse
 quam in concione, Christianus dicere
 possit, qui animum ab omni connexu
 liberavit. Ac ut Socrates in foro inter
 ementes & vendentes optimè habuit
 ita Christianus inter consonos & dissonos,
 suaviter suus est. Sanè fortiori
 animi habendum cum videaris in pu
 blico esse, tecum posse habitare, quam
 ut te colligas, abdita & carceres ut ad
 hibeas, oportere. In Mundo nos foris
 Christus prædixit, *de munda esse prohibuit*,
buit, ne dum extra mundum esse fin
 gimus, nobis novum aliquem, non mi
 nus ingratum Christo mundum in an
 tro nostro effingamus.

Eo usque progressa est humana te
 meritas, ut etiam *conjugio*, (certissimo
 Dei instituto) sibi interdixit. Certè
 ut Platonis fastum ille calcabat, sed alio
 fastu; ita molities humana depelli vo
 luit alia molitie. habet hoc vitæ genus
 quam ullum, amaritudinis plurimum
 sed quæ regni Christiani incrementis
 & fidei societate abunde cōpensatur
 nemo igitur mutet, quod Deus sapien
 ter

er disposuit, & Naturæ vim nullam faci-
at, ubi jussa Divina absunt. Illud ta-
men fortassè incorrupta adhuc Anti-
quitas voluit, non spontè corpus ma-
trimonio subijciendum, quod etiam
num liberum esse potest, nec *virgini-*
tatis florem, conjugij fructibus usque
adèd postponendum. Sed etiam ipsam
conjugalem vitam castam, & modera-
tam persuasit, ac abstinentiâ interci-
sam, ne videamur minus Deo, quam
nobis vacare velle, & officium omne
œconomiâ terminare. Habeat sibi do-
mus suas occupationes, sed etiam su-
per sit, quod detur precibus, jejuniis,
abstinentiâ. caleat honesti amoris fo-
cus, sed non semper flagret, & sacra et-
iam, Deoque debita holocausta consu-
mat. Nescio autem quam multi me-
tuant, ut in matrimonij decus injuri-
sint, si virginitatem probent, & com-
modent: quasi carnis luxurie nihil sit
sanctius, aut divinis jussis propinqui-
us. Certè si laudem habet, non pro si-
ti, merum ingurgitare; non vitio verta-
tur, haud pro ardore affectato, varièq;

irritato, laxare frena, sed potius mediis
 quibus avocetur, & in delectabilia alia
 dividatur, adhibere juvet. Cum enim
 inter Dei donaria etiam *castitatis* sit,
 nemo id quidem sibi sponte rapiat, sed
 tamen nec ille hoc illibato flore dignus
 est, qui nullo desiderio, nullo conami-
 ne, nullis etiam adminiculis offerenti
 Deo manus porrigit.

XLIV.

Secessus.

EN ergò sive castitatis conjugalís,
 sive puritatis virginalis remediũ,
Secessum. quem veteres maximi fece-
 runt, nec contemnere homo Christia-
 nus potest. Is est revocatio animi ad se,
 sive intra se, cum sepositis exteriori-
 bus, in te inquiris, & ut facilius possis,
 à turba, & strepitu abis. fieri id potest,
 quotiescunque vacabit; maxime vero
 cum Natura ipsa fileat: fieri id potest cū
 mora, & pertinacia; interdum uno mo-
 mento peragitur. Nempè ut preces
 sunt nonnunquam productæ, haud ra-
 rò jaculatoriæ: ita hic mentis ad Deum
 seces-

cessus, pro turbationum mole terminatur. Nemo inexpertus credat, quàm hoc examen hominem exoneret, commodat, mitiget, satiet, refrigeret, erigat, erudiat; pudefaciat etiam, increpet, remoneat, atque variis modis beneficiat. Facile namque nobis imponit corpus, versutissimum animal, ut putemus hæc illaq; facere vel omittere esse necesse; hæc aliaque consulta vel notitia videri, quæ si ad hoc secessus nostri examen, extra vulgi conspectum & clamores, ac sepositis fucis, illi in mentis que adducantur, longè aliter comparebunt, & iudicium exactius accipient. periculosissimum est enim, ex tempore cum mundo agere, neque habere otium Deum consulendi, qui in secessus senatu *præses* assidet. Ac sanè nunquam ab hoc *iudicio* Christianus redit, non redditus instructior & cautior, tantum inter se Deum *consiliariū* habeat, an sibi fidat: nam qui monitus est de carnis dolis & simulatione, minus ei credit; minus permittit, magis etiam de primit & sacra custodia observat.

vat: qui sententiam cœlicam exquiri-
tutissimè omnia sua peragit. O beatum
& auspicatum *consistorium*, ubi con-
scientia accusat, Spiritus confitetur,
caro deprecatur, Angeli condolent,
Christus intercedit, pœnitentia corri-
git, Deus absolvit.

Quid est quod apud nos soli multa
præclara meditamur, multa cordata in
animum inducimus, multa recta pro-
ponimus nobis, atque adeo Deo polli-
cemur, quæ ut primum *eximus* à nobis
omnia *obliteramus* & *dediscimus*? nem-
pe illud D. Augustini modo, ecce mo-
do, sine paululum, quod sancta propo-
sita sua tardasse queritur, detinet, do-
nec modo, & modo non habeat mo-
dum, & sine paululum in longum eat.
Resolutio inquam deest, quæ motus
Divinos aggrediatur & exequatur, si-
ne qua nemo unquam Deum etiam
plus millies auditum, est secutus. Opti-
mus ille, qui lecta Antonij vita: Ami-
cus inquit Dei si voluero, ecce nunc fio,
& hoc ex hora hac, in hoc loco aggre-
dior, simulque mentem à mundo, cui
servie-

servierat, exiit. Hunc præclarum ausum, si quoties à Dei suggestione revertimur, imitaremur, nunquam illud toties audiretur, ô utinam, ô si. Quàm intricata sunt, & perplexa, quæ mundus jubet, & interdum sine manu ductor conamur nos expedire, atque ei satisfacere. Quæ Deus animæ nostræ in se reflexæ, & à terrenis abstractæ, dictat, rectissima & simplicissima sunt, & tamen metuiamus ne nos involuant & erroribus implicent. Odit mundus suos, odiat & Christianum, ridet suos, rideat & Christianum; spoliat suas, spoliât & Christianum, & quoquo modo suis non parcit, à Christiano etiam non abstineat: si nullo modo effugere possumus, stemus ab eorû partibus, quorum damna à mundo illata, beneficiis Divinis abundantissimè exæquantur, quibusque hoc quicquid est odij, risus, injuriæque in lucrum cedit. *Indocilis* illa anima, quæ cum sæpè Deum interroget, sæpè audiat, nihil Divini retinet, ac cum piorum applausu, impiorumque fremitu in clarum solis lumen fortiter producit.

LII.

BEnè ageretur cum humano genere, si ipsum sibi dona divinitus concessa, non invideret, vel impediret, vel propelleret penitus. fecit enim Deus hominem culturæ capacem, & rerum *infinitatem* proposuit, in qua exerceat, & summam voluptatem capere possit. Nunc cum multorum laboribus & industriâ, à Supremo numine adjutis, ingenium rerum varietas congesta sit, mirum est, quàm ineptè eam tractemus, quàm alij eam diripiant, alij confundant, alij conculcent, alij contaminent, alij prætereant, alij inscendant, alij silvindicent, alij dissecent, alij corrumpant, & quovis modò iniquè habeant. Quæ etiam ratio est, cur minus Christiano, hæc humani ingenij moles fiat, cum minus ad publicum usum, tranquillitatem, culturamque faciat, sed indigesta magnitudine Orbem impleat potius, & impediat quàm ornet, quæ recto judicio, ac regulis Christianis decente

eter efformaretur, nullo dubio Chaos
 esse desineret, & in pulcherrimum, ac-
 ornatum terræ templum, elegan-
 tarum plenissimum, desineret. Non
 enim species desunt, & materia, omnis-
 que structuræ apparatus; nec operarij
 desunt maximo numero; sed Archite-
 ti, qui dum delineationibus occupan-
 tur, & inter se dissentiunt, tempus per-
 unt. Magnificus, me Christe, ausus,
 & *Monarcha dignus*, dispersa per or-
 bem Dei dona, & ingeniorum subli-
 miorum fœtus, sub unum imperium
 cogere, atque inter se ita connectere,
 ut *opus unum* conspicuum, orbisque
 breviarium efficiant. Sed hæc intra vo-
 ca subsistunt, ut somnia potius, quam
 consilia videri possint. Itaque Christia-
 nus tacitus *spectator* obambulat, & ex
 tanta operarum diversitate, & tanta
 nateiarum nobilitate, & tanto forma-
 rum artificio, sed etiam ex delineatio-
 num genio, voluptatem ingentem ca-
 pit, & Deo humani generis patrono
 gratias agit.

Inter:

Inter hæc dubitat, velit ne *uni* alicui
 ex præstantioribus artificibus affide
 & omnes industriæ suæ sinus evolu
 re; an *per omnes*, oculos non vagos, sed
 attentos, & cum mora circumferri
 utrumq; sanè Dei admirationem sus
 peditat, cum singulæ species Creatu
 rem suum & agnoscant, & laudent,
 referant; hoc tamen hujus terræ hosp
 ti convenientius videtur, qui nō uni
 urbis omnia particularia, sed q̃ a
 plurium singularia contem'ari, an
 mo concupivit. Opus autem est *aurea*
cathena, qua nexus rerum huma
 rum, & inter se combinationes agnos
 scat, nec in diversis speciebus se volu
 tet, sed decenti ordine ab una ad al
 teram transeat, & ad rerum capita subito
 redeat, illucq̃ue contemplationem
 referat. Ut primum enim centrum
 suum reliquerit ex oculis, aut eo usq̃
 fuerit progressus, ut contingere id dex
 tra sua non possit, errabit in hoc Mur
 di labyrintho nec se facillè unquam, ni
 si ab ipso Deo reductus, explicabi
 Unde *tutior* etiam est, unius alicujus
 arti

ctificij intuitus, si is non in admirationem & idolatriam abeat; plurimum vero nobilior, & cordatior, sed si caput non impleat, aut turbet. Solet enim orbis hujus dissonantia, multos confundere, quibus concordantiæ in prolatulo non sunt, ut dum dubitare ubique datur, decernere tandem vix liceat. Christianus verò, cui nunquam hoc universum majoris fit, quam Deus voluit, hæc temporis fallimenta admittit quidem, sed in animum non inromittit; placent, sed non capiunt; invitant, sed non possident. Ille enim velut in aliena domo elegantis picturæ, sculpturæque tabulas oculis delibet, & probat; non verò eas secum aufert, vel impotentis animi desiderio post se ægrè relinquit.

Scien-

EX ijs qui modestissimè sunt Philosophati, Socrates Christianis propinquior est, cujus vel hoc axioma quo *se unum id scire, quod nihil scia* professus est, laudem inveniat. Non est, credite, hominis imperiti, aut dissimulantis confessio, sed viri, cui ex omnibus jam eluctari, omnia penetrasse, omnia examinare datum est, ingenuitas; qua rerum omnium caliginem inanitatem, & dubia agnoscit. Reperit itaque vanum Deorum cultum, absurdum Tyrannidis imperium, stultum hominum motus, turpes vulgi more frivola Philosophorū loquacitatem & sanandis iis infelix Medicus obambulavit. Christianus *verè scit se nihil scire*, nisi quid spiritus sacer doceat quod omninò solidissimum est. Nec autem opus habet hic doctor ingenii subtili, sed tractabili; nec tempore semper opus habet, sed uno momento si ita videatur, discipulum suum imple. Subit

ubi à alijs, permulti facti sunt, dum ali-
 in sub mora erudiuntur. Illud tamen
 olendum, posse aliquos hanc institu-
 onem dediscere, & divina hac schola
 excidere. nam quos mundus flagitio-
 um catenis abripit, valere hi jubent
 spiritus charismata, & vitiorum ludos
 requentant, quasi Pœnitentiæ flagel-
 is redire cogantur, quàm tremunt,
 quàm delictorum piget ac pudet; & vi-
 ces sanè nunquam effugiunt, sanieq;
 inde profluente carent. Usque adeo
 perditæ naturæ sumus, ut cum nos ni-
 hil scire agnoscamus, etiam nihil disce-
 re velimus; usque adeo malitiosi, ut
 pessima quæque apprehendamus, ex-
 oliamus, referamus, & docilitatem
 maximam monstremus; bona vero
 entè, frigidè, stupidè, somnolenterque
 audiamus, accipiamus, possideamus,
 tractemus, atque omninò ad malum
 natos, ad bonum adactos nos esse o-
 tendamus.

Rectè faciunt qui Veritatem Chri-
 stianam & maximè quidem ex veri
 fonte Christo hauriunt, & rivulos ta-
 men

men per universum orbem dispersa
Christiana sagacitate indagant; adeo
verum à falso sive fabulis quasi rep
tunt ac vindicant. Ea enim est huj
universi de Christo, eiusque Evange
lio unanimis confessio, ea *orbis concordi*
dantia, ut ne densissimæ quidem ne
bulæ, & portentosæ fabulæ, satis obt
gere veritatis radios possint, quin ab
cubi penetrent, Mundique sapientiam
si eam rigidè excutias, plagij accusen
non enim, ut quidam ait, exiit verbum
veritatis ex ore sapientum huius mun
di, quod non quadret cum lege Chri
stiana, hoc est Christi & Apostolorum
doctrinâ Evangelicâ, ut inviti etiam tes
timonium conferre cogantur. Hinc
Alcoran, Talmud, Metamorphoses, O
racula, & similia impietatis monstr
dum longè aliud agere videntur, inter
opaca sua veritatem non cohibent, sed
illustri radiatione hinc inde emittunt
quam Christianus facilè dignoscit, &
ad se, suumque Ch istum pertinere al
severat. Id m de nostri temporis hære
sibus dicere possemus, quæ quicquid
se in

invicem mordeant & lacerent, in
 permultis tamen talibus conveniunt,
 quæ Christiano accepta sint, ac fidem
 Deum confirment. Interdum diver-
 sa corda eadem verba sonant, quod no-
 tum; interdum diversa verba in uno
 concordant, quod in rem Christiani fa-
 ctum; nihil tamen unquam Divino verbo
 minus, potiusque sit, quod quisquis in-
 a se audit, inter Mundanos & Divi-
 nos, inter Gentes & Christianos, inter
 orthodoxos & heterodoxos, optimè &
 modestissime discriminat.

XLVII.

Sapientia.

Rerum humanarum Regina Sa-
 pientia est, quam nemo felicius
 nisi sapientum Rex Salomon descri-
 ferit. Ait enim eam rerum habere co-
 gnitionem verissimam, scire mundi
 atus, & elementorum effectiones.
 Novisse principium, finem, & medium
 temporum, solstitiorum vicissitudines,
 & tempestatum mutationes; annorum
 orbis, & siderum situs; naturas animan-

H

tium, & bestiarum animos, & ventorum impetus, & ratiocinationes hominum, & stirpium differentias, & radium vires: denique quaecunque vel occulta sint, vel aperta sapere, utpot ab omnium opifice edoctam. Inde inesse in ea *spiritum* sagacem, sanctum unigenum, multiplicem, subtilem, agilem, expeditum, incontaminatum, clarum, innoxium, boni studiosum, acutum, ineluctabilem, beneficum, humanum, fixum, firmum, securum, omnipotentem, omnia contemplantem, & omnes mentis puros, tenuesque spiritus obeuntem: quo vis motu mobiliterem, omnia præ puritate penetrantem. Quippe vaporem esse quendam divinæ potentiae, & sinceram gloriæ omnipotentis effluentiam, quo fiat ut nihil in eâ cadat polluti: lucis æternæ splendorem & intaminatum actionis Dei speculum, & imaginem bonitatis eius. Et cum una sit omnia posse, & in seipsa permanentem omnia renovare, & per secula in sanctas animas migrare, Deum amicos & vates efficere. nec enim quic

quicquam amare Deum, nisi Sapien-
 tia contubernalam Sole namque spe-
 ciosiore esse, & omnem siderum cō-
 positionem superare, lucique compa-
 ratam, præstantiorem inveniri. si qui-
 dem illi succedat nox: at sapientiam nō
 vincat improbitas, quin ea ab extremo
 ad extremum valentior pertingat, &
 cuncta probe administret. Quid inter
 hæc Christianus, nonnè exclamet:
Manda ô Deus, Deus meus hanc Sapien-
tiam ex sacris cœli, & à tuo glorioso so-
lio; mitte eam ut mihi præstò laboret,
intelligamq; quid sit tibi gratum.

Quotiescunque Philosophorum vi-
 tæ in mentem veniūt, qui suarum opi-
 nionum professionem fecerunt, mira-
 ri subit, nihil tale in rempublica Chri-
 stianorum hoc tempore tentari, quo
 maxime *Christiano philosopho* indige-
 remus. Non talem volumus, qui vel A-
 ristotelem, vel Platonem anxie secte-
 tur, & ad horum regulas omnem scien-
 di agendiq; modum definiat, nec et-
 iam qui in nonnullis Verbo Dei cedat,
 de reliquo totus gentilium ratiocina-

tionibus immerfus: fed humani generis aliquem medicum, five quod de Socrate dicebatur lenonem, qui vario Spiritus dictamine humanos errores noscat, protrahat, fanet, & melioribus moribus commutet, cujus certè uſu præclariffimus eſſe poſſet. Nam cum pauciſſimi ſuos morbos, nævosque videant, & ſub adulationum involucro vel conniventia ſilentio, vel conſuetudinum occupatione, vel tyrannidum violentiâ, omnia *Veritati* adverſum eant, opus foret *Chriſtiano Philoſopho* qui hanc in ſe curam ſuſciperet, ut qui commodiſſimè, ac inſigni artificio homines, rerum commune faceret, qui ipſi minimè animadvertunt, aut earum enormitatem non agnoſcunt. Idque aliud agendo faciendum foret, cum eſſet humani generis impatientia, ut viſcerat duriorẽ vel rigidiorẽ Medicum, ſed molli brachio velit curari, & ſanari quaſi per ludibrium. Quod ſi quis quærat, cujus juffu vel conductu id facturũ ſit Philoſophus, næ ille ſtolidiſſimum fatebitur. Nam ad id nativo

ti vo

ti vocatique sumus omnes, ut nos mutuo juvaremus, quod nullibi certius & evidentiore necessitate fieri posse, quam *Veritatis* professione & opinionum medela, nemo sanæ mentis negabit. Christianus hanc provinciam à se alienam neutiquam, sed maximè propriam agnoscit, neque magis homines conducentes expectat, quam Deum vocantem, & injungentem audit.

XLVIII.

Ratio.

Globus terrenus cum *rationi* humanæ pareat, maximè tamen irrationabiliter regitur, cumque homo ratione suâ plurimum sibi placeat, atque adeò haud rarò se Deo opponat, dici tamen vix potest, quam sine ratione sua omnia confundat. Nam si quis imperiorum nexus, si hominum tentamina, motus, vota, labores, honores, imò omnem mundi gloriam penitus intueatur, nihil omnino *rationis* reperit, sed vel *vi*, vel *fraude*, vel *conventionem*, vel

H 3

casu omnia cōstare liquido deprehendit. Illa ipsa, quæ sapientiæ & prudentiæ famam, siue verius strepitum habent, si examinentur ad veram rationem, lucem non ferunt, sed caliginem quam primum appetunt; quin imò ratio nostra vix unquam rationem habet, ut omnino nihil hic solidi expectes. Christianus hoc apud se indefinenter ingeminat, Cur hoc facio, hoc dico, hoc volo, hoc vito, hoc recuso? cur Mundus hoc agit? Deo repugnat, Satanæ credit, & huiusmodi, quæ vel sola interrogatione Vanitatem pudefaciunt, & erroris convincunt. Cur enim dives sit pecuniosus? cur eruditus, literator? cur honoratus, thraſo? cur beatus, epulo? cur sapiens, loquax? cur imperator, piger? cur vates, somniator? cur artifex, gesticulator? cur eminens, cyclops? & tamen hæc quotidiana nostra sunt, his absurditatibus Mundus constat & repletus est. Ne tamē insanire videatur, in Deum curiosus est. Cur mundum non citius creavit? cur hominem labilem fecerit? cur non nisi filij cruore libe-

liberarit? cur non omnes salvet? cur, & quis currucarum curiosam impietatem omnem enumeret, à qua tã Christianus sollicitè abstinet, quam in mundi rationes sive verius oberrationes scrupulosè inquirat.

Nihil terræ æque noxium contigit, quam *lingua*, versatile monstrum, & in omnes species se transformare doctum. *lingua* humana quæcunque in mentem veniunt ait, negat, astringit, destruit, persuadet, dissuadet, tantâ undiq; apparentiâ, tantâ efficacîâ, ut nisi ab eo sit Christianus, in sententiam pertrahat. Huic debemus omnem nostræ Tragediæ actionem, nam ut quemq; instruit, ita is verba facit, & gestus suos componit. *Lingua* Aularum luxum tuetur, *lingua* Peripati jactantiam commendat, *lingua* vulgi intemperiem excusat, *lingua* optimatum vanitatem fovet, *lingua* in omnes, nisi Christianû, habet imperium. Agnoscit is sanè linguam beneficum epistomium, quo *Hebræi*, *Græci*, *Latiniq;* liquores ac fontes ad nos derivantur, quibus vitalitas

omnis & vera immortalitas conservatur, sed ut nullo moderamine aquas suas spargat, & obvios quosque per ludibrium madefaciat, id verò Christianus non permittit. Nam ut in exhaustæ sint scaturigines, tamen nisi rei Christianæ usum profundi nolunt & ab impuris lotionibus summopere abhorrent. Lingua Christiani *palm* est, non hasta; *olea* est, non gladius; *oleum* est, non acetum; *lac*, non cicuta. ita hoc salubri organo sanantur multi vulnerantur nulli; molliuntur multi, irritantur nulli, consolantur multi, terrentur nulli; conciliantur multi, dividuntur nulli. atque omninò linguæ Christianæ ministerio procurantur Dei laudes formantur hominum mores, poliuntur ingenij artes, exprimitur spiritus disciplina, cōvincitur Mundi impostura, propagatur Christi gloria.

XLIX.

Immutabilis.

Interest reipublicæ Christianæ non tantum optimis verbis erudiri, sed etiam

etiam laudabilibus *exemplis* firmari. Tale aliquod Christianus est, immobilitatis præclarum specimen, quod nulla vel violentia, vel persuasione loco movetur. *Immutabilis* quippe est, quisquis serio Deum induit, neque enim optabilius quicquam videt, aut reperit, quàm quod jam ex Deo didicit. In hoc subsistit, huic basi innititur, quicquid faciat mundus, dicat; mine- tur, blandiatur; cogat, persuadeat; impe- ret, oret; nihil à tali Christiano impe- trat. Nemo credat tales esse posse, nisi fuissent, & Mundus ipse cum indigna- tione testetur. quoties enim mortis va- ria genera Christianis illata enumerat, toties victores suos immutabiles sibi exprobrat. hic demum *terminus* Chri- stianus est, *cedere nulli malo*, & vitâ po- tius excedere, quam veri, bonique as- sensu. Sed paucos, eheu paucos hodie hujusmodi reperias, qui cum Elia se in- tegro regno opponant; aut cum Da- nielis sociis inter omnes pronos, stent erecti, & clibanum expectent. Nihil enim acōmmodatione hodie frequen-

tius, nihil simulatione & dissimulatione usitatus. Ubique *aquilo* flat, omnes se inclinant; etiam quos fidei columnas credidimus, imò qui sereno tempore tales sese magno hiatu iactarunt. Cedit prætor, cedit senator, cedit antistes, ecquid de plebe expecti solidi? quamvis revera inter obscurius reperiatur, qui Baali genu nullum inflectunt, quàm eminentes & clari. O constantes hos, ô leves illos; ô utiles hos, ô perniciosos illos, quos *lapis mularis* ad collum suspensus, quam autem torquis, aut Mundanæ gratiæ symbolum magis deceret. Da ô Deus amare immobiles, quantumvis abjectos; da nihil offendi mutabilibus, utcumque elevatis; da Deus tibi *stare, optare, tentare, prestare, perseverare*.

Quid faciat Christianus si tyrannica iniquitas Patriæ jura, maximè verò religionis libertatem, contra fidem & leges evertat, & innocentibus exilium indicat, an cedat si publicæ salutis rogatur, cui ille connexus, & libidinis in consilij & mentis inopes finat? E

qui

quis Deus hanc legem tulit, ut quod unus opinatur, omnes credant, aut Patrio solo exeant: quos unus interemptos vult, omnes jugulum præbeant: quod omnibus Deus distribuit, ab unius arbitrio pendeat. Nihil horum Deo in mentem venit, vel permittere uni, vel imponere omnibus; humanæ cum malitiæ, tum stoliditatis est, talia sub religionis metu exigere. Commisit Deus imperantibus concreditorum curam, salutem, conservationem, tutelam, non ipsos subiecit, aut sanguinem, opesque tradidit; ne dum liberrimam mentem servire voluit. Hæc animi generositas *Machabæos* quondam excitavit, ut Antiochi immanitati se opponerent: hæc *Helvetios* ab immiti iugo liberavit: hæc recentissimo exemplo *Belgas* in integrum restituit. Sed omnino à carnis mixtura hic sedulo cavendum est, ne dum Religionis aut libertatis causam prætendimus, nostram agere deprehendamus, quod multis fuit exitio. Deus puros, simplicesque fines vult, ac adeos, integerrima & rectissima me-

dia deducere. Omnia patientiâ & summa humanitate condiantur, ne quæ rebellionis, quam exosam habet Deus, redoleant. Qui secus faxit cadet, & spiritus sua excidet, non minus tamen per innocentiores alios suum negotiû Deum continuat, & admirandis rotationibus tandem absoluit. Interim Christianus timidè credit sed fortiter agit; ægrè accedit, sed pertinaciter prosequitur; invitus se opponit, sed animosè & solidè si omnino ita velle Deum videat, resistit.

L.

Pauperies.

Christianus ut omnino se Mundum retrogradum exhibeat, præ omnibus thesauris *pauperiem* eligit. Non hanc equidem, quæ rebus omnibus vel careat, vel indigeat, sed quæ hominem ipsum in cōspectu Dei extenuat. Hæc sub coronâ & sceptris esse potest, ac inter ingentes thesauros, Est enim *Spiritus tantum pauperies*, sive annihilatio, ubi Christianus omnino à Deo *miser-*

misericordia dependet. nihil suum,
 imò se *nihilum* ipse, agnoscit. Hanc
 Germani nostri quondam vocarunt,
 Die Gelassenheit / qua se homo totum
 Deo tradat, ut eo velut suâ quisque ma-
 nu utatur, nullâ motus proprii agnitio-
 ne, æstimatione, passione aut affectu.
 Scilicet ut membra nostra nesciunt quid
 agant, sed animæ imperio parent, vi-
 dent, audiunt, tangunt, nec vel invita id
 faciunt, vel gloriosula. Ita qui hoc à se
 impetret, ut nec Cœlorum amore, nec
 gehennæ metu, Deo liberè, ac ut crea-
 tori suo obsecundet, nihil propriæ vo-
 luntatis aut amoris agnoscat aut sen-
 tiat, is verè se ipsum *liquit*, & humanæ
 carnis symptomata transcendit. Id ta-
 men idea potius perfectionis est, quam
 ulli mortalium proximè conveniat, eò
 tamen Christiano servit, ut suas imper-
 fectiones facilius agnoscat, & ad perfe-
 ctiora omni nisu & conatu contendat.
 Est enim hæc pauperies summa opu-
 lentia, qua nos ab omnibus, quæ infra
 animæ nobilitatem sunt, abstrahimus
 & elevamus, ut nobilissimum, opti-

munūque aliquid amemus & possideamus. Id verò Deus est, tantò dignior hominis summo amore, quātò omne creaturæ sunt indigniores. Ab uno enim omnia, & ad unum omnia redire oportet, nihilque binario æquè inferius est Deo, vel dimidiato. Totum, integrumque hominem, ac nulli vel in cælo, vel extra cælum obnoxium sibi poscit, quod Germana devotio sub Deo persona eleganter expressit: Entweder gar mein, oder laß gar sein.

Nihil hodie minus indiget mendicantibus, nihil iis magis eget. nam ut victu ac voluptate etiam abundant, Decet tamen, religione, honestate, omni que rationabili vita carent. Nostrum hoc enorme vitium est, qui ne indigentes pascere, aut dissolutos coercere cogamur, tandem ad hoc sceleratum vitæ genus adigimus, in quo sub mendicitatis tristi palliolo, ab omnibus humanis divinisque legibus soluuntur. Sunt enim hîc idolomania, veneficia, latrocinia, vagæ libidines, furta, blasphemia, inertia, comestiones, & quæcunque

cunque nullibi impunè grassantur, hîc
 ex publica & privata stipe aluntur. O
 malitiam humani generis, quod sub
 miserabili hac larva reperit, quo ab o-
mini bono rectoq; velut ex professo libe-
 retur, & alienos sive labores, sive parsi-
 moniam, sive divitias depascant, & con-
 dolentiæ Christianæ intercessione, eli-
 ciat. Itaque permagni interest Reipub.
 Christianæ hoc hominum genus flagi-
 tiosissimum corrigere; cæteris vero ne
 ad id unquam admittantur, Christiana
 cura & liberalitate cavere. Quæ autem
 iniquitas est prodigos, & dissolutos, ad
 extremam usque profusionem juvare;
 evacuatos pellere. Quin id agimus, ne
 quisquam possit vel ausit, quod rem
 familiarem evertat; indigentibus verò
 nihil necessarium desit. Sed hæc alij cu-
 ranto, Christianus *per Deum exoratus*,
 facilè cœcurit, nec alienam nequitiam
 suæ illiberalitatis operculum facit. Si
 omnes sumptus vel impensas nostras,
 ea rigiditate examinarem, qua pau-
 perum stipem, multum detraheremus,
 multumque revocarem. In pietatis
 causis.

causis omnes oculati & arguti esse volumus, in vanitatis expensis, simplicitatem & incogitantiam obtendimus. Ubi sunt isti quos Christus prandium cœnamve facturos non vocare amicos, nec fratres, nec cognatos, nec vicinos, nec divites iussit, ne illi vicissim invitent, & referatur gratia; sed pauperes, mutilos, claudos, cæcos vocare monuit, ut felix sit quem remunerari nequeât. *id enim in resurrectione justorum, reddendum.*

L I.

Deus.

VEnimus tandem ad ipsum iustitiæ, misericordiæ, & potentiæ solium, iride circumdatum, aspectu smaragdum referens, ipsumque in eo sedentem jaspidi gemmæ, & sardio similem, qui A & Ω, nomenque habet *Rex, & dominorum Dominus.* hunc ambiunt millies centena millia, & decies centena millia Angelorum, & viginti quatuor senatorum coronatorum, *Sanctus, Sanctus, Sanctus Dominus Deus*

SA

Sabaotb, sine intermissione concla-
mantium. Nihil hic faciunt humani o-
culi, nihil aures, nec cor etiam, omnia
hominem exuperant. Itaque procum-
bere & adorare decet, describere non
licet. Tantum scimus quantum verbo
suo nobis patefecit, opimum, maxi-
mum, iustissimum, clementissimum,
potentissimum, principium & finem,
primum & ultimum. Quæ cum Mose,
Paulo, Johanne & sanctis aliis commu-
nicavit, ne ipsi quidem exprimere po-
tuerunt, nec nobis in hac vita debentur.
Cernimus enim nunc per speculū
in ænigmate, tunc autem facie ad fa-
ciem; nunc agnoscimus ex parte, tunc
verò cognoscemus, quemadmodum
cogniti sumus. Satis Deum novit, qui
Deum amat; satis Deum audit, qui Deū
sequitur; satis Deum habet, qui Deum
experitur. O *Iehova*, *lehova* Deus mise-
ricors & exorabilis, ad iram tardus, ad
elementiam & auxilium propensus, qui
clementiā in mille usq; uteris; vitia, &
peccata, & delicta condonans: in pœna
autem irroganda parentum culpam in
natos

natos & nepotes, ad tertiam & quartam stirpem persequeris, ob filij tui JESU CHRISTI innoxium cruorem, & inmensam nobis testaram charitatem MISERERE NOSTRI: ob gloriam nominis tui, & majestatem MISERERE NOSTRI.

Qui revelationes à Deo expetunt, oculos Divinitatis contemplatione perscrutari volunt, nihil Christianæ simplicitatis & humilitatis sapiunt. Nūquam Deus suis abest, conjurantibus nunquam adeft. Usque adeò sibi placet homo, se etiam receptum, redemptum, renatum reformatumque nolit, nisi simul ad insolita & inusitata admittatur: usque adeo intumescit Pseudochristianus, ut futuri seculi ineffabilia jam dari, jam exhiberi sibi concupiscat. Hem miser homo nonne Satanam odoratis, Angeli faciem mutatum, & curiositatis humanæ aciculas non sentis? Adeòne sordet tibi verbi divini simplicitas, ut interpretem aliquem genium deposcas qui arcanum sensum tibi enodet, & occultata Ecclesiæ Dei, pandat? adeo

omne

omnes confratres tuos sanctimoniâ
 superasti, ut *stultitia prædicationis* jam
 non ultra satisfaciat? adeonè præcepta
 Christi omnia adimplevisti, ut quid
 supersit cœlitus tibi mandandum, au-
 dire velis? miser homo inquam, quid
 agis, & quàm te *spirituali superbiâ*, si-
 ve ambizioso spiritu tuo ad infima dei j-
 cis, & Luciferum æmularis. Sic, sic, re-
 labantur, quotquot sublimari in cœtu
 Christianorum, quotquot discipulorū
 Christi sortem transcendere in animum
 temerariè inducunt. Habet Deus vi-
 dentes suos, habet somniatores, habet
 prognosticos, habet divinitatis fulgura,
 & æternitatis prægustus; sed quæ o-
 mnia à suo arbitrio dependeant, & à
 nullo mortalium deposcantur. Suffi-
 ciat habere animum erectum, mœurs
 demissos; confidentiam summam, sim-
 plicitatem infimam, cor sonorum, lin-
 guam silentem; cōdolentiam mollem,
 patientiam duram; possessionem ne-
 gligentem, servitium liberale; judiciū
 timidum, obsequium securum; preces,
 servi-

fervidas, querelas tepentes; vires debiles, fidem invictam.

LII.

Ecclesia.

SUpereft *Ecclesiæ* se includat Christianus, quæ utitur per orbem dispersa, ac invisibilibus vinculis factus spiritus connexa, alicubi tamen hospitia sua inhabitet, & Verbi divini puritate, Sacramentorumque Liberalitate sese exerat. Cum hac credit, orat, laborat, patitur, & sanctæ familiæ munus obit Christianus, pro hac opes, sanguinem, corpus profundit; hanc audit, observat, tuetur, & ad cœlos usque committatur. O augustissimum *chorum*, in quo Patres, Patriarchæ, Prophetæ, Apostoli Doctores, Confessores iusta & non interrupta serie ad nos usque Christus consequuntur quocunque vadat, & Halleluia resonant, salutem, gloriam, honorem, & potestatem Domino Deo nostro tribuunt. O *civitatem* Dei auream puri vitri similem, cujus ex iaspide muri, portæ ex duodecim unionibus sunt

int, cujus templum & lux Agnus est,
 ullius fani, aut Solis indiga. O *Societa-*
tem sacram & repurgatam, quæ non
 erit canes, veneficos, impudicos, homi-
 idas, deaſtricolas, & quicunque falſa
 mant atque faciunt. O *domum* illu-
 trem, ad cujus limen ſtare præſtat,
 quam orbis inhabitare palatia. O *ſeptu-*
recurum, quod infernali lupo, & ru-
 gienti Leoni inacceſſum eſt. O *arcem*
 nunitiſſimam, & Davidicam turrim,
 propugnandi gratia conſtructam, mille
 clypeis, omnibusque militum phare-
 tris ex ea dependentibus. Tibi ſe ſpon-
 det, tibi ſe tradit ô virgo, & ſponſa Dei,
 Chriſtianus, tibi labores & operam o-
 mnem addicit, tibi iudicium omne in-
 dicta factaque ſua permittit, tibi fidem
 & integritatem ad ſupremum uſq; ha-
 litum pollicetur. Tu ergò Chriſtianũ
 materno ſinu excipe, lacta, fove, corri-
 ge, erige, dirige, ſtimula, ac quod *abſte-*
vehementer orat, Deo *precibus tuis ar-*
dentiffimis & efficacibus commenda.

Gratias debet ingentes Creatori ſuo
 Chriſtianus, quod *hominem* naſci, &
 rationis


rationis participem fieri voluerit, cum
 eodem jure ad brutorum & pecudum
 sortem fuisset detrudendus. dein quod
 ex ea gente progigni concesserat, quod
 jam à multis seculis *simplicis & re-*
 custos, & ab impuritate, levitate & in-
 manitate aliarum terrarum plagarum in-
 munis fuit, primaque *Antichristi* jugo
 excussit. denique inter eos lucem acci-
 pere, & intueri permiserit, qui *Chri-*
stianum nomen agnoscunt, & profes-
 tentur, atque à cunctis se gentibus ha-
 nota separant. Sed, ut rationis humanæ
 multiplex est abusus; ac majorum e-
 iam fides & integritas languescit; insu-
 per & Christianum nomen sceleratè
 multa cooperit, hoc demum *ingent-*
beneficij agnoscit Christianus, esse Ec-
 clesiæ septo inclusum, ac inter eos re-
 ceptum, qui *Evangelij* luce illustrat
 gratiâ cooptati, præceptis eruditi, pro-
 fessione animati, sequela conscripti, te-
 stimonio signati sunt; quod ut infinita
 Misericordiæ divinæ signaculum est
 ita Christianum sub quavis cruce sola-
 tur, sub quavis conditione confirmat
 sub

CIVIS CHRISTIANUS. 191

sub quovis periculo animat, sub quovis
audibrio reficit, sub quavis mora opti-
nè sperare, & fortissimè confidere ju-
bet. Non ergò metuit, licet terra mo-
veatur, & montes in medium mare
transferantur, tantaq; tempestate tur-
bentur maris undæ, ut ad ejus æstus
montes contremiscant, cum Divinam
tamen urbem, sacrum supremi domi-
cilium, suus delectet amnis fluvij, quæ
quia in ea versetur Deus, non commo-
veatur, Deo ei maturè succurrente. Tu-
multuentur igitur gentes, regna conci-
tentur, Deo vocem emittente tellus ipsa
colliquescat. Iehova enim Zebaoth Chri-
stiano adest. Christiano munimen-
to est Deus Iacobeo-
rum.

DEO GLORIA.

DE



193
DE
CHRISTIANI
COSMOXENI
GENITURA,


JUDICIUM.


Hieremiæ 10. cap.

*Hæc dicit Dominus, Juxta vias
Gentium nolite discere, & à si-
gnis cæli nolite metuere, quati-
ment gentes.*



Anno M DC XIX.





TOBIÆ HESSO

VIRO

RECTO CORDE AMI-
cissimo & exoptatissi-
mo suo.



*Erculis bivium literis
celebre est, ejusq; dex-
trum iter Grammati-
corum sibi quisq;, aut
vocabulariorum vindicat. Ab iis
quisquis latum unguem discedit,
jam oberrare dicitur in altera Volu-
ptatis via. Interea Christi via tota
latet, & velleniter producta, ridi-
cula est. Scilicet, ineptiamus prius,
tumultuemur, discurremus, post,*


I 2

ubi cælos ingredi necessum est, cælicis
 meditemur. Tu aliter: & ob hac ma-
 lè habes, ac infaustum Mundum, tor-
 queris us nequam, patientiæ humeris
 sustines, cælestium spe frangis, precibus,
 & recti conscientia, impugna.
 Itaq; & hæc, quæ curiosis minimè
 placere, tibi in Deo simplici, arrideri
 unice possunt, dicata, simulq; amor
 tuo, integritati, ac memoriæ conse-
 crata sunt.

à tuo sincero fratre

Joh. Valent. Andrea

Esai.



Esaia 44. cap.

Ego Dominus faciens omnia, Cœ-
los extendo solus, & mea virtute ter-
ram expando, Irrita facio signa menda-
cium, & stultos, ac insanos reddo divi-
nos: avertō sapientes retrorsum, &
scientiam eorum stultam reddo.

Idem 47. cap.

Stent quæso, & servant te contem-
platores cœlorum, stellarum inspecto-
res, quique nova prædicunt, unde-
nam! super te hæc veniant. En similes
fuerunt stipulæ, ignis eos incendet &c.

Numeri 24.

Orietur stella ex Jacob, & surget sce-
ptrum ex Israel, confringet proceres
Moab, & diruet omnes filios Seth.

Etsi malo nostro lamentabili it-
factum est, ut cælum tam pul-
crum ac aspectabile, quōdam Imperi-
nostri ingens portio, rector nobis, atq-
tortor impositus sit, & tam corpor-
nostra morbis infinitis affligat, quā
animos diversis erroribus, ambagi-
busq; exagitet: Tamen posteaquam
Christus glorioso simul, ac salubri
exortu, non tam astris ipse sese ne-
quaquam subjecit, quam omnes eos:
quotquot **NOMINI** ipsius nomen
darent, illorum Imperio, tyranni dīq;
penitus exemit, illi sanè quicunque
ex his, aut metuunt cælum, aut vi-
ctas porrigunt manus, in Christum
suum, & libertatem Christianam
sunt injuri, qui vero etiam consulūt
stellas, & ab iis de se judicium, vati-
ciniumq; exquirunt, blasphemi pla-
nè, ac intolerabiles.

Cum

Cum enim in Christo, non regulam tantum, ac regimen vite, sed sollicitam etiam nostri curam, boni affluentiam, aversionem, felicitatis omnis summam, atq, compendium habere possimus, ecqua major committi posset indignitas, quam quid de nobis factura sint aut decretura astra, quam futura propitia, interrogare, illis credere? & cum sub Christi tutela Satan, Mundus, Mors, Caro, cuncta adversa, ac hostilia contemnenda forent, abjecta atq, impia curiositate, caelestium corporum vires inquirere, Christi protectioni, & custodiam diffidere, ac supremam, quae unis Christianis concessa est libertati, renunciare?

Mirum itaq, non est, si transfugas hos, & invictae Christianae arcis desertores, astra severè excipiant,

serviliter habeant, & ludificationibus variis exagitent. Sunt enim jam revera Martis, Mercurij, Saturni filij, vel potius mancipia, qui filij sive fratres Dei esse voluerunt, quibusq; Christus non satis fuit, ut vitam omnem à natali, ad mortem usq;, felicissimè, sapientissimè, saluberrimè dirigeret: sed arcanum cæli consilium explorandum fuit, ut ventura bona magna spe expectare, mala ingenti trepidatione metuere, denique potius cælo, quam Christo accommodare sese possent.

Atqui Astrologia non tam ignorantia, incertitudinis, imposturis, latibulis, & effugijs plena scatet, quàm persuasioni, opinionibusq;, ac aphorismis gentiliū, ut plurimum innititur: sed etiam ipsa si posset de tali hominum genere, conquereretur,
 qui

qui Imperium ei, quale non habet, affingunt, quale habet, crassa ignorantia denegant, nec voces quibus ea curiosos ad Christum remittit, exaudiunt, minus harmoniam, quam cum Christo habet, intelligunt, tandem nec sese ei, nec naturæ, nec rationi, nec Christo, accommodant.

Nobis quidem Astrologia iudicialia notitia omnis abest, nec si pulsaret, unquam intromitteretur. Verum qui cælestia meditamur, & Astralia, non plane carere decet Astrologia omni, imo absq; ea esse Christiano haud licet, Sacram tamē, Divinā & Christianorum sublimitatis condignā, quæ vana nec promittit, nec minatur, sed solida re ipsa offert; non de futuris hallucinatur, nugatur, sed ea oculis nostris veluti presentia opponit; quæ deniq; corporis nostri di-


I S.

vinam cras in format, mores fingit,
honos, opes, officia distribuit, denique
ab ipsa morte, nos securos tranquillosque reddit.

Ludamus aliquantulum in Divini timore, & Astrologia falsa, cum Theologia veris, dubia cum certis, lubrica cum firmis, vana cum solidis, impia cum sanctis, ita committamus, ut producta aliquantulum, ostensaque excellentia Christiana, sondeat servile ac puerile astrorum jugum, neque amplius eos, qui ad misera Creaturas tam Nobilem Animam, tam nobilitatum, magisque nobilitandum corpus, examinant, dijudicantque, feramus, denique omnes cogitationes nostras, tum studia etiam, & artes ad sublimiorem longè, divinioremque contemplationem, conferrentemus.

Noster itaque NATUS, esto CHRISTIANUS

STIANUS COSMOXENUS, ille
 quidem humanæ infirmitatis mise-
 riæq; propago, sed commiserantis, &
 prævenientis Gratiæ, nova & re-
 generata creatura, tota præsentis
 tolerans, futuristudioſa. Terra non
 hospes ſolummodò, ſed mortuus, ac
 nulla ſui parte accõmodus, monſtrum
 veluti inter deriſores ſed Deo ſuo in
 delitijs, ac omnino talis, cujus vita nõ
 hic, ſed alibi vivitur, qui gaudium
 ſuum nõ extra, ſed intra gaudet, cu-
 jus ſcientia non foris, ſed intus ſcitur,
 cujus voto nihil MUNDO magnum,
 celebre, ſublime, ſtreperum, delica-
 tumve expetitur, ſed qui iis ſolum-
 modò ſatiatur, quæ præterea nemini
 ſatisfaciunt, ſcilicet abſentibus, ſpe-
 randis, credendis, & ut malignè im-
 probi rident, imaginariis. Sed inſpi-
 ciamus eum, per capita Astrologica.



CAP. I.

De Domino Genitura.

DE Genituræ, sive domus
dominio, duo inter se di-
micant diversissimi, A-
DAM & CHRISTUS,
alter corporeus, spiritua-
lis alter, ille piger, somnolentus, gra-
vis, ineptus; hic alacris, vigilans, subli-
mis, sapiens. Uterque sibi ædestotas
petit, nec ferre alterum potest. Sed vin-
cit CHRISTUS, votis, suspiriis, & ten-
taminibus *Renati*, verum non ita, ut
nihil insidiarum ab adversa parte ipsi
non subinde deturbandum veniat. Sed
quotidianos ADAMI insultus ita susti-
net, ne unquam eitam dilectæ, sele-
ctæ sacræq; domus sive Templi pos-
sessionem cedat, potius obturatis fen-
suum, appetituumque fenestris, rimis,
ac foraminibus; propugnaculum suum
muni-

munitum magis, firmumquē reddat,
 & Satanæ, Mundoque, duobus aliis fu-
 riosissimis hostibus tutius opponat. Ita-
 que prædominatur salutaris illa *Stella*
Iacob, prædominatur *Iusticia Sol*, præ-
 dominatur *Lux ab alto*, reliquæ et si
 maleficæ sint stellæ, nihilque vel boni
 præfagiant, vel dare possint, debiliores
 tamen sunt, & mille millenis testimo-
 niis superantur.

C A P. II.

De Temperamento.

Quatuor sunt Adamaticæ prolis
 humores, Calidus qui iratos fa-
 cit, superbos, tumultuarios. Humidus
 qui dissolutos, diffuentes, ventris mā-
 cipia & Voluptatis. Frigidus qui a-
 theos, supinos, stupidos. Et siccus qui
 avaros, infructiferos, inclementes. Ni-
 hil horum nec Christo, nec Christiano
 nostro convenit, nec ulla commixtio-
 ne fit temperamentum *Renato* condi-
 gnum. Itaque alios ei humores inesse
 oportet, eritque nobis *Calor Charitas*.

devotio, malorum concoctio, vanitatis combustio. *Frigus*, conniventia, indulgentia, oblivio mali, simplicitas sacra. *Humiditas* Verbi Dei irrigatio, libertatis rivuli, liquefacta in Deo anima, navigatio ad portum. *Siccitas* Crucis tolerantia, in mundo insensibilitas, soliditas, constantia, veritas, ex quibus temperamentum fiet *Imago Dei*, quæ tota voluntati, amoris, honorique suis renunciat, & in Dei manus resignat, Deum suum veluti speculum repræsentat, ipsum spirat, ipsum sapit, ipsum respicit, ei laborat, ei studet, & in eo conquiescit.

C A P. III.

De moribus, & ingenio.

INde de moribus facile Judicium, erunt enim compositi, humiles, simplices, recti, sed à consuetudine hominum maximè abhorrentes : Unde nihil facile admirabitur, nisi Christum suum summum Miraculum. Et cum omnes homines amet, paucos & in iis pauca

pauca laudabit, rarò hominum gaudiis
 intererit, nec erunt in propatulo gau-
 dia ipsius, sed intus cum Christo suo
 deliciabitur. Paupertatem non refor-
 midabit. Infamiam non vindicabit.
 Muneribus publicis non se intrudet.
 Ad mortem non exhorrescet. Patebit
 autem omnibus, aderitque, ipse ab aliis
 nihil expectabit, nisi dilectionem, suū
 aliorum erit, quæ aliorum sunt, sua nec
 erunt, nec concupiscet. Feret non fe-
 riet. Et inter hæc omnia plurimum si-
 lebit, plurimum secum erit, plurimum
 suspirabit. Ingenio autem erit in schola
 Christi docili, in conversatione colum-
 bino, in excubiis contra hostes serpen-
 tino, ad Mundi voces omninò surdo ac
 stupido, sed omnium maximè in de-
 tergendis expellendisquè sordibus à
 Patre *Adamo*, à Patria *Mundo*, à sorore
Carne contractis, diligentissimo,
 perspicacissimo, laborio-
 sissimo.

CAP.

CAP. IV.

*De statura, forma & habitu
Corporis.*

Illa quidem communis omnibus
excellencia est hominibus, erectū,
præter reliquorum animalium figu-
ram, esse, tum Universi hujus fabricam
quasi compendio repræsentare, ac ex
creaturarum ferè omnium spoliis, Na-
turæ veluti tenacitatem abunde resar-
cire posse. Verum illud Christiano no-
stro verè uniceque gloriosissimum est,
Christum suum eandem corporis for-
mam, figuram, staturam, & indigen-
tiam assumisse, cum eo ambulasse, ad
supremos cœlos sublatum, & ad Dei
dexteram receptum esse. Suum verò
corpus, nō tantum qua auribus Deum
loquentem exaudit, qua oculis Dei
Magnalia intuetur, qua linguâ cum
Deo colloquitur, eiusque est interpres,
sed maximè qua *Corporis Divini* hospi-
tium, sacariumque est, cum tremore
& adoratione admiratur, postea ita gu-
bernat,

bernat, ut vel monoculum, mancum, claudum, cœlestibus promissis gaudiis potius inferat, quam integrum pernicioſa mollitie, à tam ineffabili humanæ Carnis glorificatione, excludat.

C A P. V.

*De Moribus, & utraque Va-
letudine.*

MOrbi hîc nulli sunt, dum Christus perfectus ille & fœlix semper Medicus præsto est. Verum diætā ipsius & præscriptam curam trāsgredi, non morbo saltem exponit, sed morbus ipse est periculosissimus. Mūdi aër, mundi convictus, mundi contagium pestilentissima sunt, nec quāquam intactum imò non infectum relinquunt, quisquis à Christo suo egreditur. Domi se contineat, & cum anima cohabitetur sua, quisquis ab hac peste, lepra, febrique tutus esse vult, nec uspiā Medicinā speret quisquis Christi antidotum negligit. Sanitas una Christus est, extra Christum meri morbi, qui

qui homines ita in lectulis suis volu-
tant, exercent, & excarnificant. Itaque
Renatus noster semper valet, semper
benè habet, ne tangunt morbi, qui
carnem flagellant, cutimque tantum
stringunt, & ut *Myrrha* salutaris à pu-
tredine reseivant, ipsum veræ constan-
tiæ, constantisq̃ue tolerantia, toleran-
tisq̃ue spei ac fiducia exemplar viri
Laurea coronant.

C A P. VI.

*De alijs corporis accidentibus, ut ca-
su, ruina, carcere.*

Via qua ambulabit *Renatus* noster
& arcta est, & salebrofa, spin-
ac scopulis obsita, vnde à ruina fre-
quenti, & pedum illisione periculum
Sed est qui erigat Christus, qui que tan-
molestos primum ictus ita condat, ut
verè dulcescant; itaque nihil est quo
à Mundo expectet boni, nisi quod ca-
lum tandem contrahit, & ad mala obr-
gescit: Verùm in Christo omnia tut-
habebit, plana, jucunda, secuta cujus
tute.

tutela nuspiam fortuitò impinget, semper cum commodo suo exercebitur, & prostratus non derelinquetur. Carceris etiam minæ, quas Caro, Mundus, Sathan infauftæ stellæ præsagiunt, & vincula, quæ quovis angulo insidiabuntur nihil officient, nec continebunt diutius constrictum, sed æquè ac ponderosum onerosumq; corpus *Animam* liberam & ætheream tandem emittet, ita illi vel inviti Christianum à Christo liberatore ereptum, libertati pristinæ, & auctiori restitui intuebuntur.

C A P. VII.

*De Parentibus, Consanguineis
& agnatis.*

EQuidem fatendum est, natum nostrum prognatum vilissimis parentibus esse, abjectissimis imò proscriptis, Patre *Adamo* peccatore, matre *Terra* maledicta, vnde opes ei nullæ, nulla speranda Dignitas. Sed præsagit ei stella *Iacob* regiam adoptionem, patremque

tremque dat *Deum*, matrem Ecclesiam, inde non animæ tantum, à cœlesti ortu cum Deo cognatio, sed & corporis cum Christo consanguinitas. Huic familiæ insertus, totus infami originis suæ renunciat, adeoque ne quibus primi natalis reliquijs adoptionis gloriam commaculet, aut in faciem abhorrentis Patris Dei, producat, curat studiosè. Imo nunquam nisi Christi sui veste, tectus iuuolutusquè in conspectum cœlestis prodit Patris. Tanta est sordidi Adami in cœlesti Regia Christi; regno ingrata præsentia, nauseæ, odium. Et hic fastus infima adhuc humilitas est, quo utinam superbiremus omnes, & tam infastæ ab Adamo hæreditati renunciaremus elatissime.

C A P. VIII.

De Fratribus, sororibus, affinibus &c.

AB iisdem diversis Patribus, duplex etiam fratrum sororumquè series, altera Iacobitica, Esauitica altera: ma-

a: magno utrinque numero, sed Iaco-
 bitarum semper longè inferiore. Inter
 hos amor, concordia, institutio, mu-
 tuum auxilium, consilium, condolen-
 tia, indulgentia, & in Christo æquali-
 tas. Inter illos fuci, furor, cædes, ra-
 pinæ, odium, calumniæ, discordiæ,
 superbia, tituli, & inter se pudenda &
 ambitiosissima distinctio. Ibi frater
 fratrem ut cælestem colit, ut patrem
 aut institutorem respicit, ut filium a-
 mat, ut hominem fert, & corrigit. Hic
 frater fratrem ut Idolum adorat, frater
 fratrem ut brutum conculcat, mactat,
 ex cruciat, frater fratris carnes epula-
 tur, sudorem, & sanguinem bibit. Ita-
 que noster Iacobitas tantum fratres a-
 gnoscat, reliquos commiseratur, sed
 vitat, & quam maximè ab ijs cavet, &
Fraternitatem eam quam *Iesus* primus
 & supremus frater instituit, sanctè,
 candidè & constanter colit, & cum re-
 liquis membris *Vnum*, *concors*,
 divinumquè *Corpus*
 constituit.

CAP.

CAP IX.

De Amicis, socijs, & familiaribus.

Amicum habebit neminem, nisi eum qui ei omnia, *Christum*, reliqui quoque sint affectu, nunquam ad veri amoris ascendunt perfectionem. Is renatum amat, docet, corrigit, fert, tandemquē ad Dei tribunal omni sua & aliena ope destitutum excusat, defendit, & fructuosa intercessionem liberat, sed idem sibi veri amoris reciprocationem exigit, quæ parentum, liberorum, uxorum, amicorum possessionem, sed sui ipsius maximè amorem transcendat, & ignis, aquæ, laquei, ferri, tormentorum, tentaminumque omnium examen ferre possit. Socios sibi libenter adiunget, sed curriculi sacri socios, quibus cum devotione, ardore quē certabit, & in quos gratiæ radios reflectet. Ipsi socij erunt precum, meditationum, laborum sacrorum, socij & condiscipuli Scholæ Domi.

Dominicæ, socij tolerantia, firmitudinis, & contemptus mundani: non computationum, conflictationum, discursionum, lusus ac vanitatis. Familiaritas verò erit perquam exigua, ut quæ ordium fert secum plurimum, & internam illam cum Christo & anima, immo ratione etiam naturali familiaritatem interturbat maximè,

C A P. X.

De Inimicis & Adversariis.

Inimicorum ubique satis, Nec si maximè Mundo serviat, tutus futurus. Mundus quibus maximè utitur, quos promptos habet, quosq; evehit, non tamen minus ridet, cavillatur, & inimicitias exercet. Itaque gloriosum id tantum odium est, quod odio Christi in Christianum derivatur. Quo minimè commovetur, deturbatur, ringitur, quod Dei dilectione largiter recompensetur. Infestetur itaque licet Renatus noster risu, calumniis, mendaciis, increpationibus, minis, imprecationibus.

bus, verberibus, impedimentis, tormentis, tentationibus, nihil ipsum deicit: sed ad ostensam semel veritatem, monstratumquè bonum per mille lividas linguas, mille malignas manus, mille satyricos, & sarcasticos calamos penetrat. Certus telum nullum tam durum Christiani saxum divisurum, omnia in emittentes resultura. Nec imponet facilè hostis quisquam simulato amore, dum Christianus à recta directaque via salutis oculos nusquam deflectet, sed quicquid non animam cœlumque resipuerit, hostile arbitrabitur.

C A P. XI.

De Matrimonio.

Matrimonij felicitas à Domino est, & felicitatis humanæ punctum. Infelicitas mors sine morte, ac inferni præhodium. Sed nos jam aliam meditamur: sacrum scilicet conjugium quod *Animæ cum corpore; sacratius quod sanitati fidei cum sanctitate vitæ;* sed

sed sacratissimum quod *anima sponsa*,
 cum *sponso Christo* est, ac intimæ con-
 junctionis vincula exigit. Vtrobique
 Maris ius, & Fœminæ debitum, quæ
 quisquis confundit, cōcentū iam solvit
 connubialis dulcedinis. Et verè discor-
 dia turbarum nostrarum turbinūquē
 mater est, cum aut carnea tantum co-
 gitamus, optamus, facimus, aut san-
 ctitatem nostram scientiā, opinione,
 artibusve metimur, aut spreto marito
 Christo, mœchos admittimus, ac cum
 maligni cordis nostri Idolis adulte-
 ramur. Vno verbo, ubicunque divor-
 tium hoc habet locum, ibi miseria,
 ubi cælibatus, ibi sterilitas; ubi con-
 jugium, ibi dos; primi, tranquillitas sa-
 cra; secundi, adoptio beata; tertij, æ-
 ternitas gloriosa. His *foelix Christianus*,
 non conjugium habet, sed
 perpeuas nu-
 ptias.

K

CAP. XII.

De liberis & fecunditate.

Fœcundum est hoc triplex matri-
 monium, & numerosa prole cœ-
 lum implet. Filius primogenitus *Sum-
 mum bonum*, dein filia, Iustificatio, &
 Beatitudo itidem primum nata, Illis
 fratres sunt atque sorores universus
 virtutum humanarum, Christiana-
 rum, divinarumque chorus, emicant-
 què inter mortales Augusti, Fœlices,
 Fausti, Friderici, Clementes, Vitales,
 Vincentij, Benigni, Liberij, Mansueti,
 Vigilij, Erhardi, Ernesti, Valentes,
 Magni, emicant Regina, Clara, Pru-
 dentia, Veronica, Concordia, Sim-
 plicia, Dorothea, Theodosia, Blan-
 dina, Prisca, Hilaria, Materna, o-
 mnes tandem filij filiaque Dei, Regni
 Christi subditi, militiaeque sacrae mili-
 tes, civitatis cœlestis cives, æternorum
 bonorum hæredes. Hæ uvæ sunt in vi-
 nea Domini hæc, desideriorū poma, bo-
 næ arboris boni fructus ac Paradyfi di-
 vini

unt ornamenta, omnia, pulchella,
odorifera, sapida, salubria: Et tamen è
cunctis quas mater gignit *Fides* filia-
bus, *Humilitas* ac *Liberalitas* Deo præ
reliquis sunt jucundissimæ, gratissimæ,
ac honoratissimæ.

C A P. XIII.

De Famulatio.

SI quis forte nesciat quàm ampla
Christiano familia, quod famuli-
tium splendidum, sciat primum *Anges-
los* spiritus potentissimos ei astare,
eum observare, & lætis applausibus
commoda ipsius prosequi. Inde uni-
versa *Natura* famulatur, & ad manda-
tum sive voluntatem præsto est, ea
suppeditat ingenio ejus instrumenta,
& Deum aliquem in terris æmulari si-
nit. Postea *Philosophia* omnis ancilla-
tur, artes omnes, & quæ laboriose in-
venta sunt serviunt: Quicquid reliquis
mortalibus dominatur, hîc servit. Sed
& *membra* ipsius ei serviunt, nec ita
tumultuantur, luxuriant, aut evagan-

tur curiositate, sed sacrum quodlibet
munus perficiunt. Oculi ne videant
non videnda, Aures ne audiant non
audienda, Lingua, ne loquatur non
proferenda, Venter ne hauriat non
concoquenda, Corpus uniuersum ne
admittat non admittenda. Denique
fratrum etiam suorum manibus, ac
promittuntur utitur, indeque iunctis
singulorum operibus, domus pacifi-
cum imperium constituitur.

C A P. XIV

De bestijs & brutis.

Solent etiam de bestijs vaticinari
Astrologi quas non præteribimus,
hac in primis ætate, qua inter homines
bestiarum plus est quam hominum,
nec facile quisquam accensa meridie
face hominem dignoscat. Cum bestijs
itaque multum negotij erit Christia-
no. Vt quem modo hominem facies
dixit, mox maledicum canem, lasciu-
um hircum, impuram suem, impe-
ritum & pigrum asinum, lividam ser-
pentem

pentem experiatur. Loquetur, sed non audietur, docebit, nihil discant, orabit nihil impetrabit. Pastus namque talium animalium est opinio, consuetudo, voluntas: sed venenum maximè, atque excrementum. Inter quæ ita deliciantur, ut quisquis obloquitur grunitus, latratus, ruditus, rugitusque referat. Christi vero grex ex ovibus est, quarum corpus innocens, ac simplex, imprimisque lana, lacte; fœtus & post mortem cute, carne, nervis utilissimum est, nec nisi lætis salubribusque verbi Divini pascuis reficietur. Inde ab ovibus Renato nostro commoda, nec ullum, nisi pastorale munus, erit terris cœloque ei conducibilis, scilicet quod Patriachale, Propheticum, Apostolicum, Christianum.

C A P. X V.

De Magisterio seu Professione.

ET quistandemerit, qui tantopere Deo, Naturæque curæ? quo defungetur officio? Præclaro equidem;

K 3

ut primum enim lectus est à Deo, par-
 atque dignus factus est, cui divina mu-
 nera imponerentur. Non est cuiusvis,
 sed nec optimorum omnium, ita se ab
 omni Terreo abstrahere, avocare què,
 ut uni Deo vacet. Non cuiusvis, care-
 re ijs posse, quibus alij indigent; gau-
 dere in ijs, quæ alios contristant; sape-
 re ea, quæ alijs apparent insipida. Itaq;
legatus est Dei ad homines, qui errores
 eorum ijs denunciet. *Censor* qui in-
 convenientia notet cuncta, & incre-
 pet. *Vigil* hominum, qui ad mala eo-
 rum adventantia exclamet. *Medicus*
 qui ubique obambulans, huic venam
 fecet, illi diætam præscribat, alteri sto-
 machum aut cerebrum purget. Sed
 imprimis vitæ commodioris, rectioris
 tranquillioris, *exemplar*, quo homines
 infanix, suo corpore convincat. Et de-
 finant inepti de Renato suspicari, eum
 futurum otiosum, aut omnino solum:
 Nam cui charitas pro officio est, nun-
 quam otiaabitur. Operario forte care-
 bit Respub. aut opifice, sed habebit
Architectum.

CAP.

CAP. XVI.

De Dignitatibus.

Dignitates etiam ingentes sunt:
 Primum *Rex* est. Nec Microcos-
 mum tantum ita regit, ne quid in eo in-
 iussu eius, aut clam, minus contra re-
 gni sui leges committatur: Ne qua pæ-
 na malo, premium bono desit, ne quis
 tumultus oboriat, aut seditior: Sed &
 è magno Mundo, quicquid ei opus est,
 jure suo sumit, fato suo & astris impe-
 rat, è sublimi cælestique arce humana
 intuetur, ac despicit, nullis eorum mo-
 tibus vel implicatur, vel commovetur.
 Postea *Index* est, & de cunctis quæ sunt,
 quæque fiunt liberrimè, dijudicat, non
 multitudine aliter sentientium, non
 magnitudine, nec jactantia dimove-
 tur: sed æqual lance mala abijcit, bona
 in Thesauros suos refert. Denique *Sa-
 cerdos* est, cuius stola, Innocentia Chri-
 sti; oblationes, preces; suaves odores,
 Charitatis specimina, altare, proximus;
 Templum, cætus Christianus; sanctū

K 4

sanctorum, animæ cum Christo cohabitatio: Quibus dignitatibus excelsus triumphabit æviternum.

C A P. XVII.

De Fortuna.

Equid Fortuna faciat, aut quid minetur, Homini immobili, & imperio omni, nisi Christi exempto? Nihil dedit, nihil auferet, & in suis colludere potest opibus, nunquā in Christiani. Is sua ita custodit, ut sua maneant, quæ aliena sunt, & extra illum, Fortunæ ludibrio relinquit. Verum in Christo suo fortunatissim⁹ est, & quod reliqui infinitis vijs ambagibusq; quarunt *Summum bonum*, ipse securè possidet. Non aberit equidem Fortunæ malignitas, sed eam purpurati metuant, non Christianus, qui metuit nihil nec à Mundo boni quicquam, vel petit, vel expectat, qui nulla re alia, quam Christo habet opus. Unde dum alij Fortunæ donarijs se onerant, ac ornant: ipse vel sponte adjectis se exuit, ne unquam

ne unquam amore illorum capiatur,
& Fortunæ, sese submittat. Vivit ergo,
non qui invitus hoc, aut perdat illud,
his, illis, cum dolore indigeat, sed qui
quoquo momento universum Mun-
dum, & tuguriolum suum corpus, ala-
cri promptoque animo sit derelicturus,
& reddito mutuo, propria ac hæredi-
taria ingressurus.

CAP XVIII.

De Divitijs.

AUrum, nummi, gemmæ, lapides:
metalla, sordes sunt, nec condi-
gnas Renato nostro divitias constitu-
unt: quicquid etiam ab arte est, & in-
genio fit, nondum satis facit: Imo in-
fra herbas, stirpes, & animalia longe
est. Unde neutrorum in Nostro ap-
petitus, minus admiratio, aut judiciū,
quo universus doctus pariter & indo-
ctus laborat mundus. Illi opes aliæ
sunt atque ingentes, imò à creaturis o-
mnibus & operum Divinorum multi-
tudine Census. Ij sunt *Faus Dei*, ex-

K 5

cellentiæ humanæ testimonia, interior harmonia. Sed Thesaurus thesaurorum *Verbum Dei* est, cuius complexu quicquid orbis terrarum habet, pretiosi comprehenditur, in quo Machinæ totius sapientissimam structuram, rerum futurarum præfigurationes, temporum admirandam harmoniam, & universum cum Christo concentum reperit. Verbum tonans, verbum seipsum probans, verbum sibi semper conveniens, verbum intus convin- cens, ac commovens suspicit & in eo deliciatur. Et quid ni dives sit, cuius Bibliotheca est Liber scripturæ, Liber vitæ, Liber conscientiæ, Liber naturæ, cuique Deus, Natura, ac Creaturæ omnes, opes suas communicant.

C A P. XIX.

De Itineribus.

Tantum hîc itinerum sese ostendunt, ut *Viator* verè futurus sit Christianus noster: sed nequaquam voluptuarius. Hospitia ubique intuta

ta, molesta, morosa, & quæ plus quam
 ulli Caupones ungulati, nummis eius
 insidiabuntur. Tum à latronibus, præ-
 donibus, furibus periculū, qui quan-
 tum poterunt temporis, meditationis,
 precum, Christianique exercitij suffu-
 rabuntur, auferentvè. Ipsa via aspera
 erit, semita præceps, ac angusta, sed
 quam viæ Dux, ac Lux Christus reddet
 commodam, atque expeditam. Mare
 etiam Mundi huius tentabit, & peri-
 clitabitur creberrimè, sed ne naufra-
 gio quidem interibit, potius si id con-
 tingat, enatabit ad portum, & tot ten-
 taminibus Cæli, terræ, aquæ, & ignis,
 semper victor superstes permanebit.
 Itineris etiam socij infideles erunt, &
 sub periculis deserent, vel ad devia
 provocabunt. Quascunque lustrabit
 gentes, quos mores notabit, omnes re-
 periet mundanos, & Mundum sibi uti
 ab initio erat, sibi ubiq;, similem, eius
 scilicet Monarcham Satanam, ho-
 spitem, vel exulem potius
 Christum.

K 6

CAP. XX.

De Insomnijs.

SED & insomnia sibi Astrologi vendicant, quanto potius Christianus noster, qui quod alij insomniū dicunt, Verbum sacrum habebit, voluntatis Divinæ internuncium. Dum reliqui dormitant, & stertunt in vanitate sua, nec nisi quas opinionum, consuetudinum, stultitiæ & malitiæ fumi faciunt, imagines somniant, Hic noster totus in providentia, protectione, & voluntate, mandatisque Dei, requiescit, dormit, ac revelato, Divino consilio ac in bonos, malosve explicato proposito delectatur. Nullæ illū de corpore suo, de bonis, aut machinamenti adversarijs curæ excitant. Vnum cor ad Deum vigilat, reliqua divino liquore inebriata, & consopita sunt, & vitæ hujus noctem ita transmittunt, placidè, ut nunquam vel tenebrarum subeant, horrores, vel spectrorum exagitationes experiantur, donec

donec tandem redeunte æternitatis
aurora, redditoque pijs Iustitiæ sole
Christo, experge facta membra, nova
& multiplicata alacritate ad officium
redeant suum: Id est, perpetuæ quieti
mobili, motuique quieto, motorique
ejus Christo, sint gloriosa.

C A P V T V L T I M V M

De Morte.

MVndus hic ossuarius magnum
est, ubi mortui inter mortuos
degimus, imò inter vitæ veræ osores.
Et quærimus adhuc mortem, ac de
morte nostra querimur, quæ intra nos
tamen est, & vel ipsa vitâ sive sanitate
perimit. Quod enim vitæ nostræ ac-
cessisse credimus, id morti contuli-
mus, & jam quæ modo præterijt vitæ
hora emortua est. Qui trientem æta-
tis tranfēgit, tertia sui parte mortuus
est qui semis ē semi mortuus. Sed ali-
ter longè Christianus, qui mortem
nullam metuit, nullam agnoscit, po-
tius ad vitam è morte accedit, singulis

momentis propius. Itaque quod alijs
 formidolosum est, ac Mors, quodque
 sagacioribus vitæ miseræ finis, id ei est
 ad Vitam ad Libertatem, ad Fœlicita-
 tem, ad Perfectionem conclamatio.
 Quam ille tam audit libenter vocem,
 quam ad eam percipiendam, excipi-
 endamque vitam omnem composuit,
 corporis sui carcerem patienter susti-
 nuit, res terrenas omnes alienas duxit,
 ac in punctum commodatas. Verùm
 alia ei dum vivit morte opus est, qua
 Adam, molestus, ac in ultus Deo inter-
 imitur omnis voluntas suffocatur,
 philautia occiditur. Nec vivere un-
 quam poterit, nisi in alieno vivat, in
 suo emoriatur. Quod postremum est
 Christiani nostri, sed admirandum, at-
 que gloriosum *Paradoxum*.

*Hactenus de Christiano nostro iudi-
 cium Theosophicum, id est, Homini in
 his terris verè Hospitantis, & in cœle-
 sti itinere promoventis Imago expres-
 sa: sed quam sponte agnoscimus Cosmo-
 politis fore ridiculum. Sui enim perpe-
 tuum, Christi, Mortis meminisse, ineptū
 is est*

ius est, & præceptis Mundi e diametro
 oppositum, qui nihil nisi Famam, Opes,
 Vitam, Memoriam, Labores, Artes,
 Subtilitates, Splendorem, Titulos in-
 culcat, nuspiam ad Pietatis rectam sim-
 plicemque aut eam saltem, quam Philo-
 sophi quondam calcarunt viam, mon-
 strator, dux, præcursor: Sed in verbis et-
 iam optima consilia subsistunt, & sub-
 inde Mundi fabula, ac hystrionia reno-
 vatur. Itaque si Cosmoxenum nostrum
 queras, nuspiam nisi scriptum aut pictū
 reperies, scilicet chartaceum, qui homi-
 nes inclamat frustra, quippe surdos, nec
 nisi postquam hinc inde plus centies mil-
 lies impegerint, vel tantillum ab inci-
 tato erroris cursu cohibendos. O Beatos
 quibus maturè effringuntur oculi, per-
 foranturq; oppletæ aures, ut dexteriori
 foeliciorique inter bonum malumque
 solidum & vanum, verum & falsum di-
 scrimine animadverso, in tutum se se-
 curum, pacificum, liberum ac latum lo-
 cum recipiant, ibidem reliqua vite pun-
 cta transmittant, non ad mortis usque
 ostium cani, deliri, ac erubescences va-
 nitatis

nitatis, erroris, miseria, turbarumquē
internarum omnium facinas adferant,
deploratoquē infelicissimæ vitæ decur-
su, pauculos sibi adhuc emendationis,
penitentiaquē dies optent.

Sed desperata res est, nec cōsurgit quis-
quam, nisi quem Deus erigit, aut abicit-
onus, nisi à quo Deus aufert. Tanta Mun-
di infelicitas est, ut si hodie liberetur
Antichristo, Mahomete, Mammona, Fa-
ma, Fortuna, Aristotele, una summa, va-
nitate, cras excitaturus sit novos, atque
deteriores carnifices. Itaque nec quic-
quam inclamante Ratione, Naturâ, Phi-
losophiâ, Theologiâ servitutis servi ma-
nebunt numerosi, Libertatis liberi sem-
per erunt paucissimi, abjectissimi, ridi-
culi. Vnica ad rectam viam impetran-
dam commoditates supersunt, Paren-
tum probitas, loci opportunitas, tempo-
ris fœlicitas, educationis sedulitas, insti-
tutorum conscientia, piorum preces, oc-
casionis devotio, laboris assiduitas, æ-
tatis maturitas, sed supra cuncta Crucis
exercitium, quæ ita confringunt nostræ
malitia Luxuriem, ut vel invititi tadem,

& sub

& sub iugo sapiamus, neque porro cum
licentia, & cuiusvis mali copia, sed ab-
stinendi necessitate conflictemur. Qua
& facilior est pugna, & victores nos ci-
tius relinquit.

Quisquis igitur, intra se eos sentit
motus, ut Mundi actionumquè eius labo-
ret nausea, iamquè ad sublimius exqui-
sitiusquè de rebus studiisve mortalium
Iudicium se sublatum intelligit: Primùm
beatum se credat, postea ad fœlicitatem
maiores admittendum, neque unquam
amplius vel cœlorum motibus, vel astro-
rum aspectibus, vel terrarum revolutio-
nibus vel hominum consuetudinibus, vel
suis appetitibus, vel bestiarum moribus
se submittat. Sed Christianismi privi-
legio ovans, ac triumphans in hac cun-
cta Imperium non affectet tantum, sed
iam ante à Christo oblatum apprehen-
dat, ac tam fœlici (uti explicata est ha-
ctenus) Geniturâ utatur. Nemo enim ni-
si seipso & vanitate suâ est ligatus, nec
miserius quisquam ac indignius servit,
quam sibi singuli. Vnde quam primum à
nobismet fuerimus liberati, posteaquam
renun-

renunciaverimus libenter iis, quæ nostræ
non sunt, nihil ultra superest, quod à Per-
fectæ Felicitatis introitu nos possit im-
pedire.

Alij ergo alibi querant, quod uspiam
aut est revera boni, aut creditur, non ta-
men invenient, sed querendo defatiga-
buntur, defatigati deplorabunt, deplo-
rantes desperabunt, desperantes interi-
bunt, nec malorum catenis sese extrica-
bunt. Nos expeditius intra nos quietem,
pacem, tranquillitatem, abundantiam,
scientiam petemus, & impetrabimus fa-
cilime. Nobis cœlum erit Trinitas, Sol
Christus, Luna Ecclesia, Planetæ Do-
ctores, Astra Electorum chori, Motus
primus Antiquitas, Motus secūdi tem-
porum signa, Centrum verbum Dei,
Ignis Fides, Aër suspiria & preces, A-
qua nostri deliquium, Terra conatus,
Dies anima, Nox Corpus, quæ longè
pluris nobis curæ erunt, quàm ingens illæ
in nostri ornamentum fabricata Machi-
na: Quâ etiam Astrologiâ illud Mundo
adversum, retrogradumque brevi impe-
trabi-

trahimus, ut dum eius servi sciendo ne-
sciunt, possidendo indigent, quiescendo
laborant, liberi serviunt, Nos nesciendo
sciamus, agendo possideamus, laborando
quiescamus, serviendo simus
mortalium Liber-
rimi.

F I N I S.



